

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiut**

1981-mi, Areaalit (nunaminertat/imartat) atorneqarnerat, illoqarfiit allilerneqarneri sanaartorfigineqarnerilu pillugit Kalaallit Nunaannut inatsit nr. 612, 23. december 1980-meersoq, suliassaqaqarfiup Namminersornerullutik Oqartussanut 1. januar 1981-mi nuunneqarnera tunngavigalugu inatsit piginnaatitsissut naapertorlugu nunamik atuineq, nuna tamakkerlugu pilersaarusionsorneq aamma illoqarfimmik pilersaarusionsorneq illuliortiternerlu pillugit Inatsisartut peqqussuta nr. 1, 2. februar 1981-meersoq atuutilersinneqarpoq.

Inatsisartut peqqussutaat Kalaallit Nunaannut ministeriaqarfiup nunaminertanik atuinermut inatsisaanut assingugajalluinnartoq aallaavigalugu oqartussaaffik siusinnerusukkut Kalaallit Nunaannut ministerip ataaniissimasoq Namminersornerullutik Oqartussanut nuunneqarpoq. Taamaalilluni Nuna tamakkerlugu pilersaarusionsornermut ataatsimiititaliaq Inatsisartunit pilersinneqarpoq, aammalu illoqarfinnut pilersaarutit ilusissaannut imarisaannullu maleruagassat Namminersornerullutik Oqartussanit aalajangersarneqartussanngorlutik. Namminersornerullutik Oqartussat illuliornernut oqartussaaneermut malittarisassiorput, aalajangerneqarporlu Nuna tamakkerlugu pilersaarusionsornermut ataatsimiititaliaq suliartik pillugu ukiumoortumik Inatsisartunut nalunaarusiortassasut. Aammattaaq Nuna tamakkerlugu pilersaarusionsornermut ataatsimiititaliap naammagittaalliutini aalajangiineri inaarutaasumik aalajangiinerusalerput.

1980'kkut qiteqqunneranni Kalaallit Nunaanni inuiaqatigiinni ineriartornerup aammalu qitiusumik sumiiffinnilu misilittakkat nassatarisaannik inatsisip 1977-miilli allanngortinneqarsimanngitsup annertuumik allanngortinneqarnissaa pisariaqartinneqalerpoq.

Taamaattumik 1986-imi Nunaminertat atorneqarnerat pilersaarusionsornerlu pillugit Inatsisartut peqqussutaat nr. 6, 19. december 1986-meersoq atuutilersinneqarpoq. Peqqussutikkut nunaminertanut oqartussaassuseq inatsisitigut maleruagassinneqarpoq, illoqarfiup nunaqarfiullu killeqarfianni nunaminertanut oqartussaaffik kommuninit isumagineqartussanngorlugu, nunaannarmilu nunaminertanut oqartussaaffik Naalakkersuisunit isumagineqartussanngorlugu. Taamatuttaaq aalajangersarneqarpoq illoqarfinni nunaqarfinnilu kiisalu nunaannarmi nunaminertanik atuinissat akuersissummik peqqaarluni pisinnaasut.

Peqqussummi 1986-meersumi siunertaasut ilagaat pilersaarusionsornermut suliassaqarfimmi aalajangiisinnaatitaaffiup sumiiffinnut siammartinneqarnissaanut suliap ingerlanera aallartinneqassasoq. Peqqussut naapertorlugu kommunalbestyrelsit kommunimut pilersaarusionsornermik ingerlatsisinnaallutillu ingerlatsisussaapput, taamaalillutik pingaarnerusutigut maleruagassiortussaallutik. Taamaattorli taanna atuutilersinneqarnissaanut Naalakkersuisunit akuerineqartussaalluni. Peqqussummi sumiiffinnut pilersaarusionsornermi maleruagassanik sukumiisunik aalajangersaanissamat aalajangiisinnaatitaaneq suliakkiunneqarpoq. Taamaaliornikkut kommuninut pilersaarusionsornerup kingusinnerusukkut aamma suliakkiunneqarnissaa siunertaralugu aallarniutitut alloriartoqarnissaa peqqussummi siunertarineqarpoq.

Pilersaarusionerni sukumiinernaami, tassalu sumiiffinnut pilersaarusionermi, kommunini nunaminertanik ataasiakkaanik atuinissamut malittarisassat sukumiisut pisussaaffiisullu taamanikkut aalajangersagaasarpur. Sumiiffinnut pilersaarusionerq, kommunimut pilersaarusionermut kommunalbestyrelsip kommunimi paasiuminarsakkamik siunissami nunaminertanut atuinissanut killissarititaasunik aalajangersaaffigisaanut, akerliusussaannngilaq.

2003-imi Naalackersuisut KANUKOKA suleqatigalugu ataatsimiititaliamik, pisortat suliaasaqarfiini suliaasanik isumaginninnissamut killissarititaasunik allannguuteqartitsinerni aalajangiinissamut tunngavissiiisussamik misissueqqissaarnernik suliaqartitsisussamik pilersitsippur. Aaqqissuussaannermut Isumalioqatigiissitap "Pisortat suliaasaqarfiinik aaqqissuusseqqinnissaq pillugu isumaliutissiissutaa" 2006-imi septembarimi tunniunneqarpoq.

2009-imi januaarip aallaqaataani pilersaarusionerq aamma nunaminertat atorqartarnerat pillugit Inatsisartut peqqussutaat nr. 11, 15. december 2008-imeersoq atuutilerpoq. Tassunga kommunimut pilersaarusionerq aamma nunaminertat atorqarnerat pillugit Namminersornerullutik Oqartussat nalunaarutaat nr. 7, 26. februar 2009-imeersoq tapertaliunneqarpoq. Suliaasaqarfimmi nutaamik maleruagassionermi Aaqqissuussaannermut Isumalioqatigiissitap inassuteqaatai aallaavigineqarput, ilaatigut tamatuma kingunerisaanik kommunimut pilersaarutit aamma sumiiffinnut pilersaarutit siunissami ataatsimoortillugit pilersaarusionerqartalerlutik, peqatigisaanillu pilersaarutit taakkua akuersissutigineqartarnissaannut oqartussaaneq Namminersornerullutik Oqartussanit kommuninut nuunneqarluni.

Tamanna sanaartormik aallartitsisinnaanissamut pingaaruteqarsimavoq: 2009-imi januaarip aallaqaataa tikillugu, sanaartornissamut qinnuteqaatigineqartumut nunaminertamik atugassiiisoqarsinnaalernissaanut, amerlanertigut kommunalbestyrelsi sumiiffimmut pineqartumut kommunimut pilersaarummut tapiliussamik aammalu najukkamut pilersaarummik nutaamik atuutsitsilertariaqartarsimavoq. Taamaattoqartillugu najukkamut pilersaarutissatut siunnersuut utaqqiisaasumik inatsisitigut sunniuteqartilerneqarsinnaasimannngilaq, taamaaliortoqassappat kommunalbestyrelsip tungaaniit Naalackersuisut kommunimut pilersaarummut tapiliussamik akuersinissaa sioqqunneqartussanngussammat. Taamaalilluni sanaartornissami kommunimut pilersaarummut tapiliussap Naalackersuisut akuersissuteqarfigineqarnissaa utaqqineqartariaqartarsimavoq. Pissutsit taamaattut Inatsisartut peqqussutaanni atuuttumi allanngortinneqarput, taanna malillugu kommunimut pilersaarummut siunnersuut imaluunniit kommunimut pilersaarummut tapiliussassatut siunnersuut utaqqiisaasumik inatsisitigut sunniuteqartinneqarsinnaalerluni.

Namminersornerup 2009-imi juunip 21-ani eqqunneqarneranut atatillugu piginnaatitsissutitut inatsit siusinnerusukkut atuuttoq, Areaalit (nunaminertat/imartat) atorqarnerat, illoqarfiit allilerneqarneri sanaartorfigineqarnerilu pillugit Kalaallit Nunaannut inatsit pillugu Inatsit nr. 612, 23. december 1980-imeersoq atorunnaarsinneqarpoq. Tamatuma peqatigisaanik Naalackersuisut kommunillu pilersaarusionariaatsip nutaap atorqarnerani misilittagaqaleqqaarput. Tamanna tunngavigalugu Naalackersuisut inatsimmi arlalitsigut naleqqusaanissamut suliniuteqalerput, ilanngullugit inatsisip ataatsimoortunngortinnissaa. Tamanna kommuninit apeqquteqaatit inassuteqaatillu arlaqartut tunngavigalugit pivoq.

11. juni 2010 siulittaasup aalajangiinera nr. 98 aqqutigalugu Naalackersuisut aalajangerput, Danmarkip Espoo-mi allattuiffik Kalaallit Nunaannut nunami sumiiffimmi

tunuarsimaarnertaqanngitsumik akuerissagaa Namminersorlutik Oqartussat kissaatigigaat, Danmark-ip nalunaarfigineqarnissaa akuersaarneqassasoq. Espoo-mi allattuiffik Espoo-mi isumaqatigiisummut tapiliussaavoq.

Peqatigisaanik Naalakkersuisut Ineqarnermut, Attaveqarnermut Angallanermullu Naalakkersuisoqarfik piviusunngortitsinermi avatangiisinut sunniutaasussanik misissuisarneq (SMV) pillugu inatsimmik suliaqarnermi aallartitseqqullugu peqquaat.

Espoo-mi allattuiffiup akuersaarnerani, pilersaarutitut pisussanullu pilersaarussianut atatillugu avatangiisinut sunniutaasussat killissaliussanik qaangiisussat eqqarsaatigalugit piviusunngortitsinermi avatangiisinut sunniutaasussanik nalilersuineq (SMV) pillugu aalajangersakkanik aalajangersaanissamut Namminersorlutik oqartussat pisussaaffeqalerput. Espoo-mi allattuiffimmi piumasaqaataavoq, atortuni allatorneqartuni arlaqartuni piviusunngortitsinermi avatangiisinut sunniutaasussanik misissuinermik ingerlatsivigineqartassasut, ilaatigut nukissiorfiit anginerusut aamma saviminernik aatsiteriviit. Allattuiffik aamma aalajangersakkanik atortuni taakkunani piviusunngortitsinermi avatangiisinut sunniutaasussanik nalilersuinerit tamanut saqqummiunneqartarnissaannik tamanullu ammasumik oqallisigineqartarnissaannut tunngasunik imaqarpoq.

Nunaminertanut oqartussaaffik tamatuma saniatigut Naalakkersuisunit kommuninut ulloq 1. januar 2011 tunniunneqassaaq.

## **1.2 Nassuiaassutit**

Oqariaaseq ”Piviusunngortitsinermi Avatangiisinut sunniutaasussanik nalilersuineq” paasineqassaaq tassaasoq misissuineq suliasanik aalajangersimasumik piviusunngortitsinissaq pillugu aalajangiinissaq sioqqullugu ingerlanneqartussa. Misissuinerimi siunertarineqarpoq pilersaarusiormut aammalu politikkikkut aalajangiinissap ingerlanerani, avatangiisinut pitsaanngitsumik sunniutaasussat pinngitsoortinniarlugit imaluunniit pakkersimaarniarlugit, paasissutissat isummersuutillu arlalissuit ilanngunneqarnissaat. Avatangiisini oqaaseq atituumik paasineqartussa atorneqarpoq.

Oqaaseq ”suliassaqarfimmut pilersaarut” paasineqassaaq tassaasoq suliassaqarfimmut oqartussaasut assigiinngitsut sanaartornissamut porsaanissamullu pilersaarutaat, nunaminertanik atuinissamik aalajangiinernik aalajangersimasunik imaqartoq, ilanngullugit nunaminertat inniminnigaasut aammalu atorneqartut. Tamatumunnga assersuutitut taaneqarsinnaapput umiarsualivinnik timmisartoqarfimnullu sanaartornissamut allilerinissamullu pilersaarutit. Suliassaqarfimmut pilersaarutit pisut ilaanni pisortanit aqunneqartumik imaluunniit ingerlatseqatigiiffimmit namminersortunit inuiaqatigiinni suliasanik suliaqarnissamik pisussaataasunit isumagineqartuusinnaapput. Suliassaqarfimmut pilersaarutit qitiusoqarfimmit aammalu kommunimit suliarineqartarput.

Oqaaseq ”suliassaqarfimmut inatsisit” paasineqassaaq tassaasoq inatsisit nunap iluani imaluunniit nunani tamalaani atuuttut allat, inatsisissat siunnersuutikkut matumuuna maleruagassiuunneqartuunngitsut, kisiannili imarisai kommunimi sanaartorfissanik pilersaarusiormut sunniuteqartut. Tamatumunnga assersuutitut taaneqarsinnaapput kulturikkut eriagissasanut inatsit, ilaatigut maleruagassanik itsarnitsat eriagissat eqqaanni nunaminertamik atuinissamik killiliisunik aalajangersaasoq.

Oqaaseq "inuiaqatigiinni annertuumik soqutiginaatillit" ataatsimoortumik oqaasiuvoq ukununga tunngasoq

- 1) Naalakkersuisut pingaarnertut politikkikkut anguniagaat. Taakkua assersuutigalugu § 8-imi taaneqartumi nassuiaammi oqaatigineqarsinnaapput.
- 2) Suliassa qarfinnut pilersaarutit politikkikkut akuerisaasut imaluunniit illuliortiternernut sanaartornernulluunniit imaluunniit eriagisassanut soqutigisanut tunngatillugu aalajangiinerit.
- 3) nunaminertanik atugassiinerit pisut, suliassa qarfimmu inatsimmi, nuna tamakkerlugu pilersaarusiornermut ilitersuusiani imaluunniit nunani tamalaani isumaqatigiissutini il.il. aalajangersagaasut.

Oqaatsip "sanaartornissamik aalajangiinerit" atornerani paasineqassaaq tassaasoq illiliortiternernik il.il. aallartitsineq, sanaartornermut kontomi aningaasaliissutit atugassanngortinneranni akilerneqartussaq.

Oqaatsip "tamanut ammasumik saqqummiineq" atornerani paasineqassaaq tassaasoq tamanut ammasumik tamakkiisumik saaffiginnittumik saqqummiineq, atuagassiani saqqummiinikkut imaluunniit allagarsiinikkut pigajuttartoq. Oqaatsip "tusarniaaneq" atorneqarnani oqaatsip "tamanut ammasumik saqqummiineq" atorneqarnera oqaluttuarisaanermik tunngaveqarpoq.

Akerlianilli oqaaseq "tusarniaaneq" paasineqassaaq tassaasoq sanilinit imaluunniit allanut suliap pineqartup inerneranut annertuumik nammineerlunilu soqutigisaqarsinnaasunut toqqaannartumik saaffiginnittoq.

## **2. Inatsisissatut siunnersuutip imarisai pingaarnerit**

Naalakkersuisut pilersaarusiornermut killissarititaasunik oqartussaasutut inissinneqarnissaat inatsisissatut siunnersuummi attatiinnarneqarpoq. Tamatumuuna Naalagaaffiup aamma Namminersorlutik Oqartussat kissaataat isumaallu najukkani aammalu qitiusumik pilersaarusiornermi ilanngunneqartarnissaat, peqatigisaanillu innuttaasunut pisussaaffiliisunik sukumiisumik maleruagassiisarnerup najukkami pisarnissaa qularnaarneqassaaq. Taamaattumik siunnersuummi pingaarnertut anguniarneqarpoq, ullutsinnut tulluarnerusunik kommunimi qitiusumilu pilersaarusiornermut maleruagassaasinnaasunik sanaartorfissanik pilersaarusiornermut eqaatsumik inatsisitigut sinaakktissat attatiinnarnissaat.

Peqatigisaanik kommunit kommuneqarfimmu tamarmut sanaartorfissanik pilersaarusiornissamut aalajangiisinnaatitaanerannut killissarititaasussanik aalajangersaaffiusumik inatsisitigut sinaakkusiisoqarnissaa siunertarineqarpoq. Inatsimmi taamaalilluni siunertarineqarpoq Namminersorlutik Oqartussat oqartussaasuini, kommunalbestyrelsini aammalu pisortat suliassa qarfiinut pilersaarusiornermu oqartussaasuini pilersaarusiortartut akornanni suleqatigiinnerannut killissarititaasussanik aalajangersaaviussaaq. Innuttaasut pilersaarusiornermu sunnuteqaqataasinnaanerat tunngavissatut pingaaruteqartutut atuutsiinnarneqassaaq.

### Inatsisartut inatsisaannut peqqussutip nalunaarutillu ataatsimut allanneqarnerat

Inatsisip atuuttup suliarineqarneranut atatillugu aalajangersakkat suleriaatsinut tunngasut peqqussutit suliaralugit, aammalu pilersaarutip imassai nalunaarutit suliaralugit inatsisip agguarneqarnissaa anguniarneqarsimavoq.

Suleriaatsit imassallu akornanni agguaanissaaq taanna suliap ingerlanerani ajornakusoorsimavoq, taamaattumillu aalajangiussamik atuuttussanngortinneqarsinnaanani.

Tamanna pissutigalugu kommunit tungaanniit nalunaarutigineqarpoq, paasiuminassusissaq eqqarsaatigalugu pilersaarusiortarnermut inatsimmik ataatsimut allatamik peqalernissaq orniginarnerusoq. Tamatuma peqatigisaanik Namminersorerullutik Oqartussani maleruagassiortarnermut malittarisassani, 2004-mi juunimeersuni qupp. 57-imi nassuiaat naalakkersuisoqarfimmut eqqumaffigeqquneqarpoq, taanna malillugu nalunaarusiat tunngaviusumik taamaallaat aalajangersakkanik, innuttaasunut saaffiginnittunik imaqsinnaammata. Tamanna pissutigalugu nunaminertanik atuineranut peqqussutip aamma nunaminertanik atuineranut nalunaarutip pilersaarusiortarneq nunaminertanillu atuneq pillugit Inatsisartut inatsisaannut ataatsimoortillugit allanneqarnissaat inassutigineqarpoq.

#### Nunaannarmi sumiiffiit assigiingitsut immikkoortiterneqarneri

Inatsimmi pioreersumi illoqarfinni nunaqarfinnilu sumiiffiit arlallit immikkoortunut, soorlu inissiaqarfinnut, inuussutissarsiutinik ingerlataqarfinnut umiarsualiveqarfinnullu agguarneqarnissaat aalajangersarneqarpoq. Nunaannarmi pilersaarusiortarnermi nunaminertanillu atugassiisarnermi oqartussaaffiup kommuninut tunniunneqannginnerani, nutaatut inatsisissatut siunnersuummi matumani nunaannaap taamatut agguarneqartalernissaa naleqquttutut isumaqarfigineqarpoq.

#### Nunaminertanik atugassiisarnermi akitsuutinik atuutsitsilernissaq

Kommunit pilersaarusiortarnerat pingaartumik kommuninut ataatsimoorussamik tapiissutit aqputigalugit aningaasalersorneqartutut isigineqarpoq, aammalu nunaannarmi pilersaarusiortarnermik oqartussaaffiup tunniunneqarnerani kommunip suliassaqarfimmi suliai annertusilaarsinnaasutut naatsorsuutigineqarsinnaavoq. Kommunini aaqqissuusseqqinnermut atatillugu kommunini pilersaarusiortarnermut oqartussaasut eqiterutsinneqarsimanerannik paasisaqarneq, taamatut isummerneranut tunngavigineqarpoq.

Tamatuma peqatigisaanik kommunit suliassaqarfinni allani suliassanik inatsisinik tunngaveqartunik suliassaqartut, aammalu nunaminertanik ingerlatsinerup isumagineqarnissaanut aningaasaliissutit ikittuinnaasimasut maluginiarneqarpoq. Taamaattumik ataatsimoorussamik tapiissutit ikilisinneqarnerannut atatillugu nunaminertanik atugassiisarnermi suliassanik suliaqartarnermut akitsuusiinikkut atuisunik akiliisitsisalersinnaaneq siunnersuutigineqarpoq. Kommunip nunaminertanik atugassinneqarnissamik qinnuteqaatinik suliaqartarnerani inuit tamat sullinneqarneq ajornerat, taamaallaalli qinnuteqartut sanatitsisulluunniit ataasiakkaat immikkut sullinneqartarnerat suliassanik suliaqartarnermut akitsuusiisarneq aqputigalugu aningaasalersuinissamut tunngavigineqarpoq. Tamatumunnga atatillugu kommunimi pilersaarusiortarnerup nalinginnaasup kommuninut ataatsimoorussamik tapiissutit aqputigalugit aningaasalersorneqarnerata ingerlaannarnissaa naatsorsuutigineqarpoq.

Erseqqissaatigineqassaaq, matumani nunamut nammineerluni pigisaqarnissamut pisinnaatitaaffiup atuutsinneqalernissaa pineqanngimmat, kisiannili akitsuut kommunit nunaminertanik atugassinneqarnissamik qinnuteqaatinik suliaqarnerannut taarsiissutaasusaaq pineqarmat.

#### Pilersaarusiortarnermut nunaminertanillu atugassiisarnermut maalaaruteqartarfik pillugu aalajangersakkat immikkoortinneqarnissaat

Siunnersuutip atuutileratigut peqqussut naapertorlugu aalajangiinernut maalaarutininik suliaqartarnermut maalaaruteqartarfiup immikkoortup pigineqaannarnissaa anguneqassaaq. Aalajangersakkami tassani inatsisiliortut inatsisinillu atuutsitsisut akornanni ersarissumik avissaartitsinissaq siunertarineqarpoq. Suliaqarnermi taamaalilluni paasinarsisimavoq

Naalakkersuisut suliami akuutillugit naammagittaalliuutip suliarineqarnissaa ajornakusoortartoq. Ajornartorsiut taanna Naalakkersuisut nunatsinni sanatitsisut annersarimmassuk pilertarpoq. Aaqquissuussineq maanna atuuttoq, maalaarutininik Naalakkersuisunut tunniussisinnaaffiusoq eqqarsaatigalugu, maalaaruteqartarfiup pigiinnarneqarneratigut innuttaasut inatsisitigut isumannaassusiat nukittorsarneqassaaq.

Nunaminertanik atuinnermut peqqussutip atuuttup suliarineqarneranut atatillugu taamanikkut Inatsisartut Attaveqatigiinnermut Ineqarnermullu Ataatsimiititaliaata qinnutigaa, pilersaarusiortarnermut nunaminertanillu atugassiisarnermut maalaaruteqartarfimmut aalajangersakkat peqqussummi ersarissarneqassasut. Ataatsimiititaliap tungaaniit maalaaruteqartarfiup katitigaanera peqqussummi aalajangersarneqassasoq aalajangersimasumik kissaatigaa. Taamatuttaaq maalaaruteqartarfiup qanoq iliorluni sulianut attuumassuteqannginnissaata qulakkeerneqarnissaa allassimassasoq kissaatigineqarpoq. Tamatuma kingorna allannguutissatut siunnersuut suliarineqarpoq, taannalu siunnersuutip Inatsisartuni pingajussaanneerneqarneranut atatillugu peqqussummut ilanngunneqarpoq.

Taamaalilluni siunissami pilersaarusiortarnermut nunaminertanillu atugassiisarnermut maalaaruteqartarfiup katitigaanissaa peqqussummi aalajangersimasorujussuarmik aalajangersarneqarpoq. Maalaaruteqartarfiup, assigiinngitsunit katitigaasup, aammalu maalaarutininik suliaqartarnermi tunngavilersorluakkamik isumagisaqarnissamut piginnaaneqartup qulakkeerneqarnissaa aalajangersakkami siunertarineqarpoq. Kisiannili piunasaqaatit aalajangersagaasut malinniarnerat ajornakusoortoq paasinarsisimavoq, peqatigisaanillu aalajangersakkani pilersaarusiortarnermut nunaminertanillu atugassiisarnermut maalaaruteqartarfiup maalaaruteqartarfimmut allanut, soorlu avatangiisinut pinngortitamullu maalaaruteqartarfimmut kattunneqarnissaa mattunneqarluni. Taamaattumik pilersaarusiortarnermut nunaminertanillu atugassiisarnermut maalaaruteqartarfik Naalakkersuisunut attuumassuteqassanngitsoq immikkut aalajangersarneqassasoq, kisiannilu maalaaruteqartarfimmi ilaasortat katitigaanerat aalajangersakkami peerneqassasoq inatsisissatut siunnersuummi siunnersuutigineqarpoq.

Naatsorsuutigineqarpoq maalaaruteqartarfiup ilaasortaqaarnerata katitigaaneranut atuuffissaanullu maleruagassat immikkut nalunaarummi aalajangersarneqassasut.

Pineqaatissisinnaanermut ikaarsaarnissamullu aalajangersakkanik allanngortitsineq  
Nunaminertanik atugassiisarnermut peqqussut atuuttoq naapertorlugu kommunip maleruagassat malinneqarnersut nakkutigisussaavaa. Unioqqutitsisoqartoq kommunimit malugineqarpat, unioqqutitsinerup iluarsineqarnissaanut peqqusissalluni kommuni pisussaaffeqarpoq. Peqqusisinnaanermulli pisinnaatitaaffik taanna taamaallaat peqqussummi pineqaatissisinnaanermut aalajangersakkani immikkut allassimavoq. Peqqusissuteqarneq innuttaasunut ataasiakkaanut amerlanertigut annertuunik sunniuteqartarmat, kommunit peqqusuteqarsinnaaneranut tunngavissamik erseqqinnerusumik suliaqartoqassasoq siunnersuutigineqarpoq.

Aammattaaq kommunimi pilersaarummi inatsisitigut sunniutaagallarsinnaasut inaarutaasumillu sunniutaasinnaasut unioqqutinneqarnerat akiliisitsinermik kinguneqarsinnaasooq, pineqaatissisinnaanermut aalajangersakkani allanneqarnissaa siunnersuutigineqarpoq.

Kiisalu najukkani pilersaarutit pioreersut, aalajangersakkanit nassuiaasersukkanit taarserneqarnissamik tungaanut atuutiinnarnissaat siunnersuutigineqarpoq.

### Inatsisissatut siunnersuutip killissalersorneqarnera

Inatsisissatut siunnersuummi sumiiffik aalajangersimasoq taaneqanngilaq. Nalinginnaasumik maleruagassat naapertorlugit illuatungiliisunik malitassaqartinnagu Kalaallit Nunaata nunataanut imartaanullu inatsisit atuutissapput. Nunavimmut tunngavik pillugu inatsimmi § 6 naapertorlugu Kalaallit Nunaata nunavimmut tunngavianut atasortaani sanaartornernut inatsisissatut siunnersuut aammattaq atuutissaaq.

Namminersorlutik Oqartussanut atatillugu pissutsit assigiinngitsut pillugit inatsit nr. 474, 12. juni 2009-meersoq naapertorlugu sumiiffinnut atortulersuutinullu, sakkutooqarnermi siunertanut iluaqutigineqartunut nunaminertanik atugassisarnertit naalagaaffimmi oqartussaasut Namminersorlutik Oqartussanut isumaqatiginninniareernerimikkut nalunaarutigisussaavaat. Tassalu sumiiffiit atortulersuutillu, sakkutooqarnermi siunertanut iluaqutigineqartut inatsimmut matumunnga ilaatinneqanngillat.

### **3. Pisortanut aningaasaqarnikkut allaffissornikkullu sunniutissat**

#### Kommuninut aningaasaqarnikkut allaffissornikkullu sunniutissat

Naalackersuisoqarfiup isumaa malillugu kommunini pilersaarusiortnermi allaffissornikkut nammagassat allannguuteqarnerinik inatsisissatut siunnersuut annertuunik kinguneqassanngilaq. Kommunini pilersaarutit suliarineqarnerinut isumalluutit pisariaqartinneqartut, ullumikkut kommunini pilersaarutit pingaarnerit aamma nassuiaasersukkanik maleruagassiornerit suliarineqartarnerinut aningaasaliissutaasarsimasinnaasut assigiinnassagaat naatsorsuutigineqarpoq. Tassalu kommunini pilersaarusiortnerit suli kommunini ataatsimoorussamik tapiissutit aqqutigalugit aningaasalersorneqartarnissaat naatsorsuutigineqarpoq, tassani suliassat tunngaviusumik pisortani suliassanut tamarniusunut ilaasutut isigineqarmata.

Pilersaarusiortarnerup allanngortinneqarnerani, pilersaarusiortneq aamma nunaminertat atornerqarnerat pillugit Inatsisartut peqqussutaatigut nr. 11-kkut, 5. december 2008-meersukkut atuutsinneqalersumi, kommunit pilersaarusiortnermi oqartussaasuisa annikitsumik sipaaruteqarsinnaanerit ajornarunnaarsinneqarpoq. Tamanna kommunimi pilersaarusiortarnermi oqartussaasut qitiusumik katersorneqarnerisigut aammalu pilersaarusiortarnermut iserfissiap pilersaarusiortnermut tunngaviusunik atuuttunik paasiuminarnerulersitsisussap pilersinneqarneratigut pivoq. Tamatuma saniatigut nunami sumiiffinnut paasissutissiisarfiup elektroniskiusup, sumiiffiit ilaasa atornerqarlernissaannut nunallu assiginut ilassutaasunut nalunaarsorneqartarlernissaannut periarfissiisussap atuutsinneqalernissaa Ineqarnermut, Attaveqarnermut Angallannernullu Naalackersuisoqarfiup naatsorsuutigaa. Suliniutissat taakku nuna tamakkerlugu pilersaarusiortarnermut konto ("2010-mut Aningaasanut Inatsit"-mi konto 70.01.12 "Nuna tamakkerlugu pilersaarusiortneq") aqqutigalugu aningaasalersorneqarnissaat naatsorsuutigineqarpoq.

Nunaannarmi nunaminertanik aqutsinerup Naalackersuisunit kommuninut nuunneqarnerani kommunini isumalluutitigut pisariaqartitat ukiup affaani sulisussap ataatsip nalinganik amerlinissaat naatsorsuutigineqarpoq. Pilersaarusiortneq aamma nunaminertat atornerqartarnerat pillugit Inatsisartut peqqussutaannut nr. 11-mut, 5. december 2008-meersumut nassuiaatini takuneqarsinnaasutut suliassaq taanna taamanikkut aningaasalersorneqanngilaq. Kisiannili Namminersornerullutik Oqartussat / Namminersorlutik Oqartussat aamma kommunit akunnerminni ataatsimoorussamik tapiissutit

pillugit isumaqatiginninniarnissaannut, ataatsimoorussamik tapiissutit amerlineqarnissaannut apeqqutip ilaatinneqarnissaa siunniunneqarpoq.

Taamatut paasinnineq kommuninut ataatsimoorussamik tapiissutit annertunerusumik sipaaruteqarfigineqarnissaannik Naalakkersuisut nalunaaruteqarneranut atatillugu iluarsineqarpoq. Taamaattumik siunnersuummi matumani kommunini nunaminertanik ingerlatsinerup aningaasalersorneqarnerata ingerlaannarnissaanik qulakkeerisussanik sulianik suliarinninnermut akitsuutit ilusilimmik atuisunik akiliisitsisalernissaaq siunnerfigineqarpoq.

Nunaannarmi pilersaarusiornissamut nunaminertanillu atugassiisarnissamut oqartussaaffiup nuunneqarnerata kingunerisaanik, pisussaaffiit pilersaarusiortarnermut inatsimmi maleruagassat avataanniittut kommuninut suliakkiissutigineqassanngillat. Nunaannarmi nunaminertanik ingerlatsinermi oqartussaaffik kommuninit tiguneqaraluartoq, inatsisissatut siunnersuummi sumiiffinni mingutsinneqareersimasuni saliusussaataaneq Namminersorlutik Oqartussanit imaluunniit kommuninit isumagineqartussaannersoq pillugu apeqqut kalluarneqanngilaq. Pilersaarusiortarnermut inatsimmi taamaallaat sumiiffiit annertumik mingutsinneqarsimasut tikkuarneqarnissaat periarfissinneqarpoq, kiisalu nunaminertanik atugassiinnermut atatillugu saliusussaataanermit pisussaaffiit aalajangersarneqarnissaannut tunngaviliisoqarluni. Taamatut pisoqassappat kina nunami ammaannartumi nunaminertanik mingutsinneqarsimasunik saliusussaataaassannersoq avatangiisinut inatsimmi aalajangersarneqarsimavoq.

Namminersorlutik Oqartussanut aningaasatigut allaffissornikkullu kingunerisassat  
Nunap karsianut aningaasatigut kingunerisassat eqqarsaatigalugit nuna tamakkerlugu pilersaarusiortarnermut tunngasortaa, tassalu suliasaqaqfinnut pilersaarusiortarnerit assigiinngitsut eqqarsaatigalugit, maannamut sulisut amerlassusissaanni kontomi 70.01.01-imi kiisalu nuna tamakkerlugu pilersaarusiortarnermut kontomit (“2010-mut Inatsisartut aningaasanut inatsisaat”-ni konto 70.01.12 “Nuna tamakkerlugu pilersaarusiortarnermut”), kiisalu pilersaarusiortarnermut inatsisissatut siunnersuutip kingunerisaanik inuit ukiumut suliarisinnaasaasa naatsorsornerisa ilanngunneqartarunnaarnerisigut aningaasalersorneqarnissaat naatsorsuutigineqarpoq. Taamatuttaaq naatsorsuutigineqarpoq Pilersaarusiortarnermut nunaminertanullu naammagittaalliuteqartarfiup pilersinneqarnera aningaasaliissutaareersut iluanni aningaasalersorneqarsinnaassasoq, tassani naatsorsuutigineqarpoq inuit ukiup affaani suliarisinnaasaattut annertussusilimmik aningaasartaliinikkut tassunga nuunneqarsinnaassasut.

Nunaminertanik atugassiisarnermut atatillugu sulianik suliaqartarnermut akitsuutip atuutsinneqalerneratigut, Namminersorlutik Oqartussat sanatitsisutut inissisimatillugit akitsuutip taamaattup akilersinneqartarnissaa naatsorsuutigineqarpoq. Tamatumunnga atatillugu suliap suliarineqarneranut atatillugu kommunip aningaasartuutiviisa kisimik akitsuummit matussuserneqartarnissaat erseqqissarneqarpoq. Naliliineq malillugu nunaminertanik atugassiisarnermi sulianik suliaqartarnermut akitsuutit nunap karsianut allannguuteqartitsinaviangillat, akitsuutit sanaartukkanut aningaasartuutitut tamarmiusunut isumaqarnissaat naatsorsuutigineqanngimmat.

Espoo-mi allattuiffiup akuerineqarnissaa pillugu Naalakkersuisut isummernissaannut tunngavissiami allassimasutut, allattuiffiup piviusunngortinneqarnissaanut qitiusumik allaffeqarfinni sulisussat amerlinissaat pisariaqassaaq. Taamaattumik SMV-mut nalunaarummik atuutsitsilernissaaq kiisalu piviusunngortitsinermi avatangiisinut sunniutaasussanik nalilersuinermi sulianik suliarinnineq, siunertamut aningaasaliisoqarnissaa apeqqutaatillugu suliarineqassapput.



Naammagittaalliuutinut suliarinninneq ullumikkut Ineqarnermut, Attaveqarnermut Angallanermullu Naalackersuisoqarfiup kontoanit pingaarnermi aningaasalersorneqartarpoq (konto 70.01.01). Missiliorneqarpoq naammagittaalliuutinik suliarinninnermut ukiup affaani sulisoq ataaseq Ineqarnermut, Attaveqarnermut Angallanermullu Naalackersuisoqarfiup ukiut tamaasa atortaraa. Suliassap taassuma naammassinissaanut ukiut tamaasa 200.000 koruunit aningaasartuutigineqartartut missiliorneqarpoq. Naammagittaalliuutinik suliarinninneq siunissami naalackersuisoqarfiup suliassariunnaartussaagalaruaa, siunissami naatsorsuutigineqarpoq pilersaarutinut nunaminertanullu naammagittaalliuuteqartarfiup allattoqarfeqartinneqarneranut 200.000,- koruunit immikkoortinneqartariaqartut. Tamatuma saniatigut pilersarusiornermut nunaminertanullu naammagittaalliuuteqartarfimmi ilaasortanut ukiumut 50.000 koruunit immikkoortinneqartariaqarput.

Pilersarusiornermut nunaminertanullu naammagittaalliuuteqartarfiup suliassai maannakkut missingersuutini aningaasaliissutinut killiliussat iluanni kontomit pingaarnermi 70.01.01-imit aningaasaliissutit taamaaqataannik nuussinikkut aningaasalersorneqassaaq.

#### **4. Inuussutissarsiornermut il.il. aningaasatigut allaffissornikkullu kingunerisassat.**

Siunnersuutip atuutilernerani siunnersuummi § 54 malillugu nunaminertamik atugassinneqarnissamat qinnuteqarnermut atatillugu suliarinninnermut akiliuteqartitsisarnissaq atuutilissaaq. Suliarinninnermut akiliutissaq sanaartugassanut aningaasartuutissanut tamakkiisunut naleqqiullugu isigisariaqarmat, sulianik suliarinninnermut akiliuteqartitsinissaq annikitsuinnarmik aningaasartuuteqarnerulernermik kinguneqassasoq naatsorsuutigineqarpoq.

Illuliortiternissap imaluunniit sanaartornissap annertunerusup imaluunniit pingaaruteqartup pilersarusiortussaataaneq aallartittussanngussappagu, pisut ilaanni sanaartortitsisup kommuni kommunimut pilersaarummut tapiliussamik suliaqarnissaanut aningaasartuutit matussutissaannik ikiortariaqartussaassavaa. Tamanna naleqquttutut isumaqarfigineqarpoq, pissutigalugu pilersaarutissat siunnersuut sanaartortitsisorpiaq sinnerlugu, kisiannili ataatsimut isigalugu tamanut atuuttussaannigsumik suliarineqartarmat.

Naatsorsuutigineqarpoq 2008-imi kommuninut pilersaarutissat siunnersuutit akuerineqartarnissaannut oqartussaaffiup allannguuteqarnerata atuutilerana aamma siunissami kommunimut pilersarusiorneq ataatsimut isigalugu kommuninut pilersaarutit aamma kommuninut pilersaarutinut tapiliussat suliarineqarnerinut piffissaq annikillissasoq. Sulianik suliarinninnermut piffissap sivikinnerunissaa taamaattoq illuliortiternerup aallartissinnaanissaanut pitsaasumik sunniteqarpoq taamatullu ingerlaannartussaalluni.

#### **5. Avatangiisinut pinngortitamullu kingunerisassat**

Inatsisissat siunnersuut avatangiisinut pinngortitamulluunniit sunniteqassagatinneqanngilaq. Inatsisissat siunnersuut nunaminertanik atuinissamat imminermi pinngortitamut imaluunniit avatangiisinut tunngasunik killilersuinernik imaqqanngilaq. Nuna tamakkerlugu pilersarusiorneq taamatullu kommunimi pilersarusiorneq killilersuinernik assigiinngitsunik imaqartassagaluartut, taakkua suliassaqarfinnut inatsisini inatsitigut maleruagassaqartinneqarput. Assersuutigalugu immikkut mingutsitsisumik suliaqarnissamat aalajangersakkat, avatangiisit illersorneqarnissaat pillugu inatsimmi inatsitigut maleruagassaqartinneqarpoq.

Nunaannarmi nunaminertanut pilersaarusionermullu aalajangiisinnaatitaanerup Naalackersuisut kommuninut tunniunneqarnerani, nunaminertat atorneqarneranni atuinermi pissusiviusunik annertunerusumik allannguuteqartoqarnissaa naatsorsuutigineqanngilaq. Taamaalilluni inatsisissatut siunnersuutit, pingaartumik pilersaarutinik nunaminertanillu aqutsinerup ingerlanneqarneranut sunniuteqarnissaa, kisiannili taassuma piviusunngortinneqarnerani sunniuteqannginnissaa naatsorsuutigineqarpoq.

## **6. Innuttaasunut allaffissornikkut kingunerisassat**

Naatsorsuutigineqarpoq siunnersuummi matumani innuttaasut pilersaarummut oqalliseqataanissamut akuutinneqartarnerisa ingerlaannarnissaa qulakkeerneqartoq.

Naatsorsuutigineqarpoq sulianik suliarinninnermut akitsuut annikitsuinnarmik aningaasartuuteqarnerulernermik nassataqassasoq, pissutigalugu sulianik suliarinninnermut akitsuut sanaartornermut aningaasartuutitut ataatsimoortunut sanilliullugu isigineqartariaqarmat.

Qanittumi inissisimanissamik tunngaviusumut naapertuuttumik, iantsisissatut siunnersuutit atuutilereratigut, aalajangiinerit innuttaasumut tunngassuteqartut amerlanerusut, sapinngitsamik innuttaasunut ataasiakkaanut qaninnerusumiittumi isummerfigineqartassapput. Tamanna atuutissaaq kommunimut pilersaarutit akuersissutigineqarnerannut atatillugu taamatullu nunaannarmi nunaminertanik atugassiinerit pillugit aalajangiinernut atatillugu.

Naatsorsuutigineqarpoq innuttaasut nunaminertanik atugassiinerit pillugit aalajangiinerit naammagittaalliuuteqarsinnaanissaat pitsaanerulissasoq: Nunaannarmi nunaminertanik atugassiinerit pillugit aalajangiinernut naammagittaalliutit, maannamut allaffissornikkut oqartussanut naammagittaalliuutigineqarsinnaasimangillat. Tamatumunnga pissutaavoq siusinnerusukkat Naalackersuisut illoqarfiit nunaqarfiillu killeqarfiisa avataanni nunaminertanut oqartussaasuusimmata. Pilersaarusionermut nunaminertanullu naammagittaalliuuteqartarfiup pilersinneqarneratigut naammagittaalliorfissamik taamaattumik peqalissaaq.

## **7. Naalagaaffeqatigiinnermut namminersornermullu tunngatillugu**

Peqqussutissatut siunnersuut Naalagaaffeqatigiinnermut sunniuteqassagatinneqanngilaq.

## **8. Oqartussaasut kattuffiillu il.il. tusarniaavigineqarnerat**

Peqqussummut siunnersuut piffissami 06.05.2009-miit 22.06.2010-mut ukununnga tusarniaassutigineqarpoq: Rigsombudi, Kalaallit Nunaanni Eqqartuussivik, Nunatta Eqqartuussivia, Miljøministeriap By- og Landsskabsstyrelse-a, Statens Lufthavnsvæsen, Farvandsvæsenet, Aningaasaqarnermut Nunanullu allanut Naalackersuisoqarfik, Kulturimut, Ilinniartitaanermut, Ilisimatusarnermut Ilageeqarnermullu Naalackersuisoqarfik, Ilaqutariinnermut Peqqissutsimullu Naalackersuisoqarfik, Inuussutissarsiornermut Suliffeqarnermullu Naalackersuisoqarfik, Nunamut Namminermut, Pinngortitamut Avatangiisinullu Naalackersuisoqarfik, Ineqarnermut, Attaveqarnermut Angallannermullu Naalackersuisoqarfik (Sanaartornermut oqartussaasut), Aalisarnermut, Piniarnermut Nunalerinermullu Naalackersuisoqarfik, Naalackersuisut siulittaasuata Naalackersuisoqarfia, Aatsitassanut Ikummatissanullu Pisortaqaarfik, KANUKOKA, kommunit, Nukissiorfiit, Royal Arctic Line A/S, Tele-Post, Mittarfeqarfiit, ASIAQ, Pinngortitaleriffik, Nunatta Katersugaasivia Allagaateqarfialu, Kalaallit Nunaanni politimesteri, Niels Bennetzens Tegnestue, Tegnestuen Nuuk, Masanti A/A, Niras Greenland A/S, Cowi A/S.

Tusarniaaneq makkuninnga allannguuteqartitsinissamik pissutissaqalersitsivoq:  
Nunamut Namminermt, Pinngortitamut Avatangiisinullu Naalakkersuisoqarfik  
siunenrsuummut imaattunik oqaaseqaateqarpoq:

*Nunamut Namminermt, Pinngortitamut Avatangiisinullu Naalakkersuisoqarfiup  
isumaqatigaa, inatsit nutaaq avatangiisinut imaluunniit pinngortitamut sunniuteqartussatut  
naliliiffigineqanngitsoq, kisiannili pilersaarusiortarnermt nunaminertanillu aqutsinermut  
taamaallaat sunniuteqartussaasoq. Nunaannarmi nunaminertani suliassani oqartussaasut  
attuumassuteqartut tusarniarneqartarnerisa ingerlaannarnissaa pingaaruteqartutut  
isumaqarfigineqarpoq.*

Oqaaseqaat tusaatissatut tiguneqarpoq.

*Inatsisissatut siunnersuummi siunertanut aalajangersagartaata oqaasertaa  
allanngortinneqassasoq siunnersuutigineqarpoq taamaalilluni "pinngortitaq  
illersorneqassasoq," allanngortinneqarluni "pinngortitaq aamma avatangiisit  
illersorneqassasut,". Peqatigisaanik siunnersuutigineqarpoq § 1 imm. 3-p oqaasertaa  
allanngortinneqassasoq uminnga "... inooqatigiinnermi aamma avatangiisitigut pitsaasumik  
ineriartorneq," uunga "... inooqatigiinnermi aamma avatangiisitigut pitsaasumik  
pijuartussamillu ineriartorneq,"*

Siunnersuutit akuerineqanngillat. Imm. 3-mi siunertanut aalajangersagaq pinngortitap  
pitsaasumik ineriartornissaanut innersuussutinik imaqarpoq. Pilersaarusiortarnermullu  
malitassani avatangiisit taaneqarnerat annertoorsuarmik atuuffeqarpoq, ilaatigut illoqarfinni  
avatangiisinik ineriartortitsineq pineqarluni. Kisiannili illoqarfinni avatangiisinik  
allanngutsaaliuisarneq imminermi anguniagaanngilaq, inissiaqarfiit inuussutissarsiuutinillu  
ingerlataqarfiit amerlasuut pitsanngorsartariaqarlunnarmata. Taamaattumik pinngortitamik  
illersuinissaq innersuussutigissallugu naleqquttutut isumaqarfigineqanngilaq.  
Nungusaataanngitsumik ingerlatsinissamut tunngasup kimiga ima annikillisimatigaaq,  
oqaasertaanut allannguutissatut siunnersuutigineqartoq aalajangersakkap imaanut  
annertunerusumik sunniuteqartussatut isumaqarfigineqarsinnaanani.

KANUKOKA aamma Kommuneqarfik Sermersooq tusarniaanermut ataatsimoorlutik  
akissuteqarput.

*§ 3-mi allanneqarpoq Naalakkersuisut nittartakkami iserfissap taassuma atuutilernissaanut  
piffissaliillutik aalajangersaasariaqartut. Isumaliutigineqartariaqarpoq pilersaarusiortarnermt  
nittartakkami sullivissaq inatsimmi atserneqarnissaa pisariaqannginnersoq aammalu taanna  
isumaqatigiisummi immikkoortumi kingusinnerusukkut suleqataasut akuutinneqartut  
akornanni tamakkiisumik isumaqatigiisutaasumik aatsaat aalajangiunneqassasoq.*

Maannarpiaq kommunini pilersaarutit ataasiinnaat pilersaarusiortarnermt iserfissiami  
nalunaarutigineqarsimavoq. Suli kommunini sumiiffinnilu pilersaarutit pisoqaanerut, atortut  
digitaliusut atorlugit suliarineqarsimanngitsut amerlanerat tamatumunnga pissutaavoq.  
Kisiannili pilersaarusiortarfiup atulernissaanut ulluliussaq pisariaqanngitsutut isikkoqarpoq,  
kommunit maannarpiaq kommunini pilersaarutinik pilersaarutinullu nalunaarsukkanik  
digitaliusunik suliaqarnerat ingerlanneqartoq, ukiuni tulliuuttuni marlunni  
ingerlanneqartussatut naatsorsuutigineqarmat. Sumiiffinnut pilersaarutit nutaannginnerusut  
(sumiiffinnut nunaannarmullu pilersaarutit) qaqugu pilersaarutinut nalunaarsuiffikkut  
nalunaarutigineqarnissaat pillugu isummertoqannginnerani taakku utaqqineqarput.

Kommunini pilersaarusiornernut ingerlanneqartunut atatillugu taakku misissuiffigineqassapput.

Nuna tamakkerlugu sumiiffinnut atortut digitaliusut atorlugit paasissutissiisarfiup aqqa inatsimmi taaneqanngilaq, taamaallaat nassuiaatitaani taaneqarluni. NunaGIS-ip pilersaarusianut nalunaarsuiffittut siunissami atorneqaannarnissaa qulakkeerneqarsinaanngilaq. Kisiannili sullississutitut nalunaaruteqartarnissamik piumasagaat inatsimmit atuuttumit ingerlateqqinneqarpoq, aammalu sulississutip atorneqarnerata oqallisigineqarnissaa siunnerfigineqanngilaq. Oqaaseqaat inatsisissatut siunnersuutip oqaasertaanik allannguissamut tunngavissiinngilaq.

*Siunnersuutigineqarpoq § 6-imi taaneqartoq nuna tamakkerlugu pilersaarusiornermi atugassatut paasissutissanik nalunaarutiginninneq piffissaliussanik aalajangersakkanik tunngaveqartumik ingerlanneqassasoq, piviusunnagortitsinissamut ukiut marluk sioqqullugu imaluunniit qaammatit pingasukkaarlugit nalunaarutiginninnittarnikkut.*

Soqutigisat inuiaqatigiinnut annertuumik pingaarutillit siusissukkut nalunaarutigineqartarnerat nuna tamakkerlugu taamatullu kommunini pilersaarusiortarnermut arlalinnik iluaqutissartaqarpoq. Kisiannili paasineqarpoq, Naalakkersuisuni oqartussaasut maannamut sanaartugassanut atugassiisinnaanerminnut atatillugu kommunit oqartussaasulluunniit allat ilaatinneqarnissaat itigartittarsimagaat. Sanaartugassanut pilersaarutit nalinginnaasuunngitsut suliarineqartarnerat ajornakusoortarsimasoq oqaatigineqarpoq, taamatullu ukiumi missingersuusiorfiusumi, kiisalu ukiumoortumik aningaasanut inatsit tunngavigalugu ukiumi missingersuusiorfiusuni siunissami sanaartugassat annikitsuinnarmik takorloorneqarsinnaasarsimallutik. Taannali assersuutigalugu sanaartugassanut aningaasaateqarfimmi aningaasaliissutit paasiuminaannerisa nassatarisaanik killilersuutinik annertuumik imaqartartoq isumaqatigineqarpoq (aammattaaq matuma kinguliani § 8-mut nassuiaatit takukkit).

*§ 9-imi allanneqarpoq nuna tamakkerlugu pilersaarusiornermut ilitsersuusiala inuiaqatigiini soqutiginaatillit pingaaruteqartut qulakkeerneqarnissaat pineqarpat aatsaat suliarineqartariaqaraluartoq. Taamaalluni nuna tamakkerlugu pilersaarusiornermut ilitsersuusiala illuliornerit sanaartornerillu nalinginnaasut taakkua taamaallaat nalinginnaasumik santitsisut soqutigisaat ersersissinnaappasigit maleruagassiornerannut atorneqartariaqanngikkaluarpoq. Taamaattumik siunnersuutigineqarpoq aalajangersakkap oqaasertai allannagortinneqassasut, taamaalluni § 9 inuiaqatigiinni soqutigisat pingaarutillit pineqarpata aatsaat atorneqarsinnaalerlutik.*

Siunnersuutip ilaa akuerineqarpoq. § 9-p imaa allannagortinneqarpoq, taamaallunilu nuna tamakkerlugu pilersaarusiortarnermut malittarisassat tunngaviusumik aatsaat soqutigisat inuiaqatigiinnut annertuumik pingaarutillit qulakkeerneqarnissaat siunertaralugu suliarineqartariaqartut allassimalerpoq. Nuna tamakkerlugu pilersaarusiortarnermut malittarisassiornerit, taakkulu tunngavigalugit kommunit pilersaarusiorsinnaatitaanerisa saneqqunneqartarnerat aatsaat suliassat inuiaqatigiinnut annertuumik pingaarutillit suliarineqartussaatiillugit suliarineqartariaqartassapput. § 9-mi aalajangersakkap oqaasertai allannagortinneqarput, taamaallunilu nuna tamakkerlugu pilersaarusiortarnermut malittarisassat tunngaviusumik aatsaat soqutigisat inuiaqatigiinnut annertuumik pingaarutillit qulakkeerneqarnissaat siunertaralugu suliarineqartariaqartut allassimalerpoq.

*Kommuneqarfik Sermersooq nalunaaruteqarpoq kommuni pinngitsaaliissummik taarsiissutitalimmik arsaarinnissuteqarnissamik sulianik ingerlatsinertaqanngitsumik illuutiniq tiguisinnaanersoq annertuumik nalornissutigineqartoq, aammalu ilaatigut qulakkeerlugu illuut attartortinniarsarineqannginnissaa imaluunniit allatut atorneqalinnginnissaa.*

Naalakkersuisut kommuninut, arlaleriarlutik illunut atorneqanngitsunut, iluarsaattarialinnut isatertarialinnullu nunaminertanik atugassiissutaasimasunik atorunnaarsitsinissamik kissaateqartarsimasunut oqaloqatiginninnertik piffissami siviluunniit ingerlassimavaat.

Illut inuit tamat toqqiissimanissaannut ulorianaateqarpat, sanaartornermi inatsimmi (sanaartorneq pillugu Inatsisartut Inatsisaat nr. 13, 26. maj 2010-meersoq) illup pinngitsaaliissummik isaterneqarnissaa § 10-mi inatsisitigut tunngavissinneqarpoq. Kiisalu illu illunut avatangiisunut naleqqiullugu pissusissamisoorutut isikkoqanngippat kommunini sanaartukkanut oqartussaasut illup iluarsaanneqarnissaa piumasarisinnaavaat.

Pissutsit inatsisinik unioqutitsiviusut iluarseqqullugit kommunit piginnittoq peqqusinnaavaat. Tamatuma saniatigut inuit tamat toqqiissimanissaat, aammalu pilersarusiorneq eqqarsaatigalugu tamanna tunngavissaqartinneqarpat, taarsiissuteqarluni arsaarinnissinnaaneq periarfissatut siunnersuummi inatsisitigut tunngavissinneqarpoq. Nammineerluni pigisassamik pissarsisarneq pilersarusiortarnermut nunaminertallu atorneqarnerannut inatsimmi malittarisassiunneqanngilaq. Tassani Nunap Eqqartuussiviata nalunaarsuiffia innersuunneqartariaqarpoq.

Matuma siuliani taaneqartut tunngavigalugit suliassaqarfimmuut malittarisassat atuuttut allanngortinneqarnissaat naleqquttutut isumaqarfigineqanngilaq. Tassalu allaffissornikkut illuummik utertitsinissamut periarfissaq innuttaasut inatsisitigut illersorneqarnerat aammalu nammineerluni piginnittussaataanerup illersorneqarnissaa eqqarsaatigalugit naapertuutinningsutut isumaqarfiginarpoq. Tigusinermut aammalu taarsiissuteqarluni arsaarinninnermut maleruagassat pioreersut naammattutut isumaqarfigineqarput.

Oqaaseqaat inatsisissatut siunnersuutip oqaasertaanik allannguinnissamut tunngavissiiingilaq.

*Siunnersuutigineqarpoq § 11, imm. 2 naapertorlugu akerliliissuteqartoqartillugu qaqugukkut suleqataasut akuutinneqartut akornanni isumaqatigiittoqarsimassanersoq piffissaliussamik atuutsitsisoqalissasoq, taamaattorli pilersarusiornermi pitsaassusissat pingaartinneqassasut.*

Akerliliineq pilersaarutissatut siunnersuutip inatsisinut allanut unioqutitsivigineqarneranik pissuteqarpat, taamatut piffissaliinissaq tunngavissaqanngilaq. Kommunini pilersaarut inatsisinut uniuuttussaannngilaq, taamaattumillu iluarsineqartussaalluni. Akerliliinerli Namminersorlutik Oqartussat siunissami sanaartugassamut/atortussamut inatsisitigut aalajangigaanngitsumut nunaminertamik inniminniinnissamut soqutigisaannik tunngaveqarpat, aammalu nunaminertamik inniminniineq Namminersorlutik Oqartussat sumiiffinnut pilersarusiornermi soqutigisaannut allattuiffimmuut ilaangippat, tunngaviusumik akerliliissut taanna akerliliissutinut allanut sanilliunneqassaaq. Kommunip pilersaarutissatut siunnersuutini attatiinnassappagu, naalakkersuinikkut akisussaasutut oqartussaasup inatsisitigut tunngavissat pisariaqartinneqartut, sanaartornermut inatsisiliornikkut imaluunniit nuna tamakkerlugu pilersarusiortarnermut malittarisassiornikkut il.il. suliarissanerlugit aalajangissavaa.

Matuma siuliani allassimasut tunngavigalugit illuatungeriit isumaqatigiinnissaasa anguneqarnissaanut immikkut ittumik piffissaliinissaq pisariaqanngilaq.

*§ 14, imm. 1 nr. 3-imi aalajangiunneqarpoq kommunimut pilersaarutit nassuiaammut immikkoortua kommunimut pilersaarutip pilersaarusiornermut allamut attuumaneranik nassuiaammik imaqaassasoq. Tassunga atatillugu oqaatigineqassaaq aningaasanut inatsimmi sinaakutissatut aningaasaliissutit ilanngunneqartut immikkoortiterneqarlutik suliasamat nassuiaammik tassunga atasumik ilaqartinneqarlutik pissarsiarineqarsinnaasariaqartut.*

Missingersuusiortarnermut malittarisassani atuuttuni aalajangersagaq pissutaalluni, pilersaarusiornissamat tunngavissanik pisariaqartinneqartunik suliaqanngikkaluarluni sanaartornermut aningaasassarititaasut atugassiissutigineqartarnerat ajornartinneqarsimanngilaq. Naalakkersuisut sanatitsisutut sumi sunalu sanaartorneqartussatut kissaatigineqarnersoq kommuninut nalunaarutigisanngippassuk, kommunit kommuninut pilersaarusiornermi tunngavissaq tamanna eqqarsaatigissallugu periarfissaqanngimmata nassuerutigineqartariaqarpoq. Nassuiaat taanna inatsisissatut siunnersuutip oqaasertaanut sunniuteqartussatut naatsorsuutigineqanngilaq.

*Siunnersuutigineqarpoq § 18, imm. 1 allanngortinneqassasoq, taamaalilluni erseqqissarneqarluni suliasaqarfimmi oqartussaasoq akisussaasuusoq tassaassasoq illersuiffissatut killeqarfinnut, isumannaallisaanermut killeqarfinnut il.il. ungasissusissanik aalajangersaasusaaq.*

Siunnersuut akuerineqarpoq. Inatsisissatut siunnersuutip oqaasertaa allanngortinneqarpoq, taamaalillunilu kommunit pinnatik naalakkersuinermi akisussaasutut oqartussaasut killeqarfinnik immikkut piumasqaateqarfiusunik aalajangersaasarnissaat allassimalerpoq. Tamatumunnga atatillugu oqaaseq ”imaluunniit atortut pineqartorpiat qulakkeerniarlugit” peerneqarpoq, oqaasertaliunneqartoq imminermi imaqaanngimmat. Oqaasertaliunneqartup peerneqarnerani aalajangersakkap inatsisinut tunngasortaa allanngortinneqanngilaq.

*Siunnersuutigineqarpoq § 57-ip oqaasertaa oqaaseqatigiinnit ukunanga taarserneqassasoq:*

*”§ 57. Kommunalbestyrelsen nunaminertamik atuisinnaatitaanissamik qinnuteqaammut atatillugu sulianik suliarinninnermut akitsuusiinissaq kommunip ileqqoreqqusaani aalajangersarsinnaavaa aammalu akilersissinnaallugu.*

*Imm. 2. Akitsuutip kommunip oqartussaasutut suliarinninneranut atatillugu aningaasartuutai matussusersinnaavai. Akitsuuttip annertussusissaa assigiinngisitaartinneqarsinnaavoq kisiannili kommunip oqartussaasutut suliarinninneranut toqqaannartumik attuumappata ingerlatsinermut aningaasaliissutinullu aningaasartuutit kiisalu paasissutissanik katersinermut aningaasartuutit tamaasa matussusissallugit..*

*Imm. 3. Akitsuut kommunip karsianut tutsinneqassaaq.”*

Aalajangersakkap ilaa akuerineqarpoq, aalajangersakkallu aallaqqaammut oqaasertarisai iluarsineqarput. Oqaasertaliussami nutaami kommunit akigititaat assigiinngisitaartunngortinneqassasut aalajangersarneqarpoq. Periarfissaq taanna aallaqqaammut taamaallaat aalajangersakkamat nassuiaatini allassimagaluarpoq. Akitsuutip kommunini ”ingerlatsinermut aningaasaatinullu aningaasartuutitut” matussutissaaneranut taarsiullugu, tamatuma peqatigisaanik oqaaseq taanna ”aningaasartuutit”-nut allanngortinneqarpoq, aningaasaatinut aningaasartuutit kommunit nunaminertanik atugassiisarnernanut atasutut isumaqarfigineqarsinnaanngimmata.

*Inassutigineqarpoq peqqusissuteqarnermut kiisalu taakkua malinneqarnerannik nakkutilliinermut atatillugu kommunit sulianik suliarinninnermut akitsuummik akiliisitsisinaanissaannut tunngavissamik ilanngussisoqassasoq. Siunnersuutigineqarpoq akitsuut kommunip karsianut tutsinneqassasoq.*

Siunnersuutip ilaa akuerineqarpoq. Kalaallit Nunaanni eqqartuussiviit aamma Kalaallit Nunaanni Eqqartuussiviup §§ 65-imut aamma 66-imut oqaaseqaatai takukkit.

*Aatsitassanut Ikummatissanullu Pisortaqarfiup siunnersuutigaa inatsisissatut siunnersuummi aalajangersakkamik ilanngussisoqassasoq, tassani makkua allassimassallutik ”Inatsisartut inatsisaat ingerlatanut ilanngullugit nunaminertanik atuineq aatsitassat pillugit ingerlatallu tamatumunnga pingaarutillit pillugit Inatsisartut inatsisaanni nr. 7-imi 7. december 2009-imeersumi maleruagassat malillugit akuersissutit tunniunneqarsimasut naapertorlugit ingerlanneqartunut atuutinnilaq. Ingerlatanut nunaminertanik atuinissamut akuersissut aatsitassat pillugit ingerlatallu tamatumunnga pingaarutillit pillugit Inatsisartut inatsisaanni nr. 7-imi 7. december 2009-imeersumi pineqartunut ilaasoq, ingerlatat taakkua pillugit oqartussaasut suliarinninnerannut ataatsimoortumut ilaatillugu tunniunneqartarpoq.”*

”Avatangiisit pillugit susassaarfii” aatsitassanut inatsimmit immikkoortinneqarnissaat siunertaralugu, Naalakkersuisooqatigiinni siulittaasut 31. juni 2010-mi isumaqatigiissut atsiortaat. Tamatuma peqatigisaanik inatsimmik nutaamik suliaqarnissaq siunnerfigineqarpoq, tassanilu siunissami suliit angisuut suliarineqartarnerinut atatillugu tusarniaasarnerit aalajangersarneqassapput. Sumiiffinnut pilersaarutit avatangiisinik suliaassarfiit annertuut ilaattut paasineqassaaq, minnerunngitsumik pilersaarusiortarnermut inatsisissarpiami pineqartumi suliniuteqarnermi avatangiisinik naliliisarnissaq siunnerfigineqarmat.

Taamaattumik Aatsitassanut Pisortaqarfiup allannguutissatut siunnersuutaa ilanngunneqanngilaq. Inatsisissatulli siunnersuummi killiliisoqarpoq, taamaalillunilu aalajangersakkamik, sumiiffiit nunaminertallu illersornissamik siunertaqarfiusut inatsisissatut siunnersuummut ilaatinneqannginnerinik aalajangersaaffiusumik ilanngussisoqarluni. Tamatumunnga atatillugu Namminersorlutik Oqartussanut atatillugu pissutsit assigiinngitsut pillugit Inatsit nr. 474, 12. juni 2009-meersoq innersuunneqarpoq.

*NKA – Nunatta Katersugaasivia Allagaateqarfialu oqaaseqarpoq, Naalakkersuisut pisussaasut sanaartorfissanik nuna tamakkerlugu pilersaarusiortarnerup ingerlanneqarnissaanut misissuinerit pisariaqartut ingerlatissallugit. Eqqaasissutigineqarpoq nunaannaap ilarujussua kulturikkut eriagisassanut suli misissuiffigineqarsimanngimmat. Apeqqutigineqarpoq misissuinerit taamaattut inatsisissatut missingiummi eqqarsaatigineqarsimanersut aammalu tamanna inatsimmi aningaasatigut sunniutaasussani eqqarsaatigineqarsimanersut?*

*apeqqutigineqarpoq qarasaasiatigut nunami sumiiffimmi paasissutissiisummut nalunaarsuutininut iluarsineqartunut allanngortinneqartunullu aningaasanik immikkoortitsisoqarsimanersoq, ilaatigut kulturikkut eriagisassat nalunaarsukkat eqqissisimatitassallu nunaminertanik atuinissamut killilersuutaasinnaasut.*

Immikkoortortani oqartussaasut assigiinngitsut nuna tamakkerlugu pilersaarusiortarnermi soqutigisaannik immikkut ittunik katersuinissaq ingerlatitseqqittarnissarlu Naalakkersuisut pisussaaffigissagaat, inatsisissatut siunnersuummi siunnerfigineqarpoq. Nunaminertat

atugassiissutigineqartut sumut atorneqassanersut pilersaarusiortarnermut inatsimmi akuleruffigineqartussaangilaq. Eqqarsaatigissassat attuumassuteqartut suut naammassineqassanersut pillugu apeqqut naalakkersuinikkut oqartussaasut ataasiakkaat namminneerlutik akisussaaffigissavaat. Tassalu paasissutissanik pissarsiniartarneq immikkoortortaqarfinni oqartussaasunut ataasiakkaanut aningaasaliissutit iluanni ingerlanneqartartussaavoq.

Paasissutissanut piumasagaatit ilusissaannut apeqqut eqqarsaatigalugu oqaatigineqassaaq, Naalakkersuisut 2010-mi Inatsisartut upernaakkut ataatsimiinnerannut atatillugu SDI – Spatial Digital Infrastructure – suliarisimammassuk. SDI-mi paasissutissat atorsinnaassusiat nassuiarneqarpoq. Paasissutissat pioreersut nuunneqarnissaannut aningaasaliissutissat maannarpiaq suli inissinneqanngillat. Taamaattorli erseqqissaatigineqassaaq, tunngaviusumik immikkoortortani ataasiakkaani oqartussaasut nunaminertat atugassiissutigineqarsimasut ersarissarneqarnissaat iluaqusiiffigineqarnissaallu namminneerlutik akisussaaffigimmassuk. Tamatumunnga atatillugu NunaGIS aaqqiissutissaavoq ajornaatsoq, akikitsaq atorsinnaasorlu, taannalu oqartussaasunut amerlasuunut allaffissornikkut sipaaruteqartitsisinnaavoq.

*Kalaallit Nunaanni eqqartuussivik aamma Nunatta Eqqartuussivia inatsisissat siunnersuummi § 29, imm. 2-mut oqaaseqarput, oqaaseq "innuttaasut" qanoq paasineqassanersoq erseqqinngitsoq. Inuit ataasiakkaat pineqartunut ilaasimassapput, kisiannili erseqqissumik allassimannngilaq inatsisip oqaasertaani aammalu nassuiaatini, inuit pisinnaatitaallutillu pisussaataasut taamatuttaaq pineqartunut ilaanersut.*

Oqaaseqaat tusaatissatut tiguneqarpoq, aammalu oqaaseq "innuttaasut" "illuummik piginnittoq imaluunniit nunaminertamik atuisoq"-mik taarserneqarpoq.

*§ 35, imm. 1-mut oqaatigineqarpoq oqartussaasut sorliit tusarniarneqartussaansut ersinngitsoq. Taamaalluni aalajangersakkami allaffissornikkut naliliinissaq ammaanarpoq, kisiannili naliliinerup suliarineqarnerani suut ilaatinneqassanersut malittarisassaangilaq.*

Oqaaseqaat tusaatissatut tiguneqarpoq. Aalajangersakkap oqaasertai allanngortinneqarput, taamaallunilu § 23, imm. 7 naapertorlugu Naalakkersuisut nassiussiffissanut allattuiffianut innersuussisoqarpoq. Tassalu pilersaarusiortarnermi suliniutit oqartussaasunut tamanut, aammattaq kommunini pilersaarutissatut siunnersuutininik allanik suliaqarnermut atatillugu tusarniaaffigineqartussanut tusarniaassutigineqartassaaq.

*Ataatsimut isigalugu kapitali 8-mi oqaatigineqarpoq oqaatsit "nunaminertamik atugassiineq" aamma "nunaminertamik atuisinnaatitaaneq" erseqqissumik sunniuteqanngitsumik piumasamik atorneqarput. Allassimannngilaq imarisamigut oqaatsit taakkua marluk qanoq assigiinngissuteqarnerisut.*

Oqaaseqaat tusaatissatut tiguneqarpoq. Oqaaseq "nunaminertanik atugassiisarneq oqartussaasut nalinginnaasumik akuersissuteqartarnerinut nassuiaataavoq, kiisalu "nunaminertamik atuisinnaatitaanermit" atuisinnaatitaanermit pioreersumi pisinnaatitaaffinnut tamanut tunngasuulluni. Atuisinnaatitaanerit nalinginnaasuunngitsut, taamaattorli atuuttut nunaminertanik atugassiisarnermi oqartussaasut suliaqannginnerinik, imaluunniit illumik piginnittup nutaap nunaminertamik atuisinnaatitaanerup tiginissaanik qinnuteqarsimannginneranik pissuteqarsinnaapput. Nunami ammannartumi nunamik atuinissamut akuersissuteqartoqarnissaanut piumasagaat aamma aatsaat 1986-imi atuutilerpoq.



Taamaattumillu nunami ammaannartumi suli illunik atortunillu nunaminertanik atugassiiviusimannigitsunik peqarpoq. Taaguutit taakku marluusut eqqortumik nassuiarneqarnissaat siunertaralugu kapitalip oqaasertai suliarineqarput.

*Inatsisissatut siunnersuummi § 37-mi oqaatigineqarpoq, nunaminertami nalilimmik aalaakkaasumik pilersitsisoqarsimappat, nalilik aalaakkaasoq taanna niuerutigineqarsinnaasoq. Taamaattoqarnerani piginnittoq nunaminertamut pineqartumut atuisinnaatitaanermut salliususaatitaalisaaq. Oqaaseqatigiit "nalilik aalaakkaasoq" taamaalilluni oqaatsip "pigisaq aalaakkaasoq" nassuiaaserneqarneranut atatillugu pingaaruteqalissaaq aammalu tamatuminnga suliarinninneq nalunaarsuineranut/pigisamik nalunaarsuineranut atatillugu pingaaruteqalerpoq. Maannakkut Kalaallit Nunaanni pigisanik nalunaarsueriaatsimik atuutsitsilernissaq pillugu inatsisissamik piareersaanermik suliaqartoqarpoq, tassani oqaaseq "pigisaq aalaakkaasoq" Kalaallit Nunaanni paasinnittaaseq malillugu isumaliutersuuteqarfigineqarluni."*

Inatsisinik atortitsineranut Ministereqarfiup suleqatigiissitaliaani inatsisissamik piareersaalluni sulineq Naalakkersuisut eqqumaffigaat. Tamatumunnga atatillugu erseqqissaatigineqassaaq, pissutsit § 37-mi maleruagassiunneqartut kisimik "atuisinnaatitaanermi salliuutitsinermik" aamma "qularnaveeqqusiilluni taarsigassarsititsinermi allagartaatilimmik", kalaallit nunaminertanik atugassiisarnerni tunngaviulluinnartunik ingerlatitseqqinnerummata. Aalajangersagaq maannamut inatsisitigut inissisimanermut allannguutissanik imaqqanngilaq.

*§ 48-mi oqaasertanut oqaatigineqarpoq oqaaseq "nalunaarsuineq" oqariaatsitigut paatsuugatitsisinnaasoq, oqariaaseq aamma pigisanut allattuiffimmi pigisanut aalaakkaasunut pisinnaatitaaffinnik nalunaarsuinermi aamma atorineqarmat.*

Siunnersuut akuerineqarpoq. Aalajangersakkami imm. 1 allanngortinneqassaaq, nunaminertanik atugassiinerit nutaat NIN-imut – Kalaallit Nunaanni nunaminertanut nalunaarsuisarfimmut – nalunaarsorneqartarnissaat ilassutigineqassalluni.

*§ 62 malillug suliaq pinerluttulerinermi eqqartuussinermi ilutsini suliarineqartusaassasoq naatsorsuutigineqartariaqarpoq, tak. eqqartuussisarnermut inatsimmi § 301. Pinngitsaaliissummik akiliisitsinerit aatsaat pinerluttulerinermi suliani eqartuussinikkut pisussaaffiliiffigineqartassappata peqqusissuteqarnermik malinnitsitsiniarnermi suliap ingerlanera kinguarsarneqassasoq ilimagineqarsinnaavoq, immaqalu aamma aatsaat naammagittaalliuutip suliarineqareernerani. Isumaliutigineqartariaqarpoq kommunalbestyrelsit pinngitsaaliissummik akiliisitsinissamik pisussaaffiliisinaanissaannut tunngavissamik atuutsitsilernissaq, taannalu pisortanut akiligassanik akiliisitsiniartarnermut Inatsisartut inatsisaat malillugu akiliisitsiniartartunit akiliisinniarneqarsinnaavoq. Pinngitsaaliissummik akiligassiissutinik akiliisitsiniarneq Pilersaarutinut Nunaminertanullu naammagittaalliuuteqartarfimmit ataasiakkaatigut aalajangiineq malillugu naammagittaalliuutip suliarineqarnerata nalaani uninngatikkallarneqarsinnaavoq. Allaffissornikkut pinngitsaaliissummik akiliisussanngortitsinerup peqatigisaanik, kommunalbestyrelsi taamaattoq suliamik § 62 malillugu suliaassanngortitsisinnaaneq siunertaralugu politiinut suliakkiinissamik pisussaaffeqartariaqarput.*

Oqaaseqaat tusaatissatut tiguneqarpoq. Aalajangersakkap imaa allanngortinneqassaaq, taamaalillunilu nunaminertanik atugassiisarnermi oqartussaasut pinngitsaaliissummik akiliisitsisinaanermik allaffissornikkut aalajangiisinaanissaannut inatsisitigut tunngavissaqartoqalissalluni.

*Oqaatigineqarpoq nunaminertamik atuisinnaatitaanerup § 63 malillugu atorunnaarsinnissaa annertuumik akuliunnertut isikkoqarmat tamatumani § 62 malillugu suliap inerneqarnissaa utaqqineqartariaqaraluartoq.*

Oqaaseqaat tusaatissatut tineqarpoq. Tunuarsimaarnissaq aalajangersakkami imm. 2-tut nutaatut ilanngunneqarpoq.

*Farvandsvæsnet tusarniaanermut akissuteqaammini oqaatigaa § 23-imi aalajangersagaq, oqartussaasut soorlu assersuutigalugu Farvandsvæsnet kommunimut pilersaarutissatut siunnersuutitut atatillugu kalerrineqartarnissaat/tusarniarneqartarnissaat qanoq qulakkeerneqartassanersoq pillugu apeqquteqarnissamut pissutissaqalersitsisoq.*

Oqaaseqaat tusaatissatut tiguneqarpoq. Aalajangersakkap oqaasertaa naleqqussarneqarpoq, taamaalillunilu oqartussaasunut, kommunini pilersaarutissanut siunnersuutit suliarineqarnerinut atatillugu tusarniaaffigineqartussanut nassiussinissamut allattuiffimmik peqarnissamut Naalakkersuisut pisussaaffilerneqarnissaat aalajangerneqarpoq.

*Ineqarnermut, Attaveqarnermut Angallannermullu Naalakkersuisoqarfiup (illuliortiternermut oqartussaasoq) tusarniaanermut akissuteqaammini oqaatigaa sanaartorneq pillugu Inatsisartut inatsisaannik atuutsitsilernermi illuliortiternermut oqartussaasumut aammalu maleruagassanik atuutsitsilersinnaanermut periarfissanik immikkoortunik tunngavissisoqartoq.*

UPA2010-mi Inatsisartut sanaartornermut inatsit akueraat, sanaartorneq pillugu Inatsisartut inatsisaat nr. 13, 26. maj 2010-imeersoq. Tassani illuliortiternermut oqartussaasumut immikkut tunngavissamik atuutsitsisoqalerpoq. Sanaartornermut inatsisip akuerineqarnerata malitsigisaanik illuliortiternermut oqartussaasoq pillugu aalajangersagaqqartut inatsisissatut siunnersuummit peerneqarput. Paragraffit normui aammalu paragraffinut innersuussinerit tamatuma kingorna malitsigisaanik iluarsineqarput.

*Inuussutissarsiornermut Suliffeqarnermullu Naalakkersuisoqarfiup oqaatigaa inatsimmi matumani ingerlatsinissamut akuersissutinut tunngatillugu aalajangersakkanik suliaqarnissaq tulluartuussasoq, suliffeqarfiit ingerlatsinissamut akuersissummik peqartut suliaqqarfiit ilaanni inatsimmi pineqartunut ilaareermata. Ingerlatsinissamut akuersissutit pillugit aalajangersakkanik inatsimmi matumani ilanngussinissaq, inatsimmik immikkoortumik suliaqarnissamut taarsiullugu paasiuminarnerussagaluarpoq. Ingerlatsinissamut akuersissutit pillugit inatsit immikkoortoq innuttaasuni paatsuungatitsilersinnaassaaq nalornititsilersinnaassallunilu, qaqugukkut inatsimmi sorlimmi pineqartunut ilaanerlutik.*

Siunnersuut akuerineqanngilaq. Pilersarusiornermut nunaminertanullu inatsimmi tunngaviumik sumiiffinni pilersarusiornerit malittarisassiuunneqarnissaat siunertarineqarpoq. Tassalu inatsisissatut siunnersuut pingaartumik kommunit siunertanut assigiinngitsunut sanaartukkat inissiffissaannik, kiisalu sumiiffiit ilaasa nunaminertallu sanaartornissamut atugassat inissiffissaannik aalajangersaanissamut piginaatinneqarnissannut tunngasuuvoq.

Oqaaseq ”nunaminertanik atuneq” sumiiffittut sulianut ”nunaminertanut nalinginnaasumik atorneqartutut” paasineqassaaq. Aalajangersakkap oqaasertaa nalinginnaasumik

malilluarneqartussaavoq. Tassalu nunaminertamik annertuumik atuinerup, soorlu illuliornerup, atortussanik sanaartornerup immaqalu narsaatini naatitsinerup saniatigut allanik periarfissaqartitsisoqanngilaq.

Akuersissutit aamma atuisinnaatitaanermut tunngasuugaluartut, taanna nunaminertanik atugassiisarnermi ersarissumik immikkoortinneqartarpoq. Tassalu akuersissuteqarnermi nunaminertap allamut atorneqarnissaa mattunneqanngilaq, assersuutigalugu ivigartorfissanut akuersissutit nalinginnaasumik sumiiffinnut annertungaatsiartunut atuuttussanngorlugit nalunaarutigineqartamata. Tamatumani sumiiffiup pineqartup iluani allamut atuinissaq mattunneqanngilaq. Kisiannili akuersissutit nunaminertanillu atugassiisarnerit assigiinngissutaat paatsuunganarsinnaavoq, tassami akuersissutit tunineqartarput, taamatullu inatsisissatut siunnersuummi § 37 naapertorlugu atuisinnaatitaaneq pisiarineqarsinnaanngilaq tunineqarsinnaananilu.

Akuersissuteqartarnermut inatsisitigut immikkut ittumik tunngavissiiinissaq paatsuunganartutut isikkoqanngilaq. Akuersissutilli Inuussutissarsiornermut Suliffeqarnermullu Naalakkersuisoqarfimmit tunniunneqartut Namminersorlutik Oqartussani naalakkersuinikkut akisussaasunit allanit tunniunneqartarnerat paatsuungatitsinerusussaapput.

*Cowi A/S-ip oqaatigaa § 11-imi allassimanngitsoq oqaaseq ”immikkut eqqarsaatigineqartussat” qanoq paasineqassanersoq. Oqaatsimi ”immikkut eqqarsaatigineqartussat” assersuutigalugu illumik piginnittut soqutigisaat kisimik, Namminersorlutik Oqartussani oqartussaasumit isumagineqartut pineqarpat?*

Nassuiaat aalajangersakkap oqaasertaanik allannguinnissamut tunngavissiiinngilaq. § 11 naapertorlugu akerliliissuteqartarneq, tamatumunngalu atatillugu kommunit pilersaarusiornerni oqartussaanerannik saneqqutsisarneq politikikkut aalajangigassatut isigineqartariaqarpoq, tamatumani kommunimi pilersaarutissatut siunnersuutip imaa inatsimmut atuuttumut toqqaannartumik unioqqutitsiviunngippat. Tassalu illuutitik piginnittut soqutigisaannut tunngatillugu akerliliinermi, akerliliissutip imaa inatsisit arlaannulluunniit toqqaannartumik tunngasuunngippat Naalakkersuisut politikikkut aalajangiisussaapput. Siunnessami Naalakkersuisuusartussat Namminersorlutik Oqartussat illunik piginnittut soqutigisaannik ataatsimoortitsillutik aqutsisannginnissaannut tamanna qulakkeerissutaasinnaanngilaq. Taamaattorli § 11 naapertorlugu akerliliissummut politikikkut aalajangikkat pingaaruteqartariaqarput.

*Siunnersuutigineqarpoq nunaannami attaveqaaqatigiinnermi atortulersuutinut annertunerusunut piunasaqaatit sukannernerussasut, qularnaarniarlugu taakkua nunap ilusaanik pinngortitamillu sapinngisamik annikinnerpaamik sunniinissaat. Atortulersuutit annertunerusut nunaannarmi qanoq sunniisussaansut nalilersuisoqartassasoq piunasaqaatigineqartariaqaraluarpoq, tamatumani siunertaralugu naleqqunnerpaamik inissiinermi kiisalu atortulersuutit ilusilersorneranni sunniinerit taakkua pinngitsoortinnissaat.*

Siunnersuutip ilaa taparserneqarpoq. Naalakkersuisoqarfiup paasinninnera malillugu tunngaviummik suliniuteqarnermi avatangiisinik naliliisarnerup (SMV) aamma avatangiisinut sunniutinik naliliisarnerup (VVM) immikkoortinneqartariaqarput. Tassalu inatsisissatut siunnersuutip allanngortinneqarnerani Naalakkersuisut suliassap aalajangersimasup inissiffissaata aalajangerneqarnissaa sioqqullugu suliniuteqarnermi avatangiisinik naliliisoqartarnissaanut ersarinnerusumik maleruagassiorsinnaanerit inatsisitigut

tunngavissiisoqarpoq. Suliassap aalajangiunneqartup sunniutissaatut naatsorsuutigineqarsinnaasut annikillisinneqartarnissaat eqqarsaatigalugu, tamanna pinngortitamik illersuinissamut inatsit naapertorlugu avatangiisinut inatsimmi pinngortitamullu sunniutissatut naliliinermi VVM-imut akuersissuteqartarneq aqputigalugu maleruagassiuunneqarpoq.

*Oqaatigineqarpoq inatsisissatut siunnersuut kommuninut pilersaarutissatut siunnersuutininut, inatsit atuuttoq maillugu siunnersuutitut akuerineqartununut, kisiannilu inatsisip nutaap atuutilernerata kingorna akuerineqartununut tunngatillugu ikaarsaarnermut aalajangersakkanik imaqaanngitsoq.*

Oqaaseqaat tusaatissatut tiguneqarpoq. Pilersaarusiorneq aamma nunaminertat atornerqartarnerat pillugit Inatsisartut peqqussutaat nr. 11, 5. december 2008-meersoq naapertorlugu kommunimi pilersaarummut siunnersuut, kommunimi pilersaarummut tapiliussa q imaluunniit pilersaarusiornermi suliniut suliarineqarsimappat, aammalu tamanut ammasumik tusarniaassutigineqarsimappat, §§ 24 aamma 35, imm. 4 naapertorlugu siunnersuut taanna kommunalbestyrelsimit pineqartumit inaarutaasumik aalajangiiffigineqarsinnaavoq, tamanullu ammasumik nalunaarutigineqarsinnaalluni.

Aammattaq Aningaasaqarnermut Naalakkersuisoqarfimmit, Peqqissutsimut Naalakkersuisoqarfimmit, Inatsisinut inatsisinullu atorritsinermut immikkoortortaqarfimmit (Naalakkersuisut Siulittaasuata Naalakkesuisoqarfia) tusarniaanermut akissuteqaatit tiguneqarput, taakkuali inatsisissatut siunnersuummut oqaaseqaatissaqarsimanngillat. Allaniq tusarniaanermut akissuteqaatinik tigusaqartoqaanngilaq.

Inatsisartut inatsisaannut missingiutaqqaartumi kommuninut pilersaarutissatut siunnersuutininut tamanut saqqumititsinissamut piffissaliussa q minnerpaamik sapaatit akunnerinik 12-inik sivilissuseqartussatut aalajangersarneqarpoq. Politikkikkut kissaateqarneq malillugu maannakkut siunnersuutigineqarpoq tamanna sapaatit akunnerinik 8-inik sivilissuseqartussanngorlugu sivikillineqassasoq. Ilusaata nutaamik tusarniaanissaq pisariaqalersippaa. Inatsisissatut siunnersuutip Inatsisartut 2010-imi ukiaanerani suliarineqarsinnaaginnarnissaa siunertaralugu allannguutissatut siunnersuutigineqartoq nutaamik tusarniaassutigineqarpoq 2010-imi aggustip 6-aniit 2010-mi aggustip 11-anut killilerlugu.

KANUKOKA, Qaasuitsup Kommunian aamma Kommune Kujalleq tassunga atatillugu tusarniaanermut piffissaliussap sivikippallaarnera isornartorsiorpaat, allannguutissatut siunnersuummut politikkikkut isummernissaq periarfissaqartinngimmagu. Sivikilliliinermi tamanut saqqumititsinissamut piffissaliussap sivilissusaa tamatuma kingunerisaanik innuttaasut oqaaseqaateqarnissaminnik allannguutissatullu siunnersuuteqarnissaminnik periarfissaannik ajorseriartitsinersoq pillugu isumakulunnartoqartoq oqaatigineqarpoq. Taamaalluni allannguutissatut siunnersuut tamat oqartussaaqataanerisa ingerlaneranik, kommuninut pilersaarutininik pilersitsinermi suliap ingerlanerata ilisarnaatisartagarigaluanik, sanngiillisitsisumik imaqaarsorinarpoq.

Kommune Kujallermit tamatuma saniatigut tikkuarneqarpoq tusarniaanermut piffissaliussap sapaatit akunnerinik 12-inik 8-inut sivikillineqarnissaanik siunnersuuteqarneq akerleriittutut misiginartoq, peqatigisaanillu kommuninut pilersaarutit kommuninik iluarsaaqqinneq

pissutigalugu aammalu nunaannami pilersarusiortussaataitanermik tigusineq pissutigalugu annertunerungaatsialertussaasut naatsorsuutigineqartariaqarluni.

Oqaaseqaatit tusaatissatut tiguneqarput. Allanguutissatut siunnersuummut tunngaviusoq tassaavoq kommuninut pilersaarutininik pilersitsisarnerup sukkanerusunngortinneqarnissaanik kissaateqarneq. Naliliisoqarpoq tamanut saqqumititsinissamut piffissamut piumasaqaat pivallaarnagu, kisiannili akerlianik paasissutissiinissamut piumasaqaatit kommunit ingerlatassaat innuttaasut pilersitsiviusumik pilersaarutininik oqalliseqatigalugit peqataatinneqarnissaannut periarfissat pingaaruteqartut. Minnerpaamik sapaatit akunnerini 8- ini tamanut saqqumititsinissaq tamakkiisumik naammappoq, tamatumani kommunip annertunerulersimagaluartut aammalu pilersarusiornissamut pisussaaffeqarneq aamma nunaannarmut tunngatillugu annertusineqaraluartoq. Erseqqissaatigineqassaaq tamanut saqqumititsinissap sivilissusissaanut piumasaqaatit minnerpaamik piumasaqaataammata aammalu kommunit tamanut saqqumititsinissamut piffissap sivitsornissaanut nammineerlutik aalajangiisinnaallutik.

Farvandsvæsnet, Aalisarnermut, Piniarnermut Nunalerinermullu Naalakkersuisoqarfik, Aatsitassanut Ikummatissanullu Pisortaqarfik, Nunamut Namminermut, Pinngortitamut Avatangiisinullu Naalakkersuisoqarfik, Aningaasaqarnermut Naalakkersuisoqarfik, Nukissiorfiit, Kommuneqarfik Sermersooq aamma Qeqqata Kommunian tusarniaanermut akissuteqarput, taakkualu allanguummut oqaaseqaatissaqarsimangillat.

## Aalajangersakkanut ataasiakkaanut nassuiaatit

### § 1-mut

Aalajangersagaq pilersarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 1-imik ingerlatitseqqiineruvoq. Aalajangersakkami Inatsisartut inatsisaata nalinginnaasumik siunertaa, sumiiffinni sanaartorfigineqarsimasuni (illoqarfiiit nunaqarfiillu) nunaannarmilu, pilersarusiornikkut nunaminertanillu atuinnermut maleruagassiinnikkut qularnaarneqartussaq pineqarpoq. Taamaalilluni siunertaasup suliaassaqarfimmi inatsisip maannakkut atuuttup siunertaata pingaarnerup assigaa, aalajangersarneqarlunilu nunaminertanut atuinnissamut aalajangersakkat inuiaqatigiit eqqarsaatigalugit ataatsimut tamakkiisumik naliliinnikkut pisarnissaa piunarsaqataasoq.

Inuiaqatigiit eqqarsaatigalugit tamakkiisumik naliliineq aallaavigalugu nunap nunaminertaasa atorneqarnerat pisassasoq, aalajangersakkami pkt. 1-imiit 5-imut eqqarsaatigineqartussat taaneqartut isumagineqarnerisigut naammassineqartutut isigineqarpoq.

1) Ukiuni makkunani kalaallit inuiaqatigiit ataatsimoortitsisarnermut annertusiartortumut ineriartortitsivigineqarput, pisuussutinillu uummaatsunik piiaanissanut suliniutit amerliartuinnarput. Ineriartornerup tamatuma qanoq isikkoqarnissaanut qanorlu annertutiginnissaanut aalajangiinnissami pinngortitap illersorneqarnissaa, uummasut naasullu taamatullu nunap isikkua eqqarsaatigalugu piorsarsimassutsimullu tunngatillugu naleqartitat illersorneqarnissaannik qulakkeerisussaq pingaartinneqassaaq.

2) Tassunga atatillugu nunaminertat illoqarfittut imaluunniit nunaqarfittut isikkoqalersillugit illuliorfigineqartussat immikkoortitanut, sanaartukkanut inunnit pilersinneqartunut immikkoortitanut, nunallu sinnerani nunap ilaani qangatut inuussutissarsiornermut, mernguersarnermut, ilisimatusarnermut pinngortitallu allanngutsaaliornissaanut atorneqaannartussat immikkoortitanut, naapertuuttumik agguataarneqarnissaat pingaaruteqarpoq.

3) Pilersarusiornermut naapertuuttumik nunap nunaminertaasa atorneqarnissaat, pingaartinneqartussat taaneqartut isumagineqarnissaannut qularnaarinissamut sakkussaavoq pingaarutilik. Pilersarusiorneq taanna suliarineqassaaq, inuussutissarsiornerup ineriartortinneqarnerata siuarsarneqarnissaanut pisariaqartitat atugarissaarluni inuuniarnermut tunngaviusut eqqarsaatigalugit. Peqatigisaanik inooqatigiinnermi avatangiisitigullu eqqarsaatigisassat isumagineqassapput taamaalillunilu inuiaqatigiinni tulluurtumik ineriartortitsinissamut periarfissaqalissaaq.

Tassunga tunngatillugu oqaaseqatigiit “inooqatigiinnermi avatangiisitigullu eqqarsaatigisassat” siamasissumik paasineqassapput, taamaalillunilu assersuutigalugu aamma pinngortitami immikkut soqutiginaatilinnik aammalu illunik piorsarsimassutsikkut naleqartitanik allanngutsaaliuinissaq tassani pineqarpoq.

4) Kalaallit Nunaanni pilersaarutit pillugit inatsisini maannamut atuuttuni innuttaasut nunaminertat qanoq pilersarusiorfigineqarnissaannut sunniuteqaqataasinnaannissaat pingaartinneqarsimavoq. Tunngaviusup taassuma atuutiinnarnissaa kissaatigineqartoq, najukkani sunniuteqaqataasinnaanerup ataqpineqarnissaata peqqussutissatut siunnersuutip

siunertaani takuneqarsinnaaneratigut naqissuserneqarpoq. Pilersaarusionerup ingerlanerani innuttaasut peqataatinneqarnissaat pingaaruteqarluinnartutut isigineqartariaqarpoq. Pilersaarusionerup ingerlanerani innuttaasut piviusumik peqataatinneqarnerat kikkut tamarmik oqartussaaqataasutut sunniuteqaqataanissamik periarfissaannik nukittorsaaginnangilaq; innuttaasut najukkaminni sukumiisumik ilisimasaqarnerat pissutigalugu, peqataatitsineq taamatuttaaq pitsaassutsikkut pitsaanerusemik pilersaarusionissamut aqutissatut isigineqartariaqarpoq.

5) Sanaartorfissanik pilersaarusionerup inernerisa ilaannik annertuunik piviusunngortitsinissamut, pisariaqartunik aningaasassaqaarneq imaluunniit aningaasassaqaalersinnaaneq pisariaqarpoq. Taamaattumik sanaartorfissanik aningaasatigullu pilersaarusioneremut ataqatigiissaakkamut killiliussat iluanni nunaminertanik atugassiinissamik aalajangiisarnissaq pisariaqartumik ataqqineqartussaavoq.

### *§ 2-mut*

Aalajangersagaq nutaajuvoq. Namminersornerup eqqunneqarneranut atatillugu Folketingep Kalaallit Nunaanni Namminersorneremut atatillugu pissutsit assigiinngitsut pillugit Inatsit nr. 474, 12. juni 2009-imeersoq akuersaarpa. Tassani aalajangersarneqarpoq Kalaallit Nunaanni sumiiffinnut aammalu teknikkikkut ikkussukkanut illersornissamik siunertaqartunut nunaminertanik atugassiineq Kalaallit Nunaanni Namminersorlutik Oqartussat isumaqatiginninniaqatigereerlugit naalagaaffimmit oqartussaasumit pineqartumit isumagineqassasoq.

Naleqquttuosorineqarpoq naalagaaffiup oqartussaasup aamma Namminersorlutik Oqartussat akornanni isumaqatiginninniarnaq Naalakkersuisunit isumagineqassasoq, tassami Naalakkersuisut Namminersorlutik Oqartussat sinnerlugit pilersaarusioneremut nunaminertanullu oqartussaaffik ataatsimut isigalugu isumagisarivaat.

### *§ 3-mut*

Aalajangersakkami imm. 1 pilersaarusionerup aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-imeersumi § 2-imut assinguvoq. Aalajangersakkami imm. 2, pilersaarusionerup aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-imeersumi § 3-imi oqaaseqatigiit aappaannut assinguvoq. Aalajangersakkap inatsisitigut imarisamigut allanngortinneqarnissaa siunertarineqanngilaq.

Aalajangersakkami Naalakkersuisut sanaartorfissanik pilersaarusioneremut inuiaqatigiinni soqutiginaatilinnik isumaginnittumik pilersaarusiortoqarnissaanik ataatsimut isigalugu akisussaasusut aalajangersarneqarpoq.

Namminersorlutik Oqartussani oqartussaasut assigiinngitsut inatsisaat aamma suliassaqarfinnut pilersaarusioneremut nuna tamakkerlugu pilersaarusioneremut malitassaasinnaasut aammalu sanaartugassat pillugit politikkikkut aalajangiinerit ilanngullugit ataatsimut katillugu sanaartorfissanik pilersaarusioneremut nuna tamakkerlugu pilersaarusioneremut tunngatillugu inuiaqatigiinnut soqutiginaateqarpoq, taamaalillunilu kommunimi pilersaarusioneremut sinaakkutissaallutik. Namminersorlutik Oqartussani oqartussaasooq nunaminertanut atugassiissutaasunut pilersaarusiunngippat, tassani

taamaalilluni kommunit siunissamut sanaartorfissanik pilersaarusiornissamut periarfissaarutsinneqassaaq, tak. § 1.

Nuna tamakkerlugu pilersaarusiorneq ingerlaavartumik suliassatut igisineqassaaq, tassani suliassaq pingaarneq tassaavoq kommunini sanaartorfissanik pilersaarusiornermut sinaakktissanik atuutsitsilernissaaq. Taamaattumik Naalakkersuisuni sanaartorfissanik pilersaarusiornermut suliassaqarfimmi oqartussaasoq maannakktut Naalagaaffiup aamma Naalakkersuisut suliassaqarfiit sinnerinut oqartussaasui suleqatigalugit, inatsimmi aalajangersakkanik aqutsisuussaaq.

#### Imm. 2-imut

Aalajangersakkami oqaaseqatigiinni kingullerni aalajangersarneqarpoq Naalakkersuisut kommuninut ilitersuinissamik pisussaaffeqartut. Taamaalilluni Naalakkersuisut pilersaarusiornermut tunngatillugu apeqqutini kommunit ikiortussaavaat, pilersaarusiornermut inatsimmi aalajangersakkat qanoq paasisariaqarnersut kommunit ilitersortussaallugit kiisalu apeqqutini teknikkimut tunngasuni kommunit ilitersortussaallugit, ilanngullugit NunaGIS qanoq atorneqarsinnaanersoq pillugu apeqqutit. Tassunga tunngatillugu oqaatigineqassaaq Naalakkersuisut kommunit suliani ataasiakkaani ingerlasuni aalajangersimasuni siunnorsinnaassanngimmagit. Tassalu ilitersuineq ataatsimut isigalugu pissutsinut tunngasuussaaq.

#### § 4-imut

Aalajangersagaq piginnaatitsisumik aalajangersagaavoq. Imm. 1 pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 3-imik ingerlatitseqqinnerulluni. Aalajangersakkami imm. 2 nutaajuvoq aammalu siunertaralugu piviusunngortitsinermi avatangiisinut sunniutaasussanik nalilersuinerup suliarineqarnissaanut imarisassaannullu tunngatillugu maleruagassanik atuutsitsilernissaaq.

#### Imm. 1-imut

Aalajangersagaq tassunga assingusoq atorneqarpoq, nunaminertat atorneqartarnerat pilersaarusiorfigineqartarnerallu pillugit Namminersornerullutik Oqartussat nalunaarutaata nr. 23-ip 18. november 1992-imeersup, nunaminertat atorneqartarnerat pilersaarusiorfigineqartarnerallu pillugit Namminersornerullutik Oqartussat nalunaarutaata nr. 23, 18. november 1992-imeersup allanngortinneqarneranik Namminersornerullutik Oqartussat nalunaarutaata nr. 39, 20. september 1994-imeersup, nunaminertat atorneqartarnerat pilersaarusiorfigineqartarnerallu pillugit Namminersornerullutik Oqartussat nalunaarutaata allanngortinneqarneranik Namminersornerullutik Oqartussat nalunaarutaata nr. 43, 15. november 1994-imeersup, kommunekkaartumik pilersaarusiornermi allanngutsaaliuisussaanermik nakkutiginnittussaaneq pillugu Namminersornerullutik Oqartussat nalunaarutaata nr. 28, 6. august 1991-imeersup, kommunekkaartumik pilersaarusiornermi allanngutsaaliuisussaanermik nakkutiginnittussaaneq pillugu Namminersornerullutik Oqartussat nalunaarutaata nr. 31, 30. oktober 1991-imeersup, Kalaallit Nunaanni illuliortiternermi oqartussaasuseq pillugu Namminersornerullutik Oqartussat nalunaarutaata nr. 24, 9. november 1987-imeersumi, illuliortiternermi oqartussaasuseq pillugu Namminersornerullutik Oqartussat nalunaarutaata nr. 13, 18. august 2006-imeersumi, nunaqarfinnut pilersaarutit allannguuteqartinneqarneri pillugit kommunimut pilersaarutitut tapiliussat tamanut tusarniaassutigineqartarneri pillugu Aningaasaqarnermut pisortaqaarfiup kaajallaasitaa nr. 1, 22. april 1996-imeersup, suliarineqarnerisigut.



Aalajangersakkami Naalackersuisut sanaartorfissanik pilersaarusionerup suliarineqarnissaanut, imarisassaanut, ilusaanut piviusunnigortinneqarnissaanullu erseqqinnerusunik maleruagassiorsinnaasut inatsisitigut tunngavissinneqarpoq. Oqaaseq “sanaartorfissanik pilersaarusionerup” uani paasineqassaaq missingersuutitigut maleruagassinneqartartumut imaluunniit aningaasanut inatsimmi maleruagassinneqartartumut “aningaasaqarnermik pilersaarusionerup” illuatungiusutut. Oqaaseq avatangiisini sanaartorfissanik pilersaarusionerup nassuiarneqassaaq, ilanngullugit nunaminertat, illuutit aamma sanaartukkat atorineqartarnissaat, inissisimaffissaat aammalu ilusilersorneqarnissaat il.il. Tamatuma saniatigut oqaariaatsimi pineqarput avatangiisini sanaartorfissat eqqaaniittuni killilersuutit nunaminertanut atugassiissutaasunut, illulianut imaluunniit sanaartukkanut atatinneqartut. Aalajangersakkami nuna tamakkerlugu pilersaarusionissamut, kommunimut pilersaarusionissamut kiisalu peqqussut manna naapertorlugu allatigut oqartussaasutut suliaqarnissamut maleruagassanik erseqqinnerusunik aalajangersaanissaq tunngavissinneqarpoq. Eqqarsaatigineqarsinnaavoq aalajangersagaq § 18 naapertorlugu nunaannarmut tunngatillugu naleqquttumik maleruagassiinermut ingerlatsinermullu atatillugu atorineqarsinnaasoq.

#### Imm. 2-mut

Aalajangersagaq nutaajuvoq. Naalackersuisut Espoo-mut isumaqatigiisummi SMV-mut allattuiffimmut ilanngunissamik aalajangiinerannut atasutut paasineqassaaq. Allattuiffimmi tassani sanaartukkanik killissanik qaangiiffiusunik arlalinnik sananissamut pilersaarusionissaq sananissarlu sioqqullugu suliniuteqarnermi avatangiisinik naliliinissamut pisussaaffeqarneq maleruagassiuunneqarpoq. Aammattaaq allattuiffimmi sanaartugassat allattuiffimmi pineqartut inissinneqarnissaat nunat sioqqullugu ilaasortaasut nunanut saniliusunut tusarniaanissamut pisussaaffilerneqarput.

Suliniuteqarnermi avatangiisinik naliliisarnermut maleruagassiorsinnaanermut inatsisitigut tunngaviusup pisariaqartitsilernermi atugassanngortinneqartarnissaa naatsorsuutigineqarpoq, tamannali siusinnerpaamik Danmark Naalagaaffeqatigiit sinnerlugit allattuiffimmut ilaalerneratigut pissaq, Kalaallit Nunaannut tunngatillugu nunami sumiiffimmi tunuarsimaarnertaqanngitsumik.

#### § 5-imut

Aalajangersagaq imm. 1-imi oqaatsitigut allannguuteqartinneqarluni pilersaarusionerup aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-imeersumi § 4-imik ingerlatitseqqiineruvoq. Aalajangersakkap inatsisitigut imarisaani allannguinissaq siunertarineqanngilaq.

#### Imm. 1-imut

Aalajangersakkami nunamut tamarmut pilersaarusionerup piareersaanermut suliaqartarnermullu akisussaaffik Naalackersuisuniissasoq oqaatigineqarpoq.

Aalajangersakkami nuna tamakkerlugu pilersaarusionerup ataqtigiisooq siunnerfigineqarpoq. Tamatuma kingunerisaanik oqartussaasut sanaartorfissanik pilersaarusionerup soqutigisaat iluaquserneqarnissaat kissaatigineqarpat, Namminersorlutik oqartussani suliaqarfimmut oqartussaasut assigiinngitsut pilersaarusionissamik pisussaaffeqarput. Pilersaarusionissamik pisussaaffeqarnerup kingunerisaanik suliaqarfimmi oqartussaasut ataasiakkaat nunaminertat atorineqartussatut aalajangiussat inissisimaffissaat killissalersornerilu kiisalu

allatut nunaminertanik atuinissamut killilersuutit nassuiartussaavaat. Assersuutigalugu uani pineqarsimasinnaapput siunissami illuliornissamut sanartornissamulluunniit, sumiiffinnut qaartiterutissaasiviit eqqaanniittunut piumasaqaateqarfiusunut, timmisartoqarfinnut, imeqarfinnut imaluunniit nalunaarasuartaatinut atortulersuutitut atatillugu nunaminertanik inniminniinerit.

Nuna tamakkerlugu pilersaarusiormi soqutigisanik nassuiaasersuineq taamaalilluni ilaatigut Naalackersuisut tungaanniit missiliuinermik aalajangersimasumik tunngaveqaraluartoq, taamaattoq nunamut namminermt pingaaruteqartunik, piginnittut imaluunniit sanatitsisut soqutigisaannik il.il. annertunerusunik peqartoq tunngavilersuutigineqartariaqarpoq.

Naalackersuisut nuna tamakkerlugu pilersaarusiormerup naammassineqarnissaanut pisariaqartunik misissuisarnissaannik piumasaqaat, pissutsit arlaqartut pilersaarusiormermt pingaaruteqartut suliaasaqarfinnut oqartussat ataasiakkaat pilersaarusiormeranni takuneqarsinnaasanninnerat aallaavigalugu aalajangersarneqarpoq. Tamatumunnga assersuutaasinnaapput inuiaqatigiinni innuttaasut amerlassusaasa allanngoriartormermt, inuiaqatigiit nuttariaasii, suiaassutsikkut assigiinngissutsit kiisalu paasissutissat pioreersut assigiissaartormermt il.il.

#### Imm. 2-imut

Naalackersuisut nuna tamakkerlugu nunami sumiiffinnut tamanut paasissutissanik katersuiffimmik, qarasaasiaq atorlugu pilersaarusiormermt isaaffimmik suliaqartitsissapput. Avatangiisinut Aqutsisoqarfiup web-GIS taamaattoq, NunaGIS-imik taagorneqartoq 2008-imi apriliimi tamanut saqqummiuppaa. Tamatuma saniatigut pilersaarusiormermt nalunaarsuiffik inuiaqatigiinni soqutigisanik pingaarnernik, Namminersorlutik Oqartussat aamma kommunit pilersaarusiormermt pillugu paasissutissanik imaqartussaq, nittartagaq [www.nunagis.gl](http://www.nunagis.gl) isaariaralugu ingerlanneqartussaq saqqummiunneqarpoq. Naatsorsuutigineqarpoq naalackersuisoqarfiit aamma kommunit tamarmik siunissami nammineq isertaatiminnik atuillutik NunaGIS-imut toqqaannartumik paasissutissanik nalunaarsuisinnaalissasut.

Imm. 1 aamma 2. Aalajangersakkami pineqarput nunaminertat atorneqarfissaannik Namminersorlutik Oqartussat aalajangersaanermt pillugit paasissutissat, ilanngullugit sumiiffiit killeqarfiillu immikkut killeqarfeqartitassat, eqqissisimatitassanngortitsinerit aamma nunaminertanik inniminniinerit inatsisit allat, nunat tamalaat akornanni isumaqatigiissutit naapertorlugit aalajangersagaasut imaluunniit Namminersorlutik Oqartussat suliaasaqarfinnut pilersaarutaat naapertorlugit kiisalu kommunimi pilersaarusiormermt aalajangaasut. Paasissutissat taakku qarasaasiaq atorlugu nunami sumiiffinnut tamanut paasissutissanik katersuiffimmik NunaGIS-imut nalunaarutigineqassapput. Taakkua assersuutigalugu tassaasinnaapput pinngortitamik eqqissisimatitassanngortitsinerit, qaqqat timmissat inaasa, imermik pissamaateqarfittut immikkoortitat aamma qaartartuusiviit eqqaanni killeqarfiit immikkut killeqarfeqartit kiisalu sumiiffiup ilaani aalajangersimasumi immikkut mingutsitsisumik suliaqarnissamik atugassiinerit pillugit paasissutissat il.il. Paasissutissanik Naalackersuisunut nalunaarutiginnittarnermt aamma nutarterisarnermt suliaasaqarfinnut oqartussaasut/kommunalbestyrelsit ataasiakkaat akisussaaffeqarput.

#### Imm. 3-imut

Pisariaqaraangat, kisiannili minnerpaamik ukiut sisamakkaarlugit Naalackersuisut inuiaqatigiit kommunimut pilersaarusiormermt soqutiginaateqartitaasa pingaarnertit ataatsimoortumik takussutissiornissaat isumagissavaat. Pilersaarusiormermt Namminersorlutik

Oqartussanut soqutiginaatilinnik takussutissiamik iluarsaassinissamik qaqugukkut pisariaqartitsisoqartassanersoq pillugu apeqquummut ataasiakkaatigut naliliineq apeqqutaassaaq.

#### *§ 6-mut*

Aalajangersagaq pilersaaruserneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 5-imik ingerlatitseqqiineruvoq.

Aalajangersakkami aalajangersarneqarpoq pisortat oqartussat, ilanngullugit Naalagaaffiup, Namminersorlutik Oqartussat kommunillu ataanni suliffeqarfiit suliaasaqarfinnut pilersaaruserneqartut kiisalu suliffeqarfiit ataasiakkaat, sanaartorfissanik pilersaarusernermi inuiaqatigiit soqutigisaannut pingaarnernut pingaaruteqartunik suliniuteqarnerit pillugit Naalakkersuisut paasisutissittassagaat.

Suliffeqarfinni eqqarsaatigineqarput pisortanit pigineqartut pilersuiffeqatigiiffiit soorlu Nukissiorfiit, TELE Greenland A/S aamma Royal Arctic Line A/S, taamatuttaarlu suliffeqarfiit namminersortunit pigineqartut angisuut, angissusiat eqqarsaatigalugu ilaatigut tamanut sullissinissamut pisariaqartinneqalersinnaasut.

Paasisutissat taakkua nuna tamakkerlugu pilersaarusernermi, Naalagaaffimmi, Namminersorlutik Oqartussani kommuninilu siunissami suliaasaqarfinni porsaanissamut anguniagassanik kingusinnerusukku suliaqarnissami tunngavissanut najoqqutassatut atorneqassapput.

#### *§ 7-mut*

Aalajangersagaq oqaatsitigut allannguuteqartinneqarluni pilersaaruserneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 6-imik ingerlatitseqqiineruvoq.

##### *Imm. 1-imut*

Aalajangersakkami nalunaarneqarpoq, Naalakkersuisut nuna tamakkerlugu pilersaarusernermik suliaqarnerminni naalagaaffiup oqartussaasuisa aamma Namminersornerullutik Oqartussat oqartussaasuisa assigiinngitsut suliaasaqarfinnut pilersaarutaat ataatsimoortittassagaat aammalu nuna tamakkerlugu pilersaarusernerup pilersaarusernermut kommunini suliarineqartumut atatillugu aaqquissuunneqartarnissaa isumagissallugu.

##### *Imm. 2-imut*

Namminersorlutik Oqartussat suliaasaqarfinnut pilersaaruserneq annik akuersissuteqartarnermi innuttaasunik peqataatitsinissaq piimasaqaataanngilaq. Taamaattorli Naalakkersuisut paasititsiniaanermik ingerlatsissapput, innuttaasut inuuniarnerminni atugaannik sunniisussani sanaartorfissanik pilersaarusernermi aalajangiinernik pingaarnersiutinillu innuttaasunut pissusiviusunik takutitsisussamik.

#### *§ 8-mut*

Aalajangersagaq pilersaaruserneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 7-imik ingerlatitseqqiineruvoq.

Aalajangersakkami Naalakkersuisut nuna tamakkerlugu pilersaarusionermik ingerlaavartumik suliaqarnerat ukiut tamaasa Inatsisartunut nassuiaatitut ilusilerlugu saqqummiunneqartassasoq aalajangersarneqarpoq.

Nuna tamakkerlugu pilersaarusionermut nassuiaat nuna tamakkerlugu nunaminertat atorineqarnissaannut malittarisassanik ataqatigiissaakkanik imaqsinnaavoq aammalu ataatsimut isigalugu ineriartortitsinissamut anguniakkanik arlaqartunik nassuiaatinik imaqsinnaalluni, assersuutigalugu tunisassiorfiit aammalu inuussutissarsionermi suliffeqarfiit allat inissinneqarnissaannut, angallannikkut teknikkikkullu pilersuinermut, innuttaasunut pissutsinut, sanaartornermut, isumaginninnermi peqqinnissaqarfimmilu sullissinermut kiisalu avatangiisinik illersuinermut eqqissisimatitsinissamullu tunngatillugu. Malittarisassat taakkua tunngaviusut allannguuteqarneranni siunertanullu nutaanut tulluussartuarnissaat pingaaruteqarpoq.

### *§ 9-mut*

Aalajangersakkap imarisaa pilersaarusionerq aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-imeersumi § 8-imik tamatumalu siorna nunaminertanik atuineq aamma pilersaarusionerq pillugit Inatsisartut peqqussutaanni nr. 6, 19. december 1986-imeersumi § 11-imut naleqqiullugu allannguuteqartinneqarpoq.

Aalajangersakkami tassani pineqaraluarpoq Naalakkersuisut “nuna tamakkerlugu pilersaarusionermut tunngatillugu malittarisassanik pingaarnernik” Inatsisartuni akuerisassanngorlugit saqqummiussisussaataitaanerat kiisalu tamatumunnga pisariaqartillugu taakkuninnga iluarsaassisussaataitaanerat. Aalajangersakkap imarisaatigut allannguinermut pissutaavoq qitiusumik suliassaqarfinnut arlalinnut aalajangiisinnaatitaaneq ullumikkut Naalakkersuisunut suliassanngortitaareermat. Taamaattumik Inatsisartut “sanaartorfissanik pilersaarusionermut eqikkaasumut malittarisassanik pingaarnernik” akuersisussaanaerat pillugu ataatsimut isigalugu piumasaqaatip atorunnaarsinneqarnissaa naleqquttuusorineqarpoq. Taamaattumik suliassaqarfinnut assigiinngitsunut soqutiginaatilinnik akuersisarneq suliassaqarfinnut inatsisit malillugit aalajangiisinnaatitaanerit naapertorlugit suliassaqarfinnut ataasiakkaanut pisariaqassapput.

Oqaaseq ”nuna tamakkerlugu pilersaarusionermut soqutigisaqartut” ”soqutigisat inuiaqatigiinnut annertuumik pingaaruteqartut”-nut allanngortinneqarpoq, ”nuna tamakkerlugu pilersaarusionermut soqutigisat” sumorpiaq tunngasuunersoq nalornissutigineqarmat. Nuna tamakkerlugu pilersaarusionertermut malittarisassani pingaaruteqassutsimut, tamatumunngalu atatillugu kommunit pilersaarusionerterussaataitaanerani saneqqutsinissamut allanngortinneqarnissaat naleqquttut isumaqarfigneqarpoq. Pingaaruteqartut tunngaviunissaannut pingaarnersiunerup tunngavigineqartussaanaerata kingunerisaanik, nuna tamakkerlugu pilersaarusionermut ilitersuutunik atuutsitsilernissaq pisuni immikkuullarissuni aatsaat atorineqartassasoq naatsorsuutigineqartariaqarpoq. Aalajangiinermi amerlanertigut inuiaqatigiit ineriartorneranni eqqarsaatigisassat pingaarnertit tunngavilersuutigineqartassapput.

Oqaatigineqassaaq sanaartorfissanik pilersaarusionermi soqutigisat inuiaqatigiinnut annertuumik pingaaruteqartuni sanaartorfissanik pilersaarusionerq tassunga atatillugu aningaasanut pilersaarusionermut ataqatigiissillugu paasineqartariaqartoq: Illuliortiterneq imaluunniit sanaartorneq aningaasanut inatsimmi aningaasalersorneqartussaasimappat,

sanaartorfissanik pilersaarusionerup piviusunnngortinneqarnissaanut taamaalilluni pingaarnerusutigut Inatsisartut akuersinissaat suli apeqquataasussaavoq.

#### Imm. 1-imut

Naalackersuisut sumiiffimmut aalajangersimasumut ataatsimut isigalugu politikkiminnik erseqqissaasinnaapput, kommunimut pilersaarusiata imarisassaannut pisussaaffiliisumik aalajangersaasinnaallutik. Nuna tamakkerlugu pilersaarusionerumut malitassiaq ilaatigut nunami sumiiffimmi inissiinissamik, killiliinermik kiisalu atuinissamut maleruagassiisunik aalajangersakkanik, ungasissusissanut piumasaqaatinik kiisalu pisariaqarpat nunaminertani pineqartuni nunaminertanik inniminniinissamik il.il. imaqarsinnaavoq.

#### Imm. 2-imut

Naalackersuisut nuna tamakkerlugu pilersaarusionerumut malitassiani maleruagassanik aalajangersimasunik aamma sukumiisumik maleruagassiisunik aalajangersaasinnaapput, assersuutigalugu nunaminertat erseqqinnerusumik taaneqartut siunertanut erseqqinnerusumik taaneqartunut atugassanngortillugit.

Aalajangersagaq naapertorlugu Naalackersuisut aalajangiisinnaapput, nuna tamakkerlugu pilersaarusionerumut malitassiaq sukumiisunik aalajangersagartaqartoq, kommunimut pilersaarutituulli inatsisitigut sunniuteqartinneqassasoq. Tamanna isumaqarpoq Naalackersuisut assersuutigalugu illuliortiterneq sanaartornerlu, nuna tamakkerlugu pilersaarusionerumut malitassiami sukumiisunik aalajangersakkanik aalajangersaavigineqarsimasoq, kommunimut pilersaarummik peqanngikkaluartoq aallartinneqarsinnaasoq aalajangiisinnaasut. Tassani pineqarpoq, pisuni nuna tamakkerlugu pilersaarusionerumut malitassiami aalajangersakkat imatut erseqqitsigisut, taassuma saniatigut pilersaarusiornissamik isumaliuteqarnissaq pisariaqarani. Taamaattoqartillugu nuna tamakkerlugu pilersaarusionerumut malitassiaq pilersaarusionerumut tunngavissatut allaffissornermi aqutsinermi atorineqarsinnaavoq.

Tassani assersuutigineqarsinnaavoq Inatsisartut sanaartugassamut aalajangersimasumut sanaartornerumut inatsimmik atuuttussanngortitsisimasut, assersuutigalugu erngup nukinganik innaallagissiorfiliornissamut, sanaartugassap sumiiffissaanik aamma/imaluunniit ilusissaanik erseqqissaasumik imaqartoq. Taamaattoqartillugu kommunimi pilersaarusionerumut oqartussat kommunimut pilersaarummumut tapiliussamik suliaqarnissaannik suliakkorsorneqarnissaat pisariaqassanngilaq.

Nuna tamakkerlugu pilersaarusionerumut malitassiat imaluunniit suliassaqarfimmut pilersaarusiata, § 9 naapertorlugu inatsisitigut sunniuteqalersinneqassagunik Naalackersuisunit akuerineqassapput.

#### *§ 10-mut*

Aalajangersagaq pilersaarusionerumut aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-imeersumi § 9-imut maannamut atuuttumut naleqqiullugu allannguutaavoq. Kommunimi pilersaarutissatut siunnersuut, nuna tamakkerlugu pilersaarusionerumut ilitsersuummut imaluunniit inatsisinut allanut akerliuppat sularineqassanngitsoq pillugu aalajangersagaq atorunnaarpoq. Tamatumunnga tunngaviuvoq kommunalbestyrelsiq pilersaarutissatut siunnersuummik taamaattumik suliaqarnissaa akornutissaqanngimmat. Taamaattorli naatsorsuutigineqartariaqarpoq pilersaarutit imarisaa aatsaat piviusunnngortinneqarsinnaasasoq, oqartussaasup suliassaqarfimmut oqartussaasumut

pineqartumut suliassa qarfirmut akisussaasusup akuersinera pissarsiarineqarsinnaasimappat. Tunuarsimaarfeqarneq taanna aalajangersakkani sumiiffiup ilaanut pineqartumut atuuttuni allassimassaaq, tak. § 20, imm. 2.

#### Imm. 1-imut

Pisortat pilersarusiornerat paasineqassaaq tassaasoq pilersarusiornermut oqartussat pilersarusiortitsinerat, atuutilersitsinerat aammalu pilersaarutit akuersissutillu malinneqarnissaannik isumaginninnerat.

Aalajangersakkami nuna tamakkerlugu pilersarusiornerup inatsisitigut sunniutissai aalajangersarneqarput, taamaalilluni pisortat oqartussaasut suliassa qarfinnut soqutiginaatillinnik aallussigaluarunik imaluunniit nunaminertanik atugassiinissamut aalajangiisinnaatitaagaluarunik, nuna tamakkerlugu pilersarusiornerup innersuussutai naapertorlugit iliuuseqartarnissaminnut pisussaaffilerneqarlutik.

Tamatuma malitsigisaanik kommunimut pilersarusiorneq, nuna tamakkerlugu pilersarusiornermut malitassianik atuuttunik, inatsisinik allanik il.il. saneqquatsisoq Naalakkersuisunit akuerineqartartussaavoq.

#### Imm. 2-imut

Nuna tamakkerlugu pilersarusiornermut soqutiginaatillit aalajangersimasut sumiiffimmut erseqqinnerusumik killilikkamut inissinniarlugit, Naalakkersuisut kommunalbestyrelsi sumiiffiup ilaani aalajangersimasumi ataatsimi arlalinniluunniit kommunimut pilersarusiamut tapiliussamik, imarisassai erseqqinnerusumik taallugit, tak. § 28, suliaqarnissaanik peqqusinnaavaat. Imaluunniit Naalakkersuisut kommunip pilersarusiornissamik oqartussaaffia tigusinnaavaat tamatumunnga maleruagassat malillugit kommunimut pilersaarummut tapiliussamik suliaqartitsisinnaallutik.

Naalakkersuisut nammineerlutik kommunimut pilersaarummut tapiliussamik suliaqartitsissanersut pisuni ataasiakkaani naliliineq apeqqutaassaaq aammalu Naalakkersuisunit sukumiisumik maleruagassiinissaaq kissaatigineqarnersoq annertuumik apeqqutaavoq. Naalakkersuisut aalajangiinerat annertuumik sukumiisumik maleruagassiinissamik kinguneqarsimappat, kommunimi pilersarusiornermut oqartussat namminneerlutik pilersarusiap imarisassaannik aalajangersaasinnaanissaat annikillisinneqassaaq imaluunniit periarfissaajunnaassalluni. Taamaattoqarsimassappat pilersaarummit tunngaviusussamik suliaqarnissamut kommunimi pilersarusiornermut oqartussaasut suliakkersorneqartariaqassanngillat.

Assersuutigalugu Naalakkersuisunit aalajangerneqarsinnaavoq napparsimmavik nutaaq sumiiffimmi erseqqinnerusumik taaneqartumi inissinneqassasoq, illutaa quleriussasoq, sungaartuussasoq aammalu qaliata uinganera 30 gradiussasoq, il.il. Taamatut pisoqartillugu Naalakkersuisut sukumiisumik maleruagassiisunik aalajangersagaanni kommunalbestyrelsimiit maleruagassiisunik aalajangersaaqqinnissamik ammaassisoqarsimanersoq pisuni ataasiakkaani naliliineq apeqqutaassaaq.

§ 10, imm. 2 malillugu aalajangiisinnaatitaanermik tigusinerup kingunerisaanik, Naalakkersuisut peqqussummi maleruagassanik allanik saneqquatsinissamut ammaanngillat, ilanngullugit suleriaatsinut maleruagassat il.il. Tassani taamaallaat kommunalbestyrelsit aalajangiisinnaatitaaffiannik tigusineq pineqarpoq.

## § 11-mut

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 11-imik ingerlatitseqqiineruvoq.

Akerliliissuteqarnissamik pisussaaffeqarnerup sanaartorfissanik pilersaarusionermit ataatsimoortumut pingaaruteqarnera, kommunimut pilersaarutinut kommunimullu pilersaarutinut tapiliussanut tunngatillugu Naalakkersuisut akuersisartussaajunnaarneranni, peqqussummut 1986-imeersumut naleqqiullugu nukittorsarneqarpoq. Nunaminertat atorneqartarnerat pilersaarusionerfigineqartarnerallu pillugit Namminersornerullutik Oqartussat nalunaarutaat nr. 23, 18. november 1992-imeersumi siusinnerusukkat atuuttumi § 8 naapertorlugu Naalakkersuisut kommunimut pilersaarutinik aamma kommunimut pilersaarutinut tapiliussanik akuersisartuusimapput aammalu tamatumunnga atatillugu atugassarititaasussanik piumasaqarnissamik periarfissaqarsimallutik. Ullumikkut tamatuma akerlianik kommunalbestyrelsit nammineerlutik kommunimut pilersaarutinik aamma kommunimut pilersaarutinut tapiliussanik akuersissuteqarsinnaapput. Taamaattumillu akerliliissutinik saqqummiussinissamik periarfissaq nuna tamakkerlugu pilersaarusionermit tunngatillugu soqutiginaatillit qularnaariffigineqarnissaannut qitiulluinnarpoq.

### Imm. 1-imut

Kommunimut pilersaarutissatut siunnersuut ilaaluunniit immikkut pingaartitassanut naalagaaffiup oqartussaasuinit imaluunniit Namminersorlutik Oqartussat oqartussaasuinit isumagineqartunut akerliusimappat, suliassa qarfirmut oqartussatut akisussaasoq pilersaarutissatut siunnersuummut akerliliissuteqarnissamik pisussaavoq.

Oqariaaseq “immikkut pingaartitsinissaq” paasineqassaaq, inatsisitigut aalajangikkamik suliassat imaluunniit suliassat allat pingaarutillit politikikkut aalajangiunneqartut, nunamut namminermut soqutiginaateqartut naatsorsuutigineqarsinnaasut, ilanngullugit inatsisinik atuuttunik, suliassa qarfinnut pilersaarusionermik, nunat tamalaat akornanni isumaqatigiissutinik il.il., isumaginninnissaq.

Akerliliissuteqarneq tamatigut tunngavilersorneqartussaq kommunimut pilersaarutissatut siunnersuusiorsimasumut, akerliliissuteqarnissamut piffissarititaasoq, tak. § 23, imm. 3, naatinngilaq saqqummiunneqartassaaq. Akerliliissuteqarnissamulli pisussaataaaffik atuutissanngilaq, pissutsit nuna tamakkerlugu pilersaarusionerup siunertaanut pingaaruteqanngippata.

Akerliliissummik kinguatitsinermik kinguneqartussamik saqqummiussinissamik pisinnaatitaaneq, naalagaaffiup aamma Namminersorlutik Oqartussat oqartussaasuinit taamaallaat atuuppoq. Taamaalilluni ingerlatseqatigiiffinnut Namminersorlutik Oqartussanit pigineqartunut atuutinngilaq. Ingerlatseqatigiiffillu taakku taamaaliorusussagunik akerliliissuteqarnissaq piumasaralugu Naalakkersuisunut saaffiginnissuteqarsinnaapput.

### Imm. 2-imut

Akerliliissuteqarneq saqqummiunneqareerpat, allannguutissat pisariaqartut pillugit attuumassuteqartut akornanni isumaqatigiittoqareerpat, pilersaarutissatut siunnersuut inaarutaasumik aatsaat akuerineqarsinnaavoq. Naalakkersuisut suliani akerliliissuteqarnermit tunngasuni aalajangiinerat pisut apeqqutaallutik tassaasinnaavoq, pilersaarutissatut siunnersuut akuersaarneqarsinnaanngilluinnartoq taamaattumillu atorunnaartoq, akuersinissamut patsisissaatitaasut allannguutissat erseqqinnerusumik taaneqartut

suliarineqassasut, tamatumunnga taarsiullugu Naalakkersuisut nuna tamakkerlugu pilersaarusionermit ilitersuutini imaluunniit inatsisini allani pisariaqartunik allannguuteqartitsissasut, taamaalilluni pilersaarutissatut siunnersuutip aammalu pilersaarusionerup pingaernerup akornanni naapertuuttunngortitsisoqarluni, imaluunniit pilersaarutissatut siunnersuut allannguuteqartinnagu aammalu akerliliissuteqarneq saqqummiunneqartoq soqutigiginagu akuersaarneqassasoq.

Imm. 3-imut

Isumaqatigiittoqarsinnaanngippat, attuumassuteqartut apeqqutit isumaqatigiinngissutaasut pillugit Naalakkersuisunut aalajangiiffigisassanngorlugit saqqummiussissapput.

Akerliliissuteqarneq pillugu suliamut kommunalbestyrelsi pineqartoq imaluunniit oqartussaasut akerliliissuteqartut tamatumunnga piumasaqarneratigut Naalakkersuisut aalajangiissapput. Piumasaqaataavoq illuatungeriit tamatuma siorna isumaqatigiinniaqqaarsimassasut.

### *§ 12-mut*

Aalajangersagaq oqaatsitigut allannguuteqarluni pilersaarusionerq aamma nunaminertat atornerqartarnerat pillugit Inatsisartut peqqussutaat nr. 11, 5. december 2008-imeersumi § 11-imik ingerlatitseqqiineruvoq.

Imm. 1-imut

Naalakkersuisut kommunimut pilersaarutissatut siunnersuummut tamanut saqqummiunneqarsimasumut akerliliillutik saqqummiussisimappata, pilersaarutissatut siunnersuutip tamanut saqqummiunneqarneranit ukiut marluk tikillugit pilersaarutissatut siunnersuut inatsisitigut sunniuteqartinneqarallassasoq Naalakkersuisut aalajangiisinnaapput. Piffissaliussamik sivitsuinerimi, tak. § 31, siunertaavoq pilersaarutissatut siunnersuutip inatsisitigut sunniuteqartinneqarallarnissaa atorunnaarsinneqanngikkaluartoq, Naalakkersuisut aamma kommunalbestyrelsip isumaqatigiilernissaannut piffissaqarnerulersitsinissaq.

Imm. 2-imut

§ 11 imm. 3 naapertorlugu Naalakkersuisut aalajangiinerannut atatillugu Naalakkersuisut pilersaarutip inaarutaasup imarisaanik allannguuteqartitsisinnaapput. Taamaalilluni Naalakkersuisut kapitali 6 naapertorlugu kommunalbestyrelsip pisinnaatitaaffi tigussavaat. Aalajangersakkamut tassunga nassuiaatit innersuussutigineqarput.

### *§ 12*

Aalajangersagaq oqaatsitigut allannguuteqartillugu pilersaarusionerq aamma nunaminertat atornerqartarnerat pillugit Inatsisartut peqqussutaat nr. 11, 5. december 2008-imeersumi § 12-imik ingerlatitseqqiineruvoq.

Aalajangersakkami pineqarpoq Naalakkersuisut kommunimut pilersaarummut tapiliussamik kommunalbestyrelsimut suliaqquusisinaanerat imaluunniit nammineerlutik kommunimut pilersaarusioneraanerat imaluunniit kommunimut pilersaarummut tapiliussamik suliaqarsinaanerat.

Imm. 1-imut



Pilersaarusiornermut killissanik aqutsineq, nuna tamakkerlugu pilersaarusiorneq aamma kommunimut pilersaarusiorneq pillugit aalajangersakkani aalajangersarneqartoq, kommunimut pilersaarusiorneq, ataatsimut isigalugu pilersaarusiornermut akertiusumik ingerlanneqarsinnaanngitsoq killiliivoq. Aalajangersakkami matumani, illulioriternerit sanaartornerillu annertunerusut aallartinneqarsinnaanissaannut, pisariaqartumik sukumiisumik pilersaarusiornermik tunngavissaqalersitsinissamik Naalakkersuisut aammattaq periarfissaqarnissaat qularnaarneqarpoq.

Pisariaqarsorineqarpat Naalakkersuisut kommunalbestyrelsi sumiiffiup ilaani aalajangersimasumi kommunimut pilersaarummut allannguuteqartitsinissamik erseqqinnerusumik imarisassaanik taasillutik suliaqaqqullugu peqqusinnaavaat.

#### Imm. 2-imut

Kommunip Naalakkersuisut tamatumunnga piffissaliussaataq malinngippagu, Naalakkersuisut nammineerlutik kommunimut pilersaarummut allannguutissamik suliaqartitsinissaapput. Naalakkersuisut kommunimi pilersaarusiornermut oqartussaasut pisinnaatitaaffii tigussagunikkit, tassunga suleriaatsit atuuttut malinnissaat Naalakkersuisut pisussaaffigaat.

#### § 14-imut

Aalajangersagaq pilersaarusiorneq aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-imeersumi § 13-imik maannamut atuuttumik allannguivoq. Aalajangersagaq allanngortinneqarpoq, taamaalilluni maannakkut kommunalbestyrelsi kommunimi sumiiffiup ilaanut aalajangersakkanik pingaarnernik suliaqarnissamik taamaallaat pisussaaffeqalerluni. Tamatuma saniatigut kommunalbestyrelsip kommunimi sumiiffiup ilaanut aalajangersakkanik sukumiisumik suliaqarnissaq qinersinnaavaa, taamaattorli § 27, imm. 2 aamma 3. Oqaaseqatigiiliorneq nutaaq suliaqarnissamik suleriaatsimik atuuttumik allannguuteqartitsissasoq naatsorsuutigineqanngilaq.

Aalajangersakkap atuutilerneratigut aappaatigut kommunimut pilersaarutip ataatsimut isiginerullugu pilersaarusiorneqarnera aamma aalajangersagartai ataatsimut akuliutsinneqassapput, aappaatigut kommunip illoqarfiinut nunaqarfiinullu sumiiffinnut sukumiisumik aappaatigullu nunaannarmi nunaminertamik atugassiinissamut maleruagassiisoqassalluni.

#### Imm. 1-imut

Kommunalbestyrelsi kommunimut pilersaarummik, nassuiaammut immikkoortumik, pingaarnertut ilusiliinermut immikkoortumik, kommunip sumiiffiit ilaannut aalajangersagaannik kiisalu nunaminertanik atugassiisarnermut aalajangersakkanik imalimmik suliaqarnissamut pisussaaffeqarpoq.

Pilersaarusiornermi kommunimi suliarineqartumi taamaalilluni kommunip sanaartorfittut ineriartornissaanut tunngaviusut kiisalu aalajangersaanerit pillugit nassuiaasoqassaaq. Pilersaarusiorneq taamaattoq aningaasaqarnikkut naliliinernut kommunimilu isumalluutinik allanik atuinissamik isumaliutersuutitut ataqatigiisitseqqissaarluni suliarineqartariaqarpoq, ilanngullugu pisortat namminersortullu aningaasaliinerisa imminnut sunniuteqatigiinnerat.

Innuttaasunut inuussutissarsiutinullu ineriartortitsinermi anguniakkat kommunip sanaartorfissanik pilersaarusiornerni tunngavissatut ilaapput. Tamatuma kingunerisaanik

innuttaasunut inuussutissarsiutinullu ineriartortitsinermi anguniakkat tunngavissat pingaarnertut ilaattut, ataatsimoortumik naliliinermut, § 14-mi pilersaarutitut taaneqartunut tunngaviusussanut ilaatinneqartussat taaneqarput.

#### Imm. 2-imut

Kommunimut pilersaarut kommunalbestyrelsimit suliarineqartoq nassuiaataasumik immikkoortortaqaassaaq, pingaarnertut ilusilersugaassalluni, aalajangersakkanut immikkoortortaqaassalluni kiisalu kommunalbestyrelsip nunaminertanik atugassiisarnernanut aalajangersakkanik immikkoortortaqaassalluni.

- 1) Immikkoortoq nassuiaataasoq amerlanertigut imaqtartassaaq pilersaarutitut nassuiaammik, kommunip aningaasatigut sanaartorfissatigullu pilersaarutitortaninera qanoq oqimaatigiinnerannik nassuiaaviummik, kommunini suliaasaqartitut pilersaarutitortaninera arlalinnik illoqartitinnu nunaqartitinnu ataasiakkaani innuttaasut amerlassusaasa ineriartortaninera nassuiaaviummik, inuussutissarsiortaninera ineriartortaninera, kommunimi isumagininnermi paaqqinnittartitinnu killiffimmik nassuiaaviummik, kulturikkut mernguersarnikkullu periarfissanik, kommunimi pilersuinermit pissutsinik aammalu angallannermit pilersaarutitortaninera kiisalu kommunalbestyrelsip kommunip ineriartortaninera anguniagaannut imaluunniit pingaarnersuinerannut nassuiaataasumik.
- 2) Kommunimut pilersaarutit pingaarnertut ilusiligaanerani kommunimi sanaartorfissanik pilersaarutitortaninera ataatsimut eqikkaarneqassaaq. Aammattaaq pingaarnertut ilusiligaanerani illoqartitinnu ataasiakkaannut illoqartitinnu tunngatillugu atuuffiit, nunaannarmi nunaminertanik atugassiinerit, attaveqatigiinneq pingaarneq, illoqartitinnu ilaani sumiiffinni aalajangersimasuni assigiinnigitsuni nunaminertat atornerqarnerat pingaarneq kiisalu taakkua killilersorneqarnerat eqikkaaviummik pilersaarutitortaninera sinnaapput.
- 3) Immikkoortumi aalajangersakkanik imaqtartumi sumiiffiup ilaani aalajangersimasuni ataasiakkaani aalajangersakkanik pingaarnernik aalajangersaasoqassaaq. Aammattaaq aalajangersakkanik sukumiisunik aalajangersaasoqarsinnaavoq, takuuk imm. 3. Aalajangersakkani pingaarnerni sumiiffiup ilaanni aalajangersimasuni nunaminertat atornerqarnissaannut, aalajangersakkat Naalakkersuisut isumaqatigiissuteqartitigut atornerqarninera imaluunniit innersuussinerisigut aalajangersarneqartut kiisalu pissutsit pilersaarutitortaninera tunngaviummik imarisaannut tunngassuteqartut aalajangersarneqassapput. Tamatumunnga assersuutitigut atornerqarninera ineqartitinnu, umiarsualiviit aamma inuussutissarsiortitinnu, illoqartitinnu qeqqata, sumiiffiit mernguersarfittut atornerqartussat aamma sumiiffiit pilersuinermit teknikkeqartitinnu inissinneqartitinnu killeqartitinnu, killeqartitinnu immikkut killeqartitinnu aalajangersaavineqarneri kiisalu eriagissat eqqissimatitsivissallu pillugit aalajangersakkat.
- 4) Kommunimut pilersaarummi nunaminertanik atugassiisarnissamut aalajangersakkani, nunaminertanik qinnuteqaatit suliarineqartaninera, sanaartukkap teknikkikkut aningaasaqarnikkullu piviusungortinneqarsinnaanerannut uppersaasiinissamut piumasaqaatinik il.il., aalajangersakkanik aalajangersaasoqarsinnaavoq.

#### Imm. 3-imut

Aalajangersakkat sukumiisut illoqartitinnu annertussusissanik inissimaffissaanillu erseqqinnerusumik maleruagassanik imaqtartitinnu, ilanngullugit assersuutitigut sanaartorfissanik, aqqusineqartitinnu aqqusersuiffissaanillu immikkoortitineq, portussusissat ungasissusissallu kiisalu illut silataasa qanoq isikkoqarnissaat pillugit maleruagassat aamma sanaartorfissagissaanissamut attaviliisussaataaneq.

Tassunga atatillugu § 27, imm. 2 aamma 3 innersuussutigineqarput. Sumiiffiup ilaanut sukumiisumik pilersaarusiornissaq aallaaviatigut pinngitsaaliissutaanngilaq. Taamaatorli § 27-mi aalajangersagaqarpoq pisut ilaanni kommunip pilersaarusiornissamik pisussaaffeqalersinnaasoq, tassani kommunalbestyrelsi sumiiffiup ilaanut sukumiisunik aalajangersakkanik suliaqarnissamik pisussaaffeqarluni.

#### Imm. 4-imut

Naalagaaffiup aamma Namminersorlutik Oqartussat suliaqarfinnut inatsisai il.il., ilanngullugit nunani tamalaani isumaqatigiissutit, § 9 malillugu nuna tamakkerlugu pilersaarusiornermut malittarisassiat kiisalu sanaartorfissanik pilersaarusiornermi inuiaqatigiinni soqutigisat pingaarnert allattorsimaffiat § 5, imm. 3-imi taaneqartoq, kommunimut pilersaarusiornermut sinaakktissaavoq. Taamaattumik kommunimut pilersaarut pilersaarusiornermut tassunga akerliussanngilaq.

#### *§ 15-imut*

Aalajangersagaq oqaatsitigut allannguuteqartillugu kommunimut pilersaarusiorneq aamma nunaminertat atornerqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 5-imik ingerlatitseqqinneruvoq.

Aalajangersakkami aalajangersarneqarpoq, kommunimut pilersaarutip nassuiaatitaa killiffinnut nassuiaatinik, anguniakkanik kiisalu pilersaarusiornermut nassuiaatinik imaqassasoq.

#### Nr. 1-imut

Killiffinnut nassuiaatini kommunimi pissutsit pioreersut annertunerusumik nassuiarneqarnissaat siunertarineqarpoq, taamaattumillu tunngaviusumik siunissamut pilersaarusiornissamut tunngaviliisussaalluni. Killiffinnut nassuiaatit nalinginnaasumik nassuiaatinut immikkoortunut arlalinnut aggugaasarpoq, taakkunanilu assersuutigalugu kommunimi nunasseriaaseq, innuttaasut inuussutissarsiutillu katitigaanerat kiisalu sumiiffinni ineriartortitsineq, sanaartukkat pioreersut, illuaqqat inissiffissaat, sumiiffiit sanaartorfiusussaanningsut aammalu nunaannarmi allanngutsaaliuinissamik soqutigisat il.il. nassuiarneqarsimasarput. Allattukkat tamanut matussusiinngillat.

#### Nr. 2-imut

Anguniakkat allattorsimaffianni kommunimi tamarmiusumi ineriartortitsinissamut nunaminertanillu atuinissamut anguniakkanik pingaarnernik aalajangersaanissaq siunertarineqarpoq, taakkununngalu kommunimi sumiiffinni inissiiffissanut annertusaanissamullu anguniakkat ilaapput. Tamatumunnga atatillugu kiffartuussinerup pitsaassusia qanoq ittoq kissaatigineqarnerasoq allassimasariaqarpoq. Anguniakkat sapinngisamik aalajangersimasunut tunngatinneqartariaqarput, taamaalillutillu piffissami pilersaarusiorfiusumi nunaminertanik pisariaqartitsinerup, kiisalu pisortat sanaartorneranni pisariaqartitsinerup naliliiffigeqqinnissaanut tunngaviliisariaqarput.

#### Nr. 3-imut

Pilersaarutitut nassuiaasiortarnermi ilaatigut suliaqat aningaasaqarnikkullu pilersaarutit imminnut atasunnngortinneqarnerisa nassuiarneqarnissaa siunertarineqartarpoq, taamaattumillu kommunimi pilersaarutit piviusunnngortinnissaanut aningaasaqarnikkut tunngavissanik ersarissititsisartussaalluni. Taamatut ataqatigiissitsisarneq ukiumiit ukiumut allannngortarpoq, ilaatigut Inatsisartut aningaasaqarnermut inatsisaanni aammalu ilaatigut kommunit

ukiumoortumik missingersuusioneranni atugassiissutigineqartartut pissutaallutik. Tamanna tunngavigalugu ukiumoortumik pilersaarusionermut nassuiaat suliarineqarajuttarpoq. Suliaqarneq taanna kommunimi missingersuusionermut ingiaqatigitillugu pingajuttarpoq.

Pilersaarusionermut nassuiaatip aamma imaraa kommunimut pilersaarut qanoq pilersaarusionermut allamut inissinersoq pillugu nassuiaaneq, ilanngullugu nuna tamakkerlugu pilersaarusioneq aammalu namminersortumik inerisaanerit annertunerusut kiisalu kommunip maannamut pilersaarusiorsimaneq, ilanngullugit najukkamut aamma nunami sanaartorfiunngitsuni pilersaarutit pisoqaanerusut.

#### *§ 16-imut*

Aalajangersagaq kommunimut pilersaarusioneq aamma nunaminertat atornerarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 5-imik ingerlatitseqqinneruvoq.

##### *Imm. 1-imut*

Kommunimut tamarmiusumut kommunimi pilersaarutit ilusaata pingaarnep nassuiaammik killiffiit pillugit nassuiaat, inuiaqatigiit agguataarneqarneranni ineriartornissatut naatsorsuutigisat aamma nunasseriaatsimi naatsorsuutigisat ataatsimut eqikkarlugit naliliiffigineqarnerat tunngavigalugu aalajangersarneqassasoq, aalajangersakkami aalajangersarneqarpoq. Kommunini iluarsaaqqinnerup kingunerisaanik kommunini pilersaarusiortarnermi nunap aggornerisa nutaamik ilusilerneqarnera aalajangersakkamut tunngavigineqarpoq. Kommunimut ataatsimoortitsilluni ilusiliinermut pingaarnermut kommunimi sumiiffiit tamarmik ilaatinneqassapput.

##### *Imm. 2-mut*

Pingaarnermik ilusiliinermi kommunimi illoqarfiit, nunaqarfiit nunaannarmilu siunissami ineriartortitsinissamut pilersaarutit alajangersarneqarput. Taamaattumik kommunalbestyrelsiip anguniagaat tulleriaarinerallu, tak. § 15, pingaarnermik ilusiliinermi atortussanngortinneqarput. Tamanna tunngavigalugu ilusiliineq pingaarnep aamma kommunimi attaveqarnikkut siunissami ineriartortitsinnaanermut periarfissanik imaqsinnaavoq. Nunasseriaatsit allannorartuarnerat tamatumani tunngavigineqarpoq, aalajangersakkallu taassuma atunneratigut ilusiliussa q pingaarnep pisortat kiffartuussinikkut neqeroorutaannik il.il. ingerlaavartumik naleqqussaannissamut takorluukkanik imaqartinneqarsinnaanissaa periarfissinneqarpoq. Oqaaseq attaveqaatit matumani annertuutut paasineqassaaq.

#### *§ 17-imut*

Aalajangersagaq imamigut allannguuteqartinneqarluni kommunimut pilersaarusioneq aamma nunaminertat atornerarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 7-imik ingerlatitseqqinneruvoq.

##### *Imm. 1-imut*

Nassuiaammik immikkoortunut pilersaarutit tunngavigalugit kommunalbestyrelsi kommunimi illoqarfinnut nunaqarfinnullu ataasiakkaanut pingaarnernik ilusiliissasoq aalajangersakkami aalajangersarneqarpoq. Aalajangersakkami siunertarineqarpoq killiffinnut nassuiaatit aammalu anguniakkat il.il. kommunimut pilersaarutit nassuiaammik immikkoortuani takuneqarsinnaasut, illoqarfinni imalunniit nunaqarfinni ataatsimi nunaminertanik

atugassanngortitsinermut ataatsimut isigalugu taamaattorli kisianni aalajangersimasumut inissinneqassasut.

#### Imm. 2-mut

Aalajangersakkami kommunimi pilersaarummut ilusiliussami pingaarnermi, kommunimi pilersaarummi sumiiffiit ilaasa inissiffissaasa killileqarfissaasalu aalajangersarneqarnissaat aalajangerneqarpoq. Sumiiffiit ilaat, nalinginnaasumik nunap assingani aalajangersaaffigineqartartut, sumiiffiit atorneqarnerat eqqarsaatigalugu killilerneqassapput. Nr. 1-imiit 6-imut sumiiffiit assigiinngitsunut immikkoortiterneqarput. Immikkoortiterneq maannamut pilersaarusiortarnermi immikkoortiterinerup assigaa. Immikkoortiterinermi sumiiffiit atorneqarnerat pingaarneq allanneqarpoq, kisiannili sumiiffiup qanoq ittuunera ataatsimut isigalugu atuineq uniuutinngippat, nunaminertat allatut atorneqarnissaat mattunneqarani.

Aalajangersakkami nr. 6) nutaajuvoq kisiannili imarisamigut kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaanni nr. 7-imi, 26. februar 2009-meersumi § 7, imm. 3 nr. 3-imut assingulluni. Aalajangersakkami aalajangersarneqarpoq illoqarfinni aamma nunaqarfinni sumiiffiit ilaanni immikkoortitsinermut atatillugu sumiiffiit ilaasa atorneqalernissaat imaluunniit allilerneqarnissaat aalajangersimasumik tullerriaartunngorlugu aalajangersarneqassasoq. Aalajangersakkami tassani siunertaavoq sumiiffiit ilaasa initussusaannik tulluurtumik atorluanaanissap qularnaarneqarnissaa aammalu kommunalbestyrelsi taamaalilluni illoqarfimmi imaluunniit nunaqarfimmi sumiiffiup ilaani initussutsimi sinneruttumut atorneqanngitsumut innersuussilluni nunaminertamik qinnuteqaammik itigartitsisinnaassaaq.

#### § 18-imut

Aalajangersagaq nutaajuvoq, tassanilu nunami ammaannartumi nunaminertanik atuinerup immikkoortiterneqarnissaa siunertarineqarpoq.

#### Imm. 1-imut

Nunamut ammaannartumut ilusiliussaq pingaarneq nassuiaammi immikkoortunut pilersaarutit ataatsimut eqikkarlugit naliliiffigineqarneri, aamma nuna tamakkerlugu pilersaarusiortarnermi soqutigisanut killiliussassatut tunngaviliussat tunngavigalugit aalajangersarneqassaaq.

#### Imm. 2-mut

Kommunimi pilersaarutip ilusiligaanerani pingaarnermi sumiiffiit ilaasa ataasiakkaat atorneqarnerat pingaarneq eqqarsaatigalugu inissiiffissat killiliussallu aalajangersarneqarput. Pineqartut uku sumiiffinnut atugassiiffiusinnaapput:

- 1) sumiiffiit sunngiffimmi illuaqqanut illunullu aasarsiortarfinnut il.il. atorneqartut. Immikkoortumi tassani pineqarsinnaasut tassaapput illoqarfiit nunaqarfiillu inerutitinneqarsimasut, kiisalu sumiiffiit illunut aasarsiortarfinnut, sunngiffimmi illuaqqanut takornarianullu illuaqqanut atugassanngortinneqarsimasut.
- 2) sumiiffiit immikkut sukisaarsaartarfittut atorneqartut, taakkununnga ilanngullugit illoqarfiit nunaqarfiillu il.il. avataanni sisorariartarfiit, lejrskolit, akunnittarfiit
- 3) sumiiffiit savaateqarfinnut, nunalerinermut, immamik atuinermut orpippassuarnillu naatitsinermut, qimmeqarfinnut il.il. atorneqartut. Immikkoortumi tassani sumiiffiit, nunaminertamik annertuumik atuinermut, nunaminertamik atuinermit nalinginnaasumit annertunerusumik atorneqartunut immikkoortinneqarsimasut kisimik pineqarput.

4) sumiiffiit teknikkeqarfittut attaveqarnermullu il.il. atorneqartut. Immikkoortumi tassani inuussutissarsiornermut atatillugu nunaminertanik atuinerit isumalluutinik uumassusilinnik aallaaveqanngitsut pineqarput, taakkununga ilaallutik erngup nukinganik innaallagissiorfiit, suliffeqarfiit pilersuisut tunisassiorfullu allat il.il.

5) sumiiffiit atorneqartussanngitsut. Suussuseq taanna pingasunngorlugu agguarneqarpoq:

a) sumiiffiit ivigartorfiusussatut immikkoortitat, soorlu savanut aamma tuttunut nujuitsunut ivigartorfiusussat.

b) sumiiffiit atugassiissutigineqanngitsut, nunaminertat allatut atorneqartussanngorlugit immikkoortitaanngitsut.

c) Inuilaarsuaq, tassaasoq pinngortitami sumiiffik innarlerneqanngitsoq suliarineqarsimasumit minnerpaamik fem kilometerisut ungasissusilimmiittoq. Suliarineqarsimasoq tassaasinnaavoq:

- Illoqarfiit nunaqarfiillu sumiiffiat.
- Sumiiffiit sunngiffimmi illuaraqarfiusut aamma aasarsiorfarinnik illoqarfiusut il.il.
- Sumiiffiit mernguersarfiusutut iluseqartut.
- Sumiiffiit savaateqarfissatut, nunaateqarfissatut, imaani atugassatut, orpippassuaqarfittut, qimmilivissatut il.il. immikkoortitaasut.
- Sumiiffiit teknikkeqarfiusut aamma attaveqaateqarfiusut il.il.

Inuinnaat aqquaat aamma aqquataasartut annikinnerusut suliarineqarsimasutut isigineqartanngillat.

Imm. 3-mut

Aalajangersagaq nersutaateqarnermut nunaminertanik atugassiisarnermut atatillugu pissutsinut immikkut ittunut tunngasuvoq, aammalu imamigut allannguuteqartinneqarluni Kalaallit Nunaanni savaateqarnermut nunaminertanik atugassiisarneq pillugu Kalaallit Nunaannut Ministereqarfiup nalunaarutaani nr. 358-imi, 27. juli 1979-imeersumi § 2, imm. 4-mik ingerlatitseqqinnerulluni.

Aalajangersakkami aalajangersarneqarpoq annertuumik ivigartorfissatut nunaminertanik atuisoqassanngitsoq, tamanna kulturikkut eriagisassanut inatsimmi aalajangersakkanut akerliusimappat. Tassani nunaminertamik atugassiineq, kulturikkut eriagisassanik eqqissititsinissamut allatigullu kulturikkut kingornussassanik illersuinissamik Inatsisartut inatsisaanni itsarnitsanik eqqissimatitsinissaq pillugu aalajangersakkanut akerliunera pineqarajuttarpoq.

### *§ 19-imut*

Aalajangersagaq imamigut allannguuteqartinneqarluni kommunimut pilersaarusionerq aamma nunaminertat atorneqarnerat pillugit Namminersornerullutik Oqartussat nalunaarutaanni nr. 7-imi, 26. februar 2009-meersumi § 7, imm. 3-mik aamma imm. 4-mik ingerlatitseqqinneruvoq.

Aalajangersakkap oqaasertaa, kommunimi pilersaarusionerq oqartussaasup nammineerluni killeqarfiit piumasaqaateqarfiusut aalajangersartussaannikkai erseqqissarniarlugu allanngortinneqarpoq. Allannguutaasoq aalajangersakkap inatsisitigut imarisaanut sunnuteqassanngilaq.

Imm. 1-imut

Sumiiffiit ilaannut aalajangersaanermi makku eqqarsaatigineqarnissat aalajangersakkami malitassiorneqarpoq:

- 1) Killeqarfiit piumasaqaateqarfiusut. Killeqarfiit piumasaqaateqarfiusut nalinginnaasumik inatsimmi allami maleruagassiorneqarsimasarput, taakkulu nalinginnaasumik § 5, imm. 3 naapertorlugu inuiaqatigiinni soqutigisat pingaernerit allattorsimaffianni takuneqarsinnaapput. Taamaattumik killeqarfiit akuerisaasut killilerneqarnerannut naalagaaffimmi suliasaqarfinnut akisussaasuullutik oqartussaasut imaluunniit Namminersorlutik Oartussani oqartussaasut isumagisassaraat. Assersuutigalugu qaartartuusiviit, mittarfiit aamma tankeqarfiit il.il. eqqaanni piumasaqaateqarfiusunik killeqarfiliisoqarsinnaavoq.
- 2) Eriagisassatut soqutigisaat, taakkunungalu illut eqqissisimatitat eriagisassallu, illoqarfiit ilaat kulturikkulu eqqaamasat, nunat kulturikkut eriagisassat, pinngortitami sumiiffiit eqqissisimatitat, nunami ammaannartumi sumiiffiit piumasaqaateqarfiusut, soorlu sumiiffiit eqqissisimatitat aamma qaqqat timmiaqarfiit ungasissusissaannut piumasaqaatit il.il.

### *§ 20-imut*

Aalajangersagaq kommunimut pilersarusiorneq aamma nunaminertat atorneqarnerat pillugit Namminersornerullutik Oqartussat nalunaarutaanni nr. 7-imi, 26. februar 2009-meersumi § 8-mik imarisamigut annikinnerusumik allannguuteqartinneqarluni ingerlatitseqqinneruvoq. Sumiiffiup ilaata atorneqarnissaanut siunertaasoq taamaalilluni aalajangersakkanut pingaarnernut allattuiffimmut ilanngunneqarpoq.

Kommunini illoqarfinni, nunaqarfinni nunamilu ammaannartumi ilusiliaasut pingaernerit sumiiffiit ilaannut ataasiakkaanut pingaarnernik aalajangersaanikkut aalajangersakkat ersarissarneqassapput. Aalajangersakkat pingaernerit kommunit § 21 naapertorlugu nassuiaasersukkanik pilersarusiornissaannut, kiisalu kommunit nunaminertanik ingerlatsinerannut tunngaviliisussaapput.

Sumiiffiup ilaanut pineqartumut tunngatillugu kommunalbestyrelsi aalajangersakkanik, pissutsit normu 1)-imiit 10)-mut eqqarsaatigalugit imaluunniit taakku malillugit maleruagassiat eqqarsaatigalugit aalajangersaassaaq. Aalajangersakkat pingaernerit pilersaarutip tunngaviusumik imassaanut atorneqassapput, taakkulu kommunalbestyrelsip saneqqunneqarnissaat akuersissutigisinnaanngilaa. Tamatumani minnerunngitsumik pissutsit, nr. 1)-imi, 2)-imi, 5)-imi, 6)-imi aamma 10)-mi taaneqartut pineqarput.

Killeqarfiit piumasaqaateqarfiusut il.il. aalajangersakkat pingaernerit ilaattut ilaanerannut tunngaviuvoq, nuna tamakkerlugu pilersarusiortarnermi soqutigisat eqqarsaatigineqarnissaasa qulakkeerneqarnissaa.

Aalajangersakkami imm. 1, nr. 1 nutaajuvoq. Sumiiffiup ilaanut siunertaasoq siusinnerusukkut kommunip pilersaarutaani aalajangersakkani nassuiaasersukkani takuneqarsinnaasarpog. Siunertat pilersaarummi tunngavissat ilaannaannut tunngasuummat, tamanna pillugu aalajangersakkap aalajangersakkanut pingaarnernut nuunneqarnissaat naleqqutsinneqarsimavoq. Tassani pineqartut nalinginnaasumik tassaapput immikkoortitigassat, §§ 17 aamma 18 malillugu kommunimi pilersaarutip ilusiligaanerani pingaarnermi siunnerfigineqartut erseqqissarneqarnissaat.

Imm. 2-mut

Kommunalbestyrelsip suliamik naamassinninnissaanut immikkut suliuniuteqarnissaq, akuersissummik peqarnissaq, akuersissuteqartoqarnissaa imaluunniit saneqqutsinissamik oqartussaasunit allanit akuersissuteqartoqarnissaa pisariaqartinneqarpat, tamanna aalajangersakkani pingaarnerni imm. 1 malillugu allanneqartussaasoq aalajangersakkami

aalajangersarneqarpoq. Tassani piumasaqaatit atuuttut ataatsimut eqqarsaatigineqanngillat, kisiannili assersuutigalugu nunaminertamik atugassiinissamik pilersaarutaasumi mingutsitsisimanermik misissuisoqarnissaa, nunaminertamik mingutsinneqarsimasumik saliisoqarnissaa imaluunniit inatsimmi allami aalajangersarneqarsimasumik killeqarfinni piumasaqaateqarfiusuni saneqqutsinissamik akuersissuteqartoqarnissaa il.il. pillugu aalajangersimasumik piumasaqaateqarnissaq tassani eqqarsaatigineqarput.

#### § 21-mut

kommunimut pilersaarusionerq aamma nunaminertat atornerarnerat pillugit Namminersornerullutik Oqartussat nalunaarutaanni nr. 7-imi, 26. februar 2009-meersumi § 9-mik allanngortitsivoq. Aalajangersakkamut maannamut atuuttumut naleqqiullugu aalajangersakkanit sukumiisunit ”sumiiffiup ilaata atornerqarnissaanut siunertaasoq” peerneqarpoq. Tamatuma saniatigut aalajangersakkami imm. 1-imi ilanngunneqarpoq, sumiiffiup ilaa illuliortiternermut kommunalbestyrelsip nukimmik annikitsumik atuiffiusumik illuliortiternissamik piumasaqaataanik aalajangersaaviusumik naammassinnittumut atugassiisoqarsinnaasoq.

#### Imm. 1-imut

Pissutit, kommunimut pilersaarummi sumiiffiup ilaanut aalajangersakkanik nassuiaasersukkanik maleruagassiorfiusunik aalajangersaaffigineqarsinnaasut aalajangersakkami maleruagassiorneqarput. Nr. 1-imiit 9-mut taamaallaat avatangiisini pissutsinut tunngasuupput. Tassalu eriagisassatut soqutigisat pigiinnarneqarnissaat nr. 8-mi aamma 9-mi taaneqartut maleruagassiornermi taamaallaat atornerqarsinnaapput, sumiiffik pineqartoq illunik atortunillu allanik sanaartorfigineqassanngippat, kisiannili assersuutigalugu tassani sumiiffiit tamanit tikinneqarsinnaanerit il.il. maleruagassiornissamut tunngaviliisoqanngilaq.

Aalajangersakkami nr. 13 nutaajuvoq, taannalu malillugu sanaartukkat nutaat kommunalbestyrelsip nukimmik annikitsumik atuiffiusumik illuliortiternissamik piumasaqaataanik naammassinnittuussapput. Taamaattorli illuliortiternermi minnerpaamik piumasaqaatit illuliornermut malittarisassani kapitali 8-imi aalajangersagaasut malinneqassapput. Taamaalilluni aalajangersarneqarsinnaavoq sumiiffimmi nutaamik illuliortiternermi minnerpaamik kissamik maangaannartitsinermut imaluunniit nukimmik atuinermut anguniakkat aalajangersimasut tikillugit naammassinniffiussasoq. Aalajangersakkami siunertaavoq nukimmik annikitsumik atuisunik illuliortiternissap siuarsarneqarnissaa, taamaalillunilu nukimmik atuinermik annikillisitsinissaq, peqatigisaanillu illuliortiternermi pitsaassutsip siuarsarnissaa.

Aalajangersakkat ersarissuusariaqarput eqqortuusariaqarlutillu, aammalu pingaartumik pissutsinut malitassatut nalinginnaasutut ilusilernerqarsimasariaqarlutik, tassalu allassimanerani suut inerteqqutaannginnersut aammalu suut sumiiffiit ilaanni taaneqartumi inerteqqutaanersut ersarissumik takuneqarsinnaasariaqarpoq. Aammali aalajangersakkami imm. 1, nr. 7-imi oqaasertaliussaq pisut ilaanni oqarsinnaatitaaffimmi malitassap ilusilernerqarnissaanut, tassalu kommunalbestyrelsip tungaaniit sulianut aalajangersimasunut naliliisoqartarnissaanik siunnerfeqarnermut tunngaviliivoq.

Aalajangersakkami kommunalbestyrelsip aalajangiinera pilersaarutinut tunngaviusuni ataatsimoortuni aalajangersakkanut aalajangersarneqarsimasunut naapertuutinnngippat § 50-



imi immikkut ittumik akuersissuteqartarnermi suleriaatsimik nassuiaatigineqartumik kommunalbestyrelsip ingerlatsinissaa pinngitsoortussanngortinneqanngilaq.

#### § 22-mut

kommunimut pilersaaruseriorneq aamma nunaminertat atorineqarnerat pillugit Namminersornerullutik Oqartussat nalunaarutaanni nr. 7-imi, 26. februar 2009-meersumi § 10-mik ingerlatitseqqinneruvoq.

Kommunimut pilersaarummi kommunalbestyrelsip nunaminertat atugassiissutigisimasaanut arlalinnik aalajangersaasoqarsinnaasoq aalajangersakkami aalajangersarneqarpoq. Aalajangersakkani kommuni tamarmiusoq ataatsit aalajangersarneqartussaavoq, kisiannili kommuni illoqarfinnut, nunaqarfinnut imaluunniit sumiiffiit ilaannut ataasiakkaanut aalajangersakkanik immikkut ittunik illassuserneqarsinnaallutik. Tassalu nunaminertanik atugassinneqarnissamut qinnuteqaatit sunik imaqaassanersut, qinnuteqaatit qanoq suliarineqassanersut, piumasaqaatit nalinginnaasut suut assersuutigalugu inissiaqarfinni nunaminertanik atuinissamut atuutinneqassanersut aalajangersakkani maleruagassiorneqarsinnaavoq.

#### Imm. 2-mut

Kommunimut pilersaarummi nunaminertanik atugassiisarnermut aalajangersakkani qinnuteqaatit tunngaviusumik assigiimmik suliarineqartarnissaasa, kommunimut pilersaaruseriornermi anguniakkat piviusunngortinneqarnissaasa aammalu sanaartorfissagissaanermut aningaasartuutaasinnaasut agguarneqartarnissaasa kiisalu illoqarfiup ineriartorneranut aningaasaqarnikkut pissutsit allat pingaaruteqartut qulakkeerneqarnissaat aalajangersakkami aalajangersarneqarpoq. Kiisalu sanaartorfissagissaasoqassappat aningaasartuutissanik, kiisalu aningaasaqarnermut tunngassuteqartunik sanaartornikkut illoqarfimmik ineriartortitsinermut pingaaruteqartunik, ilanngullugit nunaminertanik ataatsimoorfiusussanik pilersitsinerit, biilnut unittarfiit, pinnguarterfiit il.il., Sanaartorfissagissaanermut tunngatillugu suliaassanik nammagassanillu isumaqatigiisummi 01. januar 1998-immersumi (sanaartorfissagissaanermut isumaqatigiisut) pineqartunut ilaangitsut. Naalakkersuisoqarfik maannakkorpiaq sanaartorfissagissaanermut inatsimmik suliaqarpoq, Inatsisartut 2010-imi ukiaanerani ataatsimiinneranni (UKA2010) akuersaarneqartussatut naatsorsuutigineqartumik.

#### § 23-mut

Aalajangersagaq pilersaaruseriorneq aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-imeersumi § 15-imut naleqqiullugu allannguuteqartitsivoq. Aalajangersakkami pineqarpoq kommunimut pilersaarutissatut siunnersuutininik tamanut saqqummiussisarnissamik pisussaaffeqarneq.

#### Imm 1-imut

Aalajangersakkami kommunimut pilersaarutissatut siunnersuutit tamanut saqqummiunneqarnissaannut minnerpaamik piumasarineqartut aalajangersarneqarput. Aalajangersakkap tunuliaqutarivaa innuttaasut siunnersuutip oqalliseqataaffiginissaanut aammalu akerliliissuteqarnissamik allannguutissanillu siunnersuuteqarnissamik periarfissaqarnissaasa qularnaarneqarnissaa. Kommunilbestyrelsip kissaatigippagu, kommunimut pilersaarutissatut siunnersuutip kommunilbestyrelsimit atuutilertussangorlugu akuersissutigineqannginnerani tamanullu saqqummiunneqannginnerani, kommunimut

pilersaarusionerermut apeqqutitut pingaarnernut tunngatillugu tamanut oqallitsitsisoqarsinnaavoq.

#### Imm. 2-imut

Aalajangersakkami siunertarineqarpoq ikinnerussuteqartut isummernerisa kommunimut pilersaarutissatut siunnersuummut atatillugu saqqummiunneqarnissaannik, taamaalillunilu innuttaasut oqalliseqataaneranni ilaatinneqarnissaannik, qularnaarinissaq.

#### Imm. 3-imut

Kommunimut pilersaarutissatut siunnersuut kommunip nittartagaani imaluunniit NunaGIS-imi minnerpaamik sapaatit akunnerini 8-ni tamanit takuneqarsinnaassaaq. Tamanut saqqumtitsinissamat piffissarititaasup sivisussusissaa pillugu aalajangersakkami minnerpaamik piumasaqaat aalajangersarneqarpoq. Tamanut saqqumtitsinissamik piffissaliussap sivisussusissaata aalajangersarneqarnerani, kommunimi pilersaarusionerermut oqartussaasut, aammattaaq sulinngiffeqarnerit ullullu nalliuttut eqqarsaatigisariaqarpaat.

Pilersaarutissatut siunnersuutip kommunip nittartagaani aamma/imaluunniit qarasaasiaq atorlugu nunami sumiiffinnut tamanut paasissutissanik katersuiffimmi saqqummiunneqassaaq, taamaalilluni kommunimut pilersaarutissatut siunnersuut kikkunnit tamanit takuneqarsinnaasunnagortinneqassaaq.

Aalajangersakkami kikkunnut tamanut takusassiinissamat piffissarititaasup sivikinnerpaaffissaatut piumasaqaat pilersaarutissatut siunnersuuteqarnermi eqquutsinneqarnerisooq pillugu apeqqut apeqqutaavoq inatsisinut tunngasoq, § 56, imm. 2 malillugu naammagittaalliuutigineqarsinnaasoq. Kikkunnut tamanut takusassiinissamat piffissarititaasup sivisussusaani sivikinnerpaaffissaatut piumasaqaat unioqquatinneqarsimappat, tamanna kommunimut pilersaarutip imaluunniit kommunimut pilersaarummut tapiliussap pineqartup atortussaangitsutut isigineqartussanngorneranik kinguneqartussaasussaavoq.

#### Imm. 4-imut

Oqaaseqaateqarnissamat akerliliissuteqarnissamullu piffissarititaasooq tamanut saqqummiussinermi ersissaaq. Tamanna pigajuttarpoq tusarniaanermi piffissarititaasooq pilersaarutissatut siunnersuummut ilanngunneqarneratigut.

#### Imm. 5-imut

Siunnersuut pillugu innuttaasunik oqallitsitsilernissaq siunertaralugu kommunalbestyrelsi paasititsiniaanermik ingerlatsissaaq. Paasititsiniaaneq tamanna naleqqunnerpaamik qanoq pisinnaassanersoq kommunalbestyrelsip nammineerluni aalajangissavaa. Tamanut saqqummiussineq taamaattoq kommunimi nalinginnaasumik pisartutut ingerlanneqassaaq. Assersuutigalugu tamanna pisinnaavoq quppersakkanik agguaassinikkut, innuttaasunik ataatsimiisitsinikkut, najukkami tusagassiuutit radio aamma najukkami TV il.il. aqutugalugit, kommunip nivinngaaviini allagarsiinikkut il.il.

#### Imm. 6-imut

Kommunimut pilersaarutissatut siunnersuutip kommunimi innuttaasunut saqqummiunneqarneranut peqatigitillugu siunnersuut Naalakkersuisunut oqartussanullu, imm. 7 naapertorlugu nassiussivissatut allattuiffimmi allassimasunut nassiunneqassaaq. Tamatumuuna siunertaavoq Naalakkersuisut kommunalbestyrelsip pilersaarusioneremi isumaliutersuutaannik siusissukkut ilisimaarinnilernissaannik qularnaarinissaq. Taamaalillutik

Naalackersuisut piffissaq tamanut saqqumtitsiffiusoq naatinnagu oqaaseqarnissaminnut periarfissaqassapput.

Pilersaarutissatut siunnersuutip “tamanut saqqummiussinerup peqatigisaanik” Naalackersuisunut aamma oqartussanut kommunimut pilersaarutissatut siunnersuutikkut immikkut sunniuteqarfigineqartussanut nassiunneqartussaanerata malitsigisaanik, nassiussinngitsoornermi imaluunniit kingusinaartumik nassiussinermi, § 24 naapertorlugu siunnersuutip inaarutaasumik kommunalbestyrelsimit akuersissutigineqarsinnaanissaanut, imm. 3 naapertorlugu piffissarititaasoq oqartussaasunut pineqartunut tunngatillugu taamaaqataanik sivitsorneqassaaq.

Til stk. 7

Naalackersuisut pisussaapput oqartussaasunut, kommunimut pilersaarusiornermut soqutigisaqarsinnaasutut isumaqarfigineqartunut atorneqartussamik allattuiffimmik suliaqassallutik ingerlaavartumillu iluarsaassisassallutik. Aalajangersagaq imm. 6-imut atasutut isigineqassaaq, taannalu malillugu kommunit pisussaapput, kommunimut pilersaarusiassatut siunnersuutit oqartussaasunut, kommunimut pilersaarusiassanik siunnersuutinut immikkut attuumassutilinnut nassiutissallugit. Nassiussivissat allattorsimaffiat kommunini pissarsiarineqarsinnaassapput.

Imm. 8-imut

Kommunalbestyrelsi kommunimut pilersaarutissatut siunnersuutip assilineranik tunniussinermi akitsuummik akiliisisinnaavoq. Akitsuutip annertussusaa kommunimut pilersaarutissatut siunnersuutip ataasiakkaanik assilineranik suliaqarnermut atatillugu aningaasartuutaasimasunit annertunerussanngilaq.

#### *§ 24-mut*

Aalajangersakkap oqaasertaliornera pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 16-imut naleqqiullugu allanngortinneqarpoq. Taamaalilluni erseqqissarneqarpoq pilersaarutissatut siunnersuummi allannguutit pingaarutillit nutaamik tamanut saqqummiunneqarnissaat pisariaqartoq. Oqaaseqatigiinni allanngortitsineq taanna suliaasaqarfimmi suleriaatsimik allannguuteqartitsinngilaq.

Imm. 1-imut

Tamanut saqqumtitsinissamut piffissaliussap naanerata kingorna kommunalbestyrelsip pilersaarutissatut siunnersuut suliaqqillugu inaarutaasumik akuerisinnaavaa. Tamatumunnga atatillugu kommunalbestyrelsi piffissaq eqqorlugu oqaaseqaatinut/akerliliissutinut tiguneqarsimasunut isummissaaq.

Imm. 2-imut

Kommunalbestyrelsip tassunga atatillugu siunnersuut saqqummiunneqarsimasooq allanngortissinnaavaa. Allannguutit pingaaruteqannginnerusut tamanut tusarniaasoqaqqinngikkaluartoq kommunalbestyrelsimit suliarineqarsinnaapput. Attuumassuteqartut allannguutinut toqqaannartumik kalluarneqartut ilisimatinneqassat kommunalbestyrelsi aalajangiisinnaavoq. Tamannali piumasaqaataanngilaq. Allannguutit pingaaruteqarpata kommunalbestyrelsip siunnersuut akerliliissuteqarnissamut sapaatit akunnerinik sivikinnerpaamik 6-nik piffissalerlugu tamanut saqqummiuteqqissavaa.

Allannguutit saqqummiuteqqinneqartariaqarnersut naliliinermi, allannguutininik ilisimaarinnilernissamut periarfissaqarnissaq innuttaasunut soqutiginaateqarnersaq aallaavigineqassaaq. Allannguutit pilersaarutaaqqaartup tunngaviatigut imarisaanut akerliusut, assersuutigalugu sumiiffiup ilaani aalajangersimasumi atuinissamik aalajangersakkanik, nunami sumiiffimmi killeqarfinnut, sumiiffiup inittussusianik allannguinerit kiisalu illuliortiternermut malittarisassiisunik aalajangersakkanik allannguinerit taamaalilluni tamanut saqqumitinneqannginnissaat pisariaqassaaq. Taakkua pissutsinik pisimasinnaasunik tamakkiisuusutut isigineqanngillat, allanik annertuutut isigineqartariaqartunik, taamaattumillu pilersaarutissatut siunnersuutip tamanut saqqumiteqqinneqarnissaanik pisariaqartitsiviusunik pisoqarsimasinnaammat. Tamatumunnga pilersaarutissatut siunnersuummut tunngatillugu pisuni ataasiakkaani naliliineq apeqquataassaaq.

#### *§ 25-imut*

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 17-imik ingerlatitseqqiineruvoq.

#### *Imm. 1-imut*

Kommunalbestyrelsip pilersaarutip inaarutaasumik akuersissutigineqareernerani, pisariaqanngitsumik kinguarsaanertaqanngitsumik, kommunimut pilersaarummik nalunaarut tamanut saqqummiutissavaa. Siunnersuummut tamanut saqqummiunneqarsimasumut naleqqiullugu allannguuteqartitsisoqarsimanersaq nalunaarummi tamanit takuneqarsinnaasumi takuneqarsinnaassaaq.

Tamatumani siunertaavoq innutaasut kommunimut pilersaarutip imarisaanik ilisimaarinnilersinnaanisaat taamaalillunilu sanaartorfissanik pilersaarusionerq qanoq iliornikkut piviusunnagortinneqassanersaq paasinnissinnaalissallutik.

#### *Imm. 2-imut*

Kommunimut pilersaarutissatut siunnersuutip tamanut nalunaarutigineqarneranut peqatigitillugu kommunimut pilersaarutissatut siunnersuut Naalakkersuisunut aamma oqartussanut pilersaarutissatut siunnersuummik § 23, imm. 6 naapertorlugu tamanut saqqummiussinermut atatillugu pilersaarutissatut siunnersuummik nassiussivigineqartunut nassiunneqassaaq. Tamatumani siunertaavoq tusarniaaffiusut inuiaqatigiinnut soqutiginaatillit pingaaruteqartut suliaasaqarfimmi akisussaaffigisaminniittut, kommunimut pilersaarusionerminni isumagineqarnerisa misissorsinnaanissaannut tamatumuuna periarfissinneqarnissaat.

#### *Imm. 3-imut*

Nunami sumiiffinnut paasissutissanut internettikkut aaqqissuuseriaatsimi pilersaarusiata tamanut saqqummiunneqartut ilanngunneqartarnissaannut pisussaaffik pillugu aalajangersakkami internettikkut pilersaarusiannut katersuiffimmik pilersitsinissamut qulakkeerivoq. Pilersaarutip tamanut nalunaarutigineqarneranut atatillugu pilersaarutip qarasaasiaq atorlugu nunami sumiiffinnut tamanut paasissutissanik katersuiffimmut nalunaarutiginnissaa kommunalbestyrelsip taamaalilluni pisussaaffigaa.

#### *Imm. 4-imut*

Aalajangersakkami siunertarineqarpoq pilersaarusiassatut siunnersuutit § 24 naapertorlugu inaarutaasumik akuerineqarsimasut aamma tamanut ammasumik saqqummiunneqartarnissaasa qulakkeerneqarnissaa, taamaalilluni kikkut tamat pilersaarusiata

imarisaannik paasinnissinnaalissallutik. Tamatumunnga tunngaviusoq nunami sumiiffimmut pineqartumut ataatsimut kommunip arlalinnik qinigassiilluni pilersaarutissatut siunnersuorsiinnaanera. Tamanut nalunaaruteqarnissamut piffissaliussisoqanngippat tamatuma kingunerissavaa, qanoq inatsisitigut sunniutaagallartut atuutissanersut, pilersaarut tunngavissaq sorleq atuuttussatut naatsorsuutigineqassanersoq kiisalu maleruagassiinerit suut tassani aalajangersarneqarsimanersut pillugit innuttaasut ilisimaarinnilersinnaanngillat. Pilersaarutissatut siunnersuutip tamanut nalunaarutigineqarnissaanut piffissaliussinermi qulakkeerniarneqarpoq, pilersaarutissatut siunnersuut kommunalbestyrelsip inaaruataasumik akuersinerata kingorna kingusinnerpaamik sapaatit akunneri 12-it qaangiunneranni tamanut nalunaarutigineqanngippat pilersaarutissatut siunnersuut atorunnaassasoq.

#### *§ 26-imut*

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 18-imik ingerlatitseqqiineruvoq.

Kommunimut pilersaarusiorneq tassaavoq pilersaarusiornermik suliaqarneq ingerlaavarteq. Taamaattumik kommunalbestyrelsi pisussaavoq, pilersaarutit tunngaviusussat pisoqalinninnissaat imaluunniit amigalinninnissaat eqqarsaatigalugu, pisariaqartinneqarpat kommunimut pilersaarut nutartertassallugu.

Oqariaatsimut “pisariaqalernerani” tunngatillugu kommunalbestyrelsimit ataasiakkaatigut naliliineq apequtaassaaq. Peqqussut pilersaarusiornep inatsisitigut aalajangersakkamik kaaviiartumik ingerlanissaanut aalajangersakkanik imaqaanngilaq. Taamaattumik piffissap ingerlanerani kommunimut pilersaarummi qulequtakkaartumik aammalu nunami sumiiffikkaartumik allannguinerpassuit pilersinnaapput.

#### *Imm. 2-imut*

Tamakkiisumik paasiuminartitsiinnarnissaq eqqarsaatigalugu, annertuunik imaluunniit uteqattaartunik allannguuteqartitsereernermi, pilersaarutit tunngaviusussat atuuttut ataatsimoortunngorlugit allassimalersinnissaat kommunalbestyrelsip pisussaaffigaa. Ataatsimoortunngorlugit allassimalersitsinermi pilersaarusiornermut oqartussat, pilersaarutit tunngaviusussat atuutilernerisa kingorna nuna tamakkerlugu pilersaarusiornermut soqutigisaasinnaasut eqqarsaatigissavaat.

Allannguutit annertunerusut pineqarneranni tamanna paasineqassaq tassaasut assersuutigalugu illoqarfiup ilaani nutaami piorsaanerit, suliffeqarfinnik angisuunik tunngaviatigut illoqarfimmi inuussutissarsioriaatsimik allannguisunik sanaartornerit, innuttaasut amerlassusaanni ineriartornermi allannguutit annertuut, inissianik, pisortani paaqqinniffinnik, pisiniartarnissamut periarfissanik assigisaannillu pisariaqartitsinermut sunniuteqartut.

Ataatsimoortunngorlugit allassimalersitsineq kommunimut pilersaarutaaqqaartutulli aammalu tassunga atasumik kommunimut pilersaarummut tapiliussatulli inatsisitigut inissisimannngilaq. Taamaattumik allaffissornikkut ataatsimoortunngorlugit allassimalersitsinerit inatsisitigut tunngavigineqarsinnaanngillat.

#### *§ 27-mut*

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 19-imut naleqqiullugu arlalitsigut

allannguuteqartitsivoq. Taamaalilluni imm. 5 nutaaq ilanngunneqarpoq, tassani aalajangersarneqarluni kommunimi pilersarusiornissamik pisussaaffik atorunnaarsinnaasoq, tamatumani aalajangersakkat sukumiisut inatsimmi allami aalajangersarneqarsimappata.

#### Imm. 1-imut

Aalajangersakkami pineqarpoq kommunalbestyrelsip pilersarusiorsinnaatitaanera. Aalajangersagaq tamanna naapertorlugu kommunalbestyrelsi sumiiffiup ilaani aalajangersimasumi maleruagassaqalernissaanut sukkulluunniit nammineerluni suliniuteqarsinnaavoq, tamatumalu malitsigisaanik qaqugukkut maleruagassat suliarineqassanersut kommunalbestyrelsi nammineerluni aalajangiisinnaasoq pingaarnertut maleruagassaavoq.

Taamaattorli sumiiffiit ilaannik nutaanik atuilernermi allilerinermilu tulleriinnilersuinermi immikkoortumi nassuiaasumi tulleriinnilersuinissaq aalajangersarneqartoq, tak. § 14, imm. 3 kiisalu nuna tamakkerlugu pilersarusiornermut atatillugu aalajangiussat nalunaarutigineqartut malinneqassapput.

Kommunimut pilersaarutit kommunalbestyrelsip ingerlaavartumik pilersarusiornermik suliaqarnissaq tunngavigalugu suliarisassai tassaapput sanaartorfissanik pilersaarutit paasiuminartut, tassalu pilersaarutit pingaartumik kommuneqarfimmi nunaminertat atorneqarnissaannik aammalu illuliortitertarnissat pillugit aalajangersaaffiusut.

#### Imm. 2-imut

Aalajangersakkani kommunalbestyrelsip inuiaqatigiinni soqutigisat pingaarnertit aamma kommunimut pilersarusiornerup piviusunngortinnissaata qularnaarneqarnissaannut sakkussatut, sukumiisumik pilersarusiornissamut pisussaataitanera pillugu aalajangersarneqarpoq.

Inuiaqatigiinni annertuumik soqutiginaatillit naammassineqarnissaat qulakkeerniarlugu kommunit pisussaapput sumiiffiit ilaannut pineqartunut aalajangersakkanik atuutsitsilissallutik. Tamanna sumiiffiup ilaani aalajangersimasumi nunaminertanik atuinissamik aalajangersaaneq piffissami erseqqinnerusumik taaneqartumi atorneqarnissaa eqqarsaatigineqartoq Naalakkersuisunit aalajangersimasumik nalunaarutigineqarneranut atatillugu pingajuttarpoq.

Aammattaq imaassinnaavoq sumiiffiup ilaani pioreersumi illoqarfimmi nutarterinissaq sioqqullugu imaluunniit sumiiffiit ilaannik nutaanik illoqarfittut illuliorfiusussanik atuilernissaq sioqqullugu, kommunalbestyrelsi sumiiffiup ilaanut aalajangersakkanik suliaqartariaqartoq.

#### Imm. 3-imut

Aalajangersakkami imm. 3 qitiusutut aalajangersagaavoq, tassani kommuneqarfimmi kommunip maleruagassiortarnissaanik qularnarinissamik kissaateqarneq tunngaviulluni. Tamatumuuna § 23-imi pilersitsinissamut suleriaaseq nassuiarneqaraluartoq nunaminertanik atuinissamut sukumiisunik maleruagassiinermi innuttaasut sunniuteqaqataatinneqarnissaat qularnaarneqassaaq.

Kommunalbestyrelsip nunaminertamik atugassinneqarnissamik qinnuteqaat, sukumiisunik aalajangersagaqannginnera, tak. § 14, imm. 3, imaluunniit aalajangersaasoqartussaannnginnera innersuussutigalugu itigartissinnaanngilaa. Qinnuteqaat kommunimut pilersaarummi

aalajangersakkanut tamakkiisumik naapertuuppat kommunalbestyrelsip, tamanna sanaartugassap naammassinissaanut pisariaqarpat, sumiiffiup ilaanut aalajangersimasumut sukumiisunik aalajangersagaliornissaq aallartissavaa.

Aalajangersakkalli qinnuteqartoq/sanatitsisoq qularnaariffigisinnaanngilaa, pilersaarutissatut siunnersuut kommunalbestyrelsimit inaarutaasumik akuerineqassanersoq imaluunniit pilersaarut kissaatigisaatut imaqassanersoq.

Qinnuteqarnermi piffissaq nunaminertanik piorsaanissamut tulleriinnilersuinermut kommunimut pilersaarummi allassimasumut naapertuutinngippat, kommunalbestyrelsi sumiiffiup ilaani aalajangersimasumi sukumiisunik aalajangersagaliornissap aallartinnissaanik pisussaaffeqanngilaq.

Aalajangersakkap imarisaa §§ 38-imit aamma 67-imut ataqtigiisillugu paasineqassaaq. Tassani takuneqarsinnaavoq nunaminertanut oqartussaaffik kommuninut tunniunneqartoq, taamaalilluni kommunini pilersaarutinut pisinnaatitaaffimmi pisussaataitaaffimmilu siunissami aamma nunaannarmi kommunimi nunaminertat ilaasussaasut. Sumiiffiup ilaanut aalajangersimasumut pilersaarusiornissamik pisussaaffik nalinginnaasumik taamaalilluni aatsaat atuutilissasoq, illuliornissaq pilersaarutaasoq aalajangersakkanut atuuttunut akerliuppat imaluunniit sumiiffiup ilaata aalajangersimasup isikkuanik allanngortitsisussatut naatsorsuutigineqarpat. Illuaqqanik piniariartarfinnik sunngiffimmilu ornittagassanik ataasiakkaanik nunaannarmi pilersitsinerit imaluunniit illunik pioreersunik annikinnerusumik allilerinerit nalinginnaasumik sanaartukkatut annertuutut isigineqartanngillat, taamaattumillu pilersaarusiortussaataalersitsissanatik.

#### Imm. 4-imut

Aalajangersakkami aalajangersarneqarpoq sumiiffiup ilaannut aalajangersimasunut ataasiakkaanut aalajangersakkat, kommunimut pilersaarummi nassuiaammut immikkoortumi aalajangersarneqartut aammalu ataatsimut isigalugu ilusiliinermi pingaarnermi piviusunngortinneqartut.

#### Imm. 5-imut

Aalajangersagaq nutaajuvoq. Inatsimmi allami aalajangersakkanik sukumiisunik aalajangersaasoqarsimappat kommunip tamanut saqqummiussinissaanik piumasaqaat atorunnaarsinnaavoq. Tamatumunnga tunngaviuvoq taamaassimassappat illuliornermut maleruagassanut aalajangersakkat akuersissutigineqareersimassasut. Tamanut saqqummiussinermi peqataatsineq taamaattoqarsimappat naammassiinnagassatut annikillissaaq. Aalajangersakkanik sukumiisumik maleruagassiisunik suliaqartoqassanersoq pillugu apeqqummut aalajangersimasumik missiliuinissaq apeqqutaavoq. Tassunga atatillugu pingaartittariaqarpoq nunaminertanik atuinissamut aalajangiinerit piviusunngortinneqarnissaannut, soorlu ilaatigut atortut illuliallu ilusaannut isikkuinullu tunngatillugu inatsimmi allami aalajangersakkat aalajangersagaasut naammattumik matussusiinersut.

### § 28-mut

Aalajangersagaq oqaatsitigut allannguuteqartillugu pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 20-imik ingerlatitseqqiineruvoq.

### Imm. 1-imut

Aalajangersakkami aalajangersarneqarpoq, kommunimut pilersaarummut tapiliussamik suliaqarnermut periaasissaq kommunimut pilersaarusiornissamut periaatsip assigigaa. §§ 23-imit 25-imut nassuiaatit takukkit.

### Imm. 2-imut

Kommunimut pilersaarummut tapiliussaq sumiiffiup ilaanut aalajangersimasumut ataasiinnarmut tunngasuuppat tamanut saqqumititsinissamut piffissaliussaq sapaatit akunneri 8-niit 6-inut sivikillineqarsinnaavoq.

Tamanut saqqumititsinissamut piffissarititaasup sivilissusissaa aalajangersakkami minnerpaamik piunasaqaatit aalajangersarneqarpoq. Tamanut saqqumititsinissamik piffissaliussaq sivilissusissaata aalajangersarneqarnerani kommunimi pilersaarusiornermut oqartussaasut aammattaq sulingiffeqarnerit ullullu nalliuttut eqqarsaatigisariaqarpat. Kommunimut pilersaarutissatut siunnersuutip aalajangersakkami minnerpaamik piunasaqaat eqquutsinngippagu, tamanna kommunimut pilersaarutissatut siunnersuutip pineqartup atuuttussaannngitsutut isigineqartariaqarnerani aallaaviatigut kinguneqassaaq.

### Imm. 3-imut

Kommunimut pilersaarummut tapiliussaq pilersaarutip siunertaani inatsisitigullu sunniutaannik imaqassaaq. Aalajangersakkami siunertarineqarpoq innuttaasut kommunimilu ingerlatsivik pilersaarutissatut siunnersuutip anguniagaanut kingunissaannullu paasinnilluarsinnaanissaat. Kommunimut pilersaarummut tapiliussami aalajangersakkat nassuiarnissaat nalornissutigineqassagaluarpat, siunertap allaaserineqarnera kommunimut pilersaarummut tapiliussaq nassuiarnissaanut tunngaviusinnaassaaq.

### § 29-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 21-imit ingerlatitseqqiineruvoq. Aalajangersakkami aalajangersarneqarpoq kommunimut pilersaarutip piviusunngortinneqarnissaani suliniuteqarnissaq kommunalbestyrelsimut nalinginnaasumik pisussaaffiusoq. § 50 naapertorlugu immikkut ittumik akuersisoqarsimatinnagu, qinnuteqaatigineqartoq kommunimut pilersaarummut akerliuppat nunaminertamik atugassiumannnginnissaq kommunalbestyrelsimut pisussaaffigaa.

Aalajangersakkap atuutilerneratigut siunissami nunaminertani, illuliassani sanaartugassanillu aalajangiussinerit kommunimut pilersaarummut naapertuuttussaapput. Kisiannili aalajangersakkap atuutilerneratigut pilersaarummi aalajangersakkat naapertorlugit illuliornissamik sanaartornissanillu pisussaaffiliisoqanngilaq. Assersuutigalugu kommunalbestyrelsi naluttarfiliornissamik imaluunniit naluttarfimmu aningaasaliinissamik pisussaaffeqanngilaq, kommunimut pilersaarummi nunaminertaq/sumiiffiup ilaa aalajangersimasoq siunertamut tassunga atugassanngortinneqaraluarpalluunniit.

### Imm. 2-imut

Aalajangersakkami erseqqissarneqarpoq kommunimut pilersaarutip aalajangersakkanut immikkoortua, sumiiffiup ilaanut aalajangersimasumut ataatsimut aalajangersakkat pingarnerit aamma aalajangersakkat sukumiisumik maleruagassisut, illuummik sukkulluunniit piginnittumut imaluunniit nunaminertamik atuisumut inatsisitigut



pisussaaffiliipput. § 50 naapertorlugu immikkut ittumik akuersissuteqartoqarsimappat, kommunimut pilersaarummi aalajangersakkat sukumiisut saneqqunneqarsinnaapput.

### § 30-mut

Aalajangersagaq pilersaarusionerq aamma nunaminertat atornerqartarnerat pillugit Inatsisartut peqqussutaat nr. 11, 5. december 2008-imeersumi § 22-imik ingerlatitseqqiineruvoq.

Aalajangersakkami kommunimut pilersaarummi aalajangersakkat erniinnartumik pisussaaffiliinerat aalajangersarneqarpoq, imatut paasillugu siunissami atugassiinerit pilersaarummut akerliussanngitsut. Inatsisinut naapertuuttumik illuliat pioreersut imaluunniit inatsisinut naapertuuttumik atuinerit, pilersaarutissatut siunnersuutip tamanut saqqummiunneqarnerata siornatigut pilersinneqarsimasut aammalu matumunnga naapertuutinnngitsut, siornatigutut ingerlaannarsinnaapput. Sumiiffiup ilaanut aalajangersimasumut aalajangersakkat nutaat, pissutsit inatsisinut naapertuuttut pioreersut allannortinnissaannut pilersaarummut naapertuuttumik iliuuseqarnissamik pisussaaffiliinngillat. Piginnittut nikinnerat aamma pissutsinik pioreersunik allannortitsisinnaatitaanermik kinguneqassanngilaq.

Pilersaarutip inatsisitigut sunniuteqalereernerata kingorna illuliorneq imaluunniit illup atornerqarneranik allanngineq, § 50 naapertorlugu immikkut ittumik akuersisoqarsimanngippat, pilersaarusionerq naapertuuttumik suliarineqassaaq. Pilersaarummi piginnittup imaluunniit atuisussap siunissami suliarerusutamisut aalajangiussineri kisimik maleruagassiorneqarput. Kisiannili sumiiffiup ilaanut aalajangersimasumut aalajangersakkani piginnittumut imaluunniit atuisussamut piffissamut pereersumut atuuttussamik iliuuseqartussaaffiliisumik aalajangersaasoqarsinnaanngilaq, assersuutigalugu najukkamut pilersaarummi pineqartut illuliortiternissat, sanaartukkanut ataatsimoorussanut il.il. attaviliisussaataitanerit naammassinissaannut.

### § 31-mut

Aalajangersagaq oqaatsitigut allannguuteqarluni pilersaarusionerq aamma nunaminertat atornerqartarnerat pillugit Inatsisartut peqqussutaat nr. 11, 5. december 2008-imeersumi § 23-imik ingerlatitseqqiineruvoq.

#### Imm. 1-imut

Aalajangersakkami kommunimut pilersaarutip inatsisitigut sunniuteqarallarnissaa pineqarpoq. Inatsisitigut sunniuteqarnerit taakkua § 23 naapertorlugu kommunimut pilersaarutissatut siunnersuutip tamanut saqqummiunneqarneraniit atuutilissapput, taamaalilluni piffissaq taanna aallarnerfigalugu pilersaarummik inaarutaasumik sioqqutsiniaasutut isikkoqarsinnaasumik iliuuseqartoqarsinnaanani. Tamatumunnga tunngaviuvoq pilersaarusionerup ingerlanerani innuttaasut peqataatinneqarnissaat pingaartinneqarlunnarmat. Taamaattumik kikkut tamarmik peqataatinneqarnissaannut § 23, imm. 3 naapertorlugu piffissaliussap naanissaata tungaanut nutaanik illuliortiternissamut imaluunniit atuinermik allannguinnissamik il.il. inerteqquteqarallarneq atuutissappat naleqquttuusorineqarpoq.

Taamaattorli akuersissutit aamma immikkut ittumik akuersissutit kommunimut pilersaarutissatut siunnersuutip tamanut saqqummiunneqarnerata siornatigut akuersissutigineqarsimasut atuutiinnassapput. Nunaminertanut oqartussat tamanut

saqqummiussinerup siornatigut nunaminertamik atugassiimatillugit tamanna tunngavigalugu sanatitsisoq taamatuttaaq, illuliornissaq eqqarsaatigineqartoq sumiiffiup ilaanut aalajangersimasumut pineqartumut aalajangersakkanut nalinginnaasumik imaluunniit sukumiisumik maleruagassiisunut akerliusimappat, sanaartornissamut akuersissummik piunasaqarsinnaanngilaq.

#### Imm. 2-imut

Kommunalbestyrelsi piffissaq tamanut saqqummiussiffiusoq naaniariartoq, pissutsinik kommunimut pilersaarutissatut siunnersuummut naapertuuttunik aalajangiussinissamut/pilersitsinissamut akuersissuteqarnissaminnut periarfissaqarput. Tamatumani piunasaqaataavoq pilersaarutissatut siunnersuummut pineqartumut akerliliissutinik tigusaqartoqarsimassanngitsaq. Oqaaseqaateqarnissamut akerliliissuteqarnissamullu piffissarititaasup naareernerani Naalakkersuisut inuiaqatigiinnut soqutiginaatilinnik pingaarutilinnik qulakkeeriniarlutik oqaaseqaateqarnissaminnut akerliliissuteqarnissaminnullu periarfissaqareersimassapput. Aammattaaq siunnersuutip inaarutaasumik akuersissutigineqarnissaa naatsorsuutigineqarnersoq nalilerneqarsinnaalersimassaaq.

#### Imm. 3-imut

Inatsisitigut sunniutaagallartussat, tak. imm. 1 aamma 2, siunnersuutip tamanut saqqummiunneqarnerata kingorna sivisunerpaamik ukiumi ataatsimi atuutsinneqarsinnaapput. Aalajangersakkami siunertarineqarpoq, pilersaarutissatut siunnersuutit tamanut saqqummiunneqartut akerliliissuteqarfigineqarsimannngitsut, inaarutaasumik akuersissutigineqarnissaasa tamanullu nalunaarutigineqarnissaasa qulakkeerneqarnissaat. Kommunimut pilersaarutissatut siunnersuut inaarutaasumik kommunalbestyrelsimit akuersissutigineqanngikkuni qaqugukkut atorunnaartassanersoq pillugu Inatsisartut inatsisaanni piffissamik killiliussisoqanngilaq. Taamaalilluni kommunalbestyrelsip kommunimut pilersaarutissatut siunnersuummik qanoq sivisutigisumik inatsisitigut sunniuteqarallartitsinnaanera ukiumut ataatsimut killiligaaavoq aammalu sivitsorneqarsinnaanani.

### § 32-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 24-imik ingerlatitseqqiineruvoq. Aalajangersakkami inatsisinik tunngaveqartumik akuersissutinik/aalajangiussinissamik akuersissuteqarnissamut, kommunimut pilersaarummi imaluunniit kommunimut pilersaarummut tapiliussami aalajangersakkatigut pinngitsoortinneqarsinnaasunut, piffissami aalajangersimasumi inerteqquteqarsinnaaneq pineqarpoq.

#### Imm. 1-imut

Inerteqquteqarneq aatsaat suliassatut aalajangiussa inatsisinut naapertuuttumik aallartinneqarsimanngippat pisinnaavoq. Illuliornissamut suli aallartinneqarsimannngitsumut, kisiannili atuuttumik kommunimit sanaartornissamut akuersissuteqarfigineqarsimasumut inerteqquteqartoqarsinnaanngilaq. Kommuni piginnaatitaaffeqartumut kingusinnerusukkut sanaartornissamut akuersissuteqarfigineqartussatut atorunnaarsinneqarsinnaanngitsumik neriorsuinertalimmik nunaminertamut pineqartumut nunaminertamik atugassiissuteqareersimappat, aalajangersagaq manna naapertorlugu kommuni aamma inerteqquteqarsinnaanngilaq.

Inerteqquteqarneq sanaartugassamut *aalajangersimasumut* tunngatinneqassaaq aammalu suliaasanik suliarinnittarneq pillugu inatsimmi tunngavilersuinissamik piumasaqaat naapertorlugu pissutsit sordiaat inerteqquteqarfigineqarnersut erseqqissaanertaqartariaqarluni. Taamaalluni inerteqquteqarnermi pisut imaluunniit pissutsit inerteqquteqarfigineqartut pinngitsoortinneqassapput, kisiannili illuliornernik/sanaartornernik suliaqarneq, pilersaarummut tunngaviusumut naapertuuttumik ingerlanneqartoq pinngitsoortinneqassanani.

#### Imm. 2-imut

Inerteqquteqarneq inerteqquteqarnerup tamanut nalunaarutigineqarneranit naatsorsukkamik sivisunerpaamik ukioq ataaseq atuussinnaavoq. Ukiup ataatsip piffissaliussap iluani kommunalbestyrelsi nutaamik pilersaarummik tunngaviusussamik suliaqartitsinissamut periarfissaqarpoq. Taamatut pisoqartillugu pilersaarutissatut siunnersuut tamanut saqummiunneqarsimasoq inatsisitigut sunniuteqarallartinneqassaaq, tak. § 31.

#### § 33-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 25-imik ingerlatitseqqiineruvoq. imarisaani aalajangersagaq assingusoq, taamanikkut 1990-ikkut qiteqqunneranni kommuniusunut kommunimut pilersaarutininik kinguaariinni siullersaasunik suliaarnermut atatillugu atorneqarsimavoq.

Aalajangersagaq 2009-imi kommunini iluarsaaqqinnermut ingerlanneqartumut naleqqiullugu paasineqassaaq, taamaattoqarnerani kommunimut pilersaarutit piusut iluarsaanneqartariaqalerput. Inatsisissatut siunnersuut kisianni kommunimut pilersaarutininik atuuttunik piffissakkaartumik iluarsiisarnissamik piumasaqaatinik imaqaangilaq.

Inatsisartut inatsissaata matuma atuutilerniariarnerani kommunit, tamatuma tungaanut inatsisitigut aalajangigaasimasup saniatigut pilersaarusiioqqullugit peqquneqarnissaat naleqquttuosorineqangilaq. Taamaattumik aalajangersakkami Naalakkersuisut kommunalbestyrelsimut isumaqatiginninniarnermikkut annertusisamik pilersaarusiortussaataanerup naammassineqarnissaanut piffissaliussanik aalajangersaanissaat periarfissinneqarpoq.

#### § 34-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-meersumi § 14-imut naleqqiullugu imamigut allannguuteqartinneqarpoq. Tassalu aalajangersakkami erseqqissarneqarpoq, kommunalbestyrelsi sukkulluunniit kommunimi pilersaarusiornissamut suliniutissanik suliaqarnissaq toqqarsinnaagaat maanna aalajangersarneqartoq. Aalajangersagaq taanna kommunini pilersaarusiortarneq nunaminertanillu atuineq pillugu Namminersornerullutik Oqartussat nalunaarutaanni nr. 7-imi, 26. Februar 2009-meersumi § 3-mik ingerlatitseqqinneruvoq. Aammattaaq erseqqissarneqarpoq, kommunalbestyrelsi aallaqqaammut kommunimi pilersaarusiornermut suliniutissanut *siunnersuummik* suliaqartassasoq tamanullu ammasumik saqummiussisassasoq.

Aalajangersakkami uku siunertarineqarput: Siullermik pilersaarusiornermut periuseq politikikkut siunertanut nalunaarutaavoq. Pilersaarusiornermut periuseq atorlugu kommunip siunissami ineriartortinnissaanut politikikkut piginnittuunerup kommunalbestyrelsininnerat

aalajangerneqarnissaa siunertarineqarpoq. Kommunalbestyrelsimi piffissap qinigaaffiusup aallartinnerani kommunimi pilersaarutininik politikkikkut naliliisoqartarnissaa isummertoqartarnissaalu siunnerfigineqarpoq. Aappaattut § 26, imm. 3 naapertorlugu pilersaarusiornissamut toqqaannartumik pisussaaffiliisoqarsimangippat, kommunimi pilersaarutit ingerlaannartumik iluarsineqartarnissaannik qulakkeeriffiusunik peqqussut aalajangersakkanik imaqaangilaq. Pilersaarusiornissamut suliniutissanik suliaqartarnissamut aalajangersagaq taamaalilluni kommunalbestyrelsip akuttunngitsumik iluarsiinissamik naliliisarnissaata qulakkeerneqarnissaannik siunertaqarpoq.

Imm. 1-imut

Kommunalbestyrelsip piffissap qinigaaffiusup affaani siullermi kommunimi pineqartumi kommunip pilersaarusiornierani suliniutissanik suliaqartussaavoq.

Imm.2-mut

Suliniut kommunip siornatigut pilersaarutigisimasaanut paasissutissanik, kiisalu kommunimi pilersaarummi pioreersumi qanoq annertutigisumik iluarsiinissamik naliliissummik isummiussamillu imaqassaaq. Kommunalbestyrelsi imatut iliornissamik toqqaasinnaavoq:

- 1) Kommunimi pilersaarut tamarmiisoq iluarsaanneqassanersoq kommunalbestyrelsi naliliisinnaavoq.
- 2) Kommunimi pilersaarummi sammisat immikkoortukkaarlugit ilursaassisoqassanersoq kommunalbestyrelsi naliliisinnaavoq. Tassani assersuutigalugu kommunimi pilersaarutip nassuiaatitaa, kommunalbestyrelsip anguniagai imaluunniit kommunimi pilersaarummi nunaminertanik atugassiisarnermut aalajangersakkat, imaluunniit taakku ilaat iluarsaanneqarsinnaapput.
- 3) Kommunimi pilersaarut nunami sumiiffiit malillugit iluarsaanneqassanersoq kommunalbestyrelsi aalajangiisinnaavoq. Tamanna nalinginnaasumik kommunimi pilersaarutip ilusaanik pingaarnermik, soorlu sumiiffiit ilaasa killiginik ataatsimullu inissiiffinnik, kommunimi angallannikkut pilersaarutininik aqquersuusersuinernillu ilursaassinermik kinguneqassaaq.
- 4) Kiisalu kommunimi pilersaarut iluarsaanneqarnissamut pisariaqartitsiviunersoq kommunalbestyrelsi naliliisinnaavoq. Tassalu kommunimi pilersaarut ilusia allanngortinnagu akuerineqarsinnaanersoq kommunalbestyrelsip naliliiffigissavaa.

#### *§ 35-mut*

Aalajangersagaq kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 3-mut naleqqiullugu imamigut allannguuteqartinneqarpoq. Imaa allanngortinneqarpoq, taamaalillunilu kommunalbestyrelsip sukkulluunniit suliniutissatut siunnersuutininik suliaqarsinnaanera tamanullu ammasumik saqqummiisinnaanera § 34-mut nuunneqarpoq. Aammattaq erseqqissarneqarpoq pilersaarusiornermut periusissamik nutaamik siunnersuut naalagaaffimmi oqartussanut aamma Namminersorlutik Oqartussani oqartussanut nassiussivigineqartussanut allattuiffik naapertorlugu nassiunneqassasoq, tak. § 23, imm. 7.

Aalajangersakkami kommunimut pilersaarusiornermut periusissamik suliaqarnermi suleriaasissaq aalajangersarneqarpoq.

Imm. 2-mut

Ikinnerussuteqartut isummersuutaasa kommunimut pilersaarutissatut siunnersuutip tamanut ammasumik saqqummiunneqartarnissaata, taamaalillunilu tamat oqallinnerinut ilaatinneqartarnissaasa qulakkeerneqarnissaa aalajangersakkami aalajangersarneqarpoq.

#### Imm. 3-mut

Kommunini pilersaarusiornermi periusissat saqqummiunneqarnerini tamat ilaatinneqarnissaat aalajangersakkami qulakkeerneqarpoq. Pilersaarusiornermi suliniutissanut siunnersuutit kommunimi sumiiffinni naammaginartumik amerlassusilinni sivikinnerpaamik sapaatit akunnerini arfinilinni takuneqarsinnaassapput. Piffissamut tusarniaaffiusussamut aalajangersagaq sivikinnerpaaffissatut piumasaqaammik aalajangiiffiuvoq. Kommunini pilersaarusiortarnermi oqartussaasut piffissamik saqqumititsiviusussamik aalajangiinerminni aamma sulinngiffeqarnerit ullullu nalliuttut eqqarsaatigisassavaat.

#### Imm. 4-mut

Imm. 3 naapertorlugu piffissap tamanut saqqumititsiviusussap naanerata kingorna kommunimi pilersaarusiornermut pilersaarusiornermi periusissaq inaarutaasumik aalajangiiffiginarlugit suliaq nutaamik aallartissavaa. Tamatumunnga atatillugu kommunalbestyrelsip oqaaseqaatit/akerliliissutit piffissaq eqqorlugu takkuttut isummerfigissavai.

#### Imm. 5-imut

Kommunimut pilersaarutissatut siunnersuutip kommunimi innuttaasunut tamanut ammasumik nalunaarutigineqarneranut peqatigitillugu, pilersaarusiornermut periusissaq Naalakkersuisunut aamma oqartussaasunut, aalajangersakkami imm. 1 malillugu periusissanut siunnersuummik nassiussivigineqartunut nassiunneqassaaq. Taamaaliornikkut oqartussaasut siusissukkut kommunip pilersaarusiornermut periusissaasa imarisaanik ilisimasaqarnissamik periarfissaqarnissaa qulakkeerneqarnissaa siunertarineqarpoq.

Kommunimi pilersaarusiornermut periusissap suliarineqartarneranni periaasissat, kommunimut pilersaarutit aammalu kommunimut pilersaarutinut tapiliussat, tak. § 23 aamma 24, suliarineqartarnerinut assingupput. Kisiannili qitiusumik allaffeqarfimmi oqartussaasut kommunimut pilersaarutinut periarfissat assinginik pilersaarusiornermi periusissanut itigartitsinissamut periarfissaqanngillat, tak. § 11. Taamaattorli siunnersuummut oqaaseqaateqarnissaaq aammalu allannguutissamik siunnersuuteqarnissaaq periarfissaqarpoq. Pilersaarusiornermut periusissat taamaallaat siunertanik nalunaarutit, periusissalli kommunimut pilersaarummut ilaasuunngitsutut isigineqartussaanerat, taamaattumillu §§ 29-miit 31-mut inatsisitigut sunniuteqartussaanninnerat tamatumunnga tunngaviuvoq.

#### § 36-mut

Aalajangersagaq kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 4-mik ingerlatitseqqinneruvoq. Suliniutissaq tamanut ammasumik saqqummiunneqarsimappat, kommunalbestyrelsip aalajangiinermik tassannga kinguneqartitsisinnaanera aalajangersakkami aalajangersarneqarpoq. Iluarsinermi nalinginnaasumik pilersaarusiornissamut suliniummi siunnerfigineqartut malinneqartassapput. Soorunami kommunimi pilersaarutip iluarsaanneqarnissaanut pisariaqartitsinerit nutaat ingerlaavartumik takkuttartussaapput. Taamaattumik aalajangersagaq imatut paasineqassanngilaq, pilersaarusiornermi suliniutit kommunalbestyrelsimut pituttuisuussasut, aammalu

kommunalbestyrelsi aatsaat iliuusissat pilersarusiornermi suliniutinut naapertuuppata kommunimi pilersaarummik allannguisinnaassasut. Taamaattoqanngilaq.

### § 37-mut

Aalajangersagaq pilersarusiorneq aamma nunaminertat atorneqartarnerat pillugit Inatsisartut peqqussutaanni nr. 11-mi, 5. december 2008-meersumi § 26-imut maannamut atuuttumut naleqqiullugu oqaatsitigut allannguuteqarpoq. Allannguutit aalajangersakkap inatsisitigut imarisaani allannguuteqartitsissasooq naatsorsuutigineqanngilaq.

mm. 1-imut

Nunaminertamik illuliortiterfissatut, allanik aalaakkaasunik ikkussuiffissatut allatulluunniit nunaminertaq kikkut tamarmik nalinginnaasumik atuisarnerattut atorneqanngitsoortillugu atuissagaanni, nunaminertanut oqartussaasut akuerseqqaarsimanissaat piumasaqaataavoq. Oqaaseqatigiinni taakkunani aamma nunap naggorissagassatut iluaqutigineqarluartumik atorneqarnissaa pineqarpoq.

Imm. 2-imut

Aalajangersakkami aalajangersarneqarpoq nunaminertap pineqartup atorneqarnera allanngortinneqassappat tamatuma nunaminertanut oqartussanit akuerineqarsimanissaa pisariaqartoq. Nunaminertap atorneqarnera allanngortinneqartutut isigineqartariaqarnerasooq ataasiakkaatigut naliliinissaq apeqqutaassaaq. Tassunga atatillugu aallaaviussaaq, nunaminertamik pineqartumik atuineq piousooq maannakkutut atuinertut iluseqaannartutut nalilertariaqarnerasooq. Atuinernut assigiinngitsunut allattuiffik takuuk ”Immersugassanut nalinginnaasunut ilitsersuut – Nunaminertamik atugassinneqarnissamut qinnuteqaat” Namminersornerullutik Oqartussat, Aningaasaqarnermut pisortaarfik, oktober 1996.

Imm. 3-imut

Aalajangersakkami imm. 3-imi aalajangersarneqarpoq nunaminertamik atugassiineq inummut aalajangersimasumut tunngasuusooq aammalu pisinnaatitsissummik pigisaqartumut nutaamut tunniunneqarnera nunaminertanik aqutsisunit oqartussaasunit akuerineqaaqqaassasooq.

Tamanna pissaaq illumik imaluunniit sanaartukkamik piginnittunngortup nunaminertamut atugassiissuteqarnerup tiginissaanik qinnuteqarneratigut. Taamaalilluni kommunalbestyrelsi nunaminertamik atuinissamik pisinnaatitaaffik piginnittunngortumut tunniunneqarsinnaanersooq aalajangiisussaavoq. Piginnittunngortup pigisap maannamut atorneqarsimaneranit allaanerusumik atuinissani kissaatigippagu, atuinissarlu taanna sumiiffimmuut pilersarusiornermut atuuttumut akerliuppat, kommunalbestyrelsip atugassarititaasussat nutaat taakku tunngavigalugit piginnaatitaaffimmik tunniussinissaq akueriumannngissinnaavaa.

Aamma nunaminertap piffissami sivikitsumi atorneqarnissaata akuerineqarsimanissaa pisariaqarpoq, assersuutigalugu utaqqiisaasumik containerinik assigisaannilluunniit inissiinerit. Utaqqiisaasumik atuinissaq qaammatinit marlunnit sivilinerusumik sivilussuseqarpat, aallaaviatigut kommunalbestyrelsi piffissamut aalajangersimasumut killiliilluni nunaminertamik atugassiilluni nalunaaruteqarsimassaaq.

Nunaminertamik atuineq qaammatinit marlunnit sivikinnerusumik sivilussuseqartoq, nalinginnaasumik nunaminertamik atuinissamik akuersissuteqarfigineqarsimanissaa piumasaqaataanngilaq. Taamaattorli tamatumunnga ataasiakkaatigut naliliineq

apequtaassaaq. Aaqqissuussinerit nunaminertamik atorluaaffiungaatsiartussat, assersuutigalugu nunaannarmi aasaanerani naapeqatigiisitsinerit, atuinissaq assersuutigalugu sapaatip akunneranik ataasiinnarmik sivisussuseqaraluartoq, nunaminertamik atuinissamik akuersissuteqarfigineqarsimanissaa pisariaqarpoq. Nunaminertamik atugassiineq taamaattoq nalinginnaasumik nunaminertami saliinissamik piumasaqaatitalerlugu akuerineqassaaq.

Imm. 4-imut

Imm. 4-imi aalajangersakkami nunaminertamut pisinnaatitaaffik atuisinnaatitaanerusoq atorunnaarsinneqarsinnaasoq, kisiannili taarsigassarsinermi qularnaveeqqusinneqarsinnaanngitsoq imaluunniit pisinermi tunisinermilu akigineqarsinnaanngitsoq malittarisassanngortinneqarpoq naqissuserneqarlunilu. Nunaminertaq annertuumik naleqartinneqalersimappat nalillit nunaminertami pilersinneqarsimasoq taamaattoq niuerutigineqarsinnaapput, tassani piginnittunngortoq nunaminertamut pineqartumut salliusussaataalissalluni.

Tamanna imatut paasineqassaaq sanaartorerup ingerlanera akuerisaasoq annertuumik ingerlanneqalereersimassasoq. Tassunga atatillugu Østre Landsret-ip suliami Gertrud Rasksvej-imi Katak ApS-imut 23. september 1993-imi sanaartorfik nr. 4-imut tunngasumi eqqartuussinera innersuussutigineqassaaq.

Illuliorneq aallartinneqareersoq aallaaviatigut isaterneqartariaqalertariaqanngikkaluarpoq imaluunniit pissutsi pilersinneqareersut ilusimisut ilerseqqinneqarqittariaqaratik. Kisiannili nunaminertami ikkussukat pioreersut atorneqarsinnaasariaqarput illuliornerlu aallartinneqareersoq pisinnaatitaasumit nutaamit ingerlateqqinneqartariaqaralunilu. Tassunga atatillugu oqaatigineqassaaq sanatitsisup aningaasartuuteqarsimanera isumaqartariaqanngimmat nunaminertami nalilinnik pilersitsisoqarsimasoq.

#### *§ 38-mut*

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaanni nr. 11-mi, 5. december 2008-meersumi § 27-imik ingerlatitseqqinneruvoq.

Imm. 1-imut

Aalajangersakkami oqartussat sorliit nunaminertamik atugassiisinaanersut aalajangersarneqarpoq. Sumiiffiit aaqqissuussaasumik illuliorfigineqartussat kiisalu sumiiffiit tassunga pissusissamisoortumik atasuunersut kisimi pineqanngilaq, kisiannili aamma kommunip nunaannarmi nunaminertai pineqarlutik. Kommunalbestyrelsip nunaminertamik atugassiinissamut oqartussaasut sumiiffimmi aalajangiisinnaatitaaffia taamaalilluni sumiiffinnut kommunalbestyrelsip § 14 naapertorlugu pilersaarusionerfigisassaannut atuuppoq.

Imm. 2-imut

Aalajangersakkami aalajangersarneqarpoq sumiiffiit imm. 1-imi taaneqartut avataanni Naalakkersuisut oqartussaasusut.

Imm. 3-imut

Sanaartukkanut nunamut tamarmut pingaaruteqartunut nunaminertamik qinnuteqartoqartillugu, Naalakkersuisut akuersissutaannik piniartoqaqqaarsimappat aatsaat nunaminertamik atuinissamut akuersissut kommunalbestyrelsimit nalunaarutigineqarsinnaavoq.

Assersuutigalugu inuussutissarsiornermut suliffeqarfiit anginerusut sumi inissinneqarnissaat pineqarpat, kommunalbestyrelsip nunaminertamik atuinissamik akuersissuteqartinnani qularnaassavaa, sanaartukkat annertunerusut aammalu pisortat suliffeqarfiisa inissisimaffissaannik nunaminertanik agguataarinissamut il.il. tunngatillugu inuiaqatigiinni soqutiginaatilinnut pingaarnernut tamanna naapertuunnersoq.

Tamatuma kingorna sumut inissiinissaq aalajangerneqareerpat kommunalbestyrelsip pineqartup, pilersaarummut atuuttumut naapertuuttumik sanaartugassap kommunimi inissinneqarnissaa aalajangissavaa.

Imm. 4-imut

Nunaminertanik atuinissamik aalajangiinernut annertuumik inuiaqatigiinnut soqutiginaatilinnik, tak. § 5, aalajangersimasunut atatillugu, ilanngullugit sanaartornermut inatsisit, nuna tamakkerlugu pilersaarusionermit ilitersuutit, suliassaqarfinnut pilersaarutit aamma suliassat ataasiakkaat politikikkut akuerisaasut, Naalakkersuisut kommunimit pineqartumit nunaminertanik aqutsinermut oqartussaaffiup tiginissaa qinersinnaavaat. Tamatumunna tunngaviuvoq nunaminertamik atugassiineq tamatumuunga pingaarnerusutigut naammassineqaannartussanngortussaammat, kommunimi nunaminertanut oqartussaasumik nammakkersuisariaqarani. Nunaminertanut oqartussaaffik Naalakkersuisunit tigureqanngippat, kommuni pineqartoq pisussaavoq imm. 1 naapertorlugu nunaminertamik atugassiissalluni.

#### *§ 39-mut*

Aalajangersagaq imarisamigut pilersaarusionermeq aamma nunaminertat atorneqartarnerat pillugit Inatsisartut peqqussutaanni nr. 11-mi, 5. december 2008-meersumi § 28-imik ingerlatitseqqinneruvoq.

Aalajangersakkap oqaasertai allanngortinneqarput, taamaalilluni maannakkut allassimalerluni nunaminertamut aalajangersimasumut nunaminertamik atugassiineq tamatuminnga qinnuteqareernermit qinnuteqartumut tunniunneqarsinnaasoq. Tamatumuunga siunertarineqarpoq aalajangersakkap oqaasertaani siunnersuutigineqartoq nunaminertanik aqutsinermi oqartussaasup nunaminertamik atuinissamut pisortatigoortumik akuersissuteqartussaanerata erseqqissarneqarnissaa.

Nunaminertamik atugassiineq inummut aalajangersimasumut tunniunneqartarpoq. Pineqartoq tassaasinnaavoq inuk aalajangersimasoq, kisiannili aamma tassaasinnaavoq inatsisitigut pisussaataasooq pisinnaatitaasorlu, assersuutigalugu ingerlatseqatigiiffik, peqatigiiffik il.il.

#### *§ 40-mut*

Aalajangersagaq kommunimut pilersaarusionermeq aamma nunaminertat atorneqarnerat pillugit Namminersorerullutik Oqartussat nalunaarutaat nr. 7-imi, 26. februar 2009-meersumi § 11-imut naleqqiullugu allanngortinneqarpoq. Imm. 2 nutaatut ilanngunneqarpoq, tassani aalajangersarneqarluni nunaminertamik atugassinneqarnissamik qinnuteqaat Naalakkersuisusunut nassiunneqassasoq.

Imm. 1-imut

Aalajangersakkami nunaminertamik atuisinnaatitaanissamut qinnuteqaatit kommunimut pineqartumut nassiunneqarnissaat aalajangersarneqarpoq. Qinnuteqaatit imassaa § 22



naapertorlugu kommunimut pilersaarummi nunaminertanik atugassiisarnermut aalajangersakkani aalajangersarneqassapput.

Imm. 2-imut

Aalajangersagaq nutaajuvoq. Aalajangersakkami aalajangersarneqarpoq kommunit aggornerisa avataanni, tassalu pituffimmi sakkutooqarfimmi aammalu Tunup Avannaarsuani Nunami eqqissimatitassatut immikkoortitami, nunaminertamik atugassinneqarnissamik qinnuteqaat Naalakkersuisunut nassiuuneqassasoq. Allanguut suliassaqarfimmi suleriaatsimik atuuttumik allanngortitsissasoq naatsorsuutigineqanngilaq.

#### § 41-mut

Aalajangersakkap oqaasertai kommunimut pilersaaruserneq aamma nunaminertat atornerarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 15-imut naleqqiullugu allanngortinneqarput. Nunaminertat, kommunip illuliornermut sanaartormullu immikkoortinneqarnissaannik siunertaqarfigisaasa tamarmik, nunaminertamut pineqartumut atuisinnaatitaanermik akuersinissaq pillugu aalajangiisoqannginnerani tamanut ammasumik saqqummiunneqartarnissaasa qulakkeerneqarnissaa aalajangersakkami siunertarineqarpoq. Nunaminertaq tamanut ammasumik saqqummiunneqarsimanngippat, tunngaviummik kommunalbestyrelsi pisussaavoq, pilersaarusernermut tunngavissat pisariaqartinneqartut pissarsiarissallugit, imaluunniit tassunga taarsiullugu qinnuteqaat itigartissallugu. Aalajangersakkap oqaasertaliornerata nassatarisaanik inatsisit malillugit nunaminertaq tamanut saqqummiunneqareerpat aatsaat kommunalbestyrelsi atuisinnaatitaanissamut qinnuteqaatinik tiguisinnaavoq.

Kommunip sanaartorfissagissaanissamut pisussanut pilersaarutaanut innersuussineq siusinnerusukkut atuuttoq allanngortinneqarpoq, maannakkut sanaartorfissagissaanermi sumiiffiit ilaanik nutaanik ilanngussinnermi pingaarnertut ilusiliinermut pilersaarummut innersuussisoqarluni. Oqaaseqaatigiit allanngortinneqarneranni aalajangersakkap inatsisitigut imarisaanik allannguinissaq siunertarineqanngilaq.

§ 25 naapertorlugu kommunimut pilersaarutip tamanut ammasumik nalunaarutigineqarneranut atatillugu tamanna nalinginnaasumik pisinnaavoq. Kisiannili nunaminertap imaluunniit sanaartorfissap tamanut ammasumik saqqummiunneqarnissaa immikkut ittumik pisinnaavoq, soorlu § 50 naapertorlugu saneqqutitsisinaanissamut akuersissuteqarnermut atatillugu.

#### § 42-mut

Aalajangersagaq imarisamigut kommunimut pilersaaruserneq aamma nunaminertat atornerarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 12-imut assinguvoq. Aalajangersakkat oqaasertai iluarsineqarput, taamaalilluni maannakkut aalajangersarneqarluni nunaminertanut oqartussaasup nunaminertamut qinnuteqaatit, nunaminertamut pineqartumut nunaminertamik atugassiinissaq aalajangiiffigineqannginnerani tamanut saqqummiutissallugit pisussaaffeqartooq.

Imm. 2-mut

Tamanut saqqummiinissamik piunasaqaat, tak. imm. 1, qinnuteqaatigineqartoq sumiiffiup ilaanut pineqartumut aalajangersakkanut sukumiisunut atuuttunut naapertuuppat

saneqqunneqarsinnaasoq, tak. § 21. Tamatumunnga tunngaviuvoq innuttaasut kommunimut pilersaarutip §§ 23. imm. 3 imaluunniit 28. imm. 2 naapertorlugit pilersinneqarneranut atatillugu tusarniarneqareersimanerat. Sumiiffiup ilaanut aalajangersakkat atuuttussaananeranut ilaavoq aalajangersakkat tamanut saqqumiunneqarsimasut, tamatumani aalajangersakkat taakkua § 31 malillugu utaqqiisaasumik inatsisitigut sunnuteqartinneqarsinnaasimappata.

#### Imm. 3-imut

Imm. 1 malillugu tamanut saqqummiussinissamik piumasaaqat saneqqunneqarsinnaavoq, imaassimappat illuutit minnerusut imaluunniit pingaaruteqannginnerusut pineqartut, ataasiakkaatigut naliliineq malilugu innuttaasunit eqqumaffigineqanngitsutut isumaqarfigineqartut. Siunertaasoq tassaavoq kommunip nunaminertanik aqutsineranik killiliinissaq, taamaalilluni qinnuteqaatinut ataasiakkaatigut naliliineq malillugu innuttaasunit eqqumaffigineqanngitsutut isumaqarfigineqartunut pisariaqanngitsumik nukissanik atuisoqassanani.

Tassani pineqartut nalinginnaasumik tassaasarput majuartarfiit, aneersuartarfiit, queeqqat, quit il.il., avatangiisini najugaqartunut akornutaasussatut naatsorsuutigineqanngitsut. Tamannattaq nunaminertamik atugassiinermi pisinnaatitaaffimmik pigisaqalersumut nutaamut tunniussinermut, imaluunniit nunaminertamik atuinerup allangortinneqarneranut tassanilu nunaminertamik atuinerup nutaap saniliusunut aammalu sumiiffiup atorneqarneranut pingaarnermut isumaqanngitsutut nalilerneqarpat atuutissaaq.

#### § 43-mut

Aalajangersagaq nutaajuvoq. Kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 13 atuuttoq malillugu kommunalbestyrelsi taamaallaat tamanut ammasumik ilisimatitsissuteqarnissamik pisussaaffeqarsimavoq.

#### Imm. 1-imut

Nunaminertanut oqartussaasup § 41 naapertorlugu tamanut ammasumik tusarniaanermi atatillugu ullut 14-it inornagit piffissaliisarnissaa aalajangersakkami aalajangersarneqarpoq, piffissamilu tassani qinnuteqaatigineqartumut akerliliisoqarsinnaavoq.

#### Imm. 2-mut

Imm. 1 naapertorlugu tusarniaanermi piffissarititaasup iluani qinnuteqaatigineqartumut akerliliisoqarpat, qinnuteqaatip suliarinerani akerliliissutit taakku nunaminertanut oqartussaasup isummerfigissallugit pisussaaffigaa. Akerliliissutaasinnaasut itigartitsinissamut tunngaviliisariaqanngillat, kisiannili kommunimi pilersaarut iluarsineqassanersoq kommunimi aalajangiiffigineqartariaqarsinnaavoq.

#### § 44-mut

Aalajangersagaq kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 14-imut naleqqiullugu allanguuteqartinneqarpoq. Namminersorlutik Oqartussani kulturimik pinngortitamillu eriagisaqarnermut oqartussaasut nunaannarmi nunaminertanik atugassiisarnermut atatillugu tusarniaafigineqartarnermik, 1. januar 2011-mi pilersaarusiortarnermut nunaminertanillu atugassiisarnermut oqartussaaffiup kommuninut nuunneqarnerata kingorna ingerlaannarnissaanik kissaateqarnerat allannguutissatut

siunnersuutigineqartunut tunngavigineqarput. Kiisalu nunaminertanik ingerlatsinermi oqartussaasut tusarniaassutigisartagassaannut suliassanut annikitsunut killissarititaasunik atuutsitsisoqalissaaq.

#### Imm. 1-imut

Illoqarfiit nunaqarfiillu avataanni nunaminertanik atugassinneqarnissamut qinnuteqaatit oqartussaasunut attuumassutilinnut susassaartunullu kalluarneqarsinnaasunut nassiunneqarnissaat nunaminertanik ingerlatsinermi oqartussaasut pisussaaffigigaat aalajangersakkami aalajangersarneqarpoq. Oqartussaasut kikkut tusarniarneqartassanersut aalajangersassallugu naleqquttutut isumaqarfigineqanngilaq. Kisiannili tunngaviusumik Nunatta Katersugaasivia Allagaateqarfialu – NKA, Nunami Namminerimi, Pinngortitamut Avatangiisinullu Naalakkersuisoqarfik aamma Aalisarnermut, Piniarnermut Nunalerinermullu Naalakkersuisoqarfik tusarniaaffigineqartussatut naleqqussorineqarpoq. Aammali Naalakkersuisoqarfiit il.il. attuumassuteqartut ilaatinneqartariaqarput. Nunaminertanik atugassiisarnermik ingerlatsinermi oqartussaasut naliliinerat tamatumunnga apeqqutaassaaq.

#### Imm. 2-mut

Aalajangersakkami aalajangersarneqarpoq imm. 1 malillugu tusarniaanissamik pisussaaffik saneqqunneqarsinnaasooq, pisuni nunaminertanik aqutsinermit oqartussaasup aallaviatigut naatsorsuutigiguniuk naalagaaffimmi oqartussaasooq imaluunniit Namminersorlutik Oqartussani oqartussaasooq tusarniaaffigineqarnissaminik soqutigisaqarsinnaasooq, kisiannili oqartussaasooq pineqartoq nalunaarsimappat siunissami nunaminertanut qinnuteqaatinut atatillugu tusarniarneqarnissaminik kissaateqarani imaluunniit tusarniaaffigineqartariaqarani. Suliassaqarfinnut oqartussaasunit kalluarneqartunit akuersineq taamaattoq sumiiffinnut nunap sumiiffiini erseqqinnerusumik killilerneqartuni ataatsimi arlalinniluunniit killilerneqarsimangajuttarpoq.

#### Imm. 3-imut

*Imm. 3.* aalajangersakkami aalajangersarneqarpoq oqartussaasut suleqataasullu imm. 1-imi taaneqartut nunaminertamik atugassinneqarnissamik qinnuteqaatinut akerliliissuteqarnissamik oqaaseqaateqarnissamillu periarfissaqarput.

Kommunalbestyrelsip nassiussinerminut atatillugu qinnuteqaatigineqartumut akerliliissutinik saqqummiinissamut imaluunniit oqaaseqaateqarnissamut sapaatit akunneri pingasut inornagit piffissaliissaaq. Piffissaq tusarniaaffiususaaq sapaatit akunnerinit marluniit pingasunut sivitsorneqarpoq, taamaaliornikkut oqartussaasut kalluarneqartut qinnuteqaatigineqartup tusarniaassutigineqarnerani akissuteqarnissamut pisariaqartitaminnik piffissalernerqarlutik. Piffissaq tusarniaaffiusooq tusarniaaffiusup najoqqutassanik nassiunneqartunik tigusiffissaatut missiliorneqarneraniit naatsorsorneqassaaq.

#### Imm. 4-mut

Aalajangersagaq nutaajuvoq, tassanilu atuisinnaatitaanermik tunniussisoqarsimappat, imaluunniit qinnuteqaat pissutsinut annikinnerusunut pingaanginnerusunulluunniit, soorlu illuaqqanik pioreersunik alliliinermit, kiisalu silami issiavinnik, erfalasulerfinnik, manisivinnik il. il. ikkussinissamut tunngasuuppat, imm. 1 naapertorlugu tusarniaanissamik piumasaqaat saneqqunneqarsinnaasooq aalajangersarneqarpoq.

#### § 45-mut

Aalajangersagaq imamigut kommunimut pilersarusiorneq aamma nunaminertat atornerarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 16-imut assinguvoq.

#### Imm. 1-imut

Nunaminertamik atugassiinissaq nuna tamakkerlugu pilersarusiortarnermi soqutigisanut uniuuppat, kommunalbestyrelsi nunaminertamik atugassiinissamik akuersisinnanginnera aalajangersakkami aalajangersarpoq. Taakku nalinginnaasumik inuiaqatigiit soqutigisaanni pingaarnerni taaneqartuni § 5, imm. 3-mi takuneqarsinnaassapput, kisiannili aamma oqartussaasut naalakkersuinikkut akisussaasuusunit toqqaannartumik kommunalbestyrelsimut ilisimatitsissutigineqarsinnaallutik. Aamma nunaminertamik atugassiinissaq inatsimmut allamut uniuuppat akuersissutinik tunniussisoqaqqusaanngitsoq aalajangersakkami erseqqissarneqarpoq. Kisiannili immikkoortumut inatsimmi aalajangersakkanik saneqqutsinnaanermut akuersissummik peqartoqarpat akuersissummik tunniussisoqarsinnaavoq.

#### Imm. 2-mut

Tamatuma saniatigut nunaminertamik atuisinnaanissamut qinnuteqaat kommunini pilersarusiornissamut tunngaviusunut naapertuuppat aatsaat akuersissuteqartoqarnissaata qulakkeerneqarnissaanut kommunalbestyrelsi pisussaavoq, taakkunungalugu §§ 20-imi aamma 21-mi aalajangersarneqarsimasut ilaapput. § 21 naapertorlugu aalajangersakkat nassuiaasersukkat maleruagassiorfiusut inissineqarsimangippata, kisiannili qinnutigineqartoq § 27, imm. 2 aamma 3 naapertorlugit pilersarusiornissamut pisussaaffimmik aallartitsippat, kommunalbestyrelsi pilersarusiornissamut tunngavissat amigaatigineqarnerat innersuussutigalugu nunaminertamik atugassinneqarnissamik qinnuteqaat itigartissinnaanngilaa. Taamatut pisoqartillugu kommunalbestyrelsi § 32 naapertorlugu inerteqquteqarallarnermik atuutsitsisariaqarpoq, taamaalillunilu qinnuteqaatigineqartup itigartinnissaanut akuerinissaanullunniit tunngavissanik pisariaqartinneqartunik pissarsiniartariaqarluni.

Nuna tamakkerlugu pilersaarut aamma kommunimi pilersarusiornissamut tunngaviusut imminnut naapertuutinnangippata, § 14, imm. 3 innersuussutigalugu nunaminertamik atugassinneqarnissamik qinnuteqaat tunngaviusumik pilersarusiornissamut pisussaaffiliinermik aallartitsissutaassaaq. Taamatut pisoqartillugu kommunalbestyrelsi § 32 naapertorlugu inerteqquteqarallarnermik atuutsitsisariaqarpoq, aammalu nunaminertamik atugassiinissap nalunaarutigineqanginnerani kommunimi pilersaarut iluarsisariaqarlugu.

#### Imm. 3-mut.

Nunaminertamik atugassinneqarnissamik qinnuteqaat nuna tamakkerlugu pilersaarummut aamma kommunimi pilersaarummi aalajangersakkanut pingaarnernut aalajangersakkanullu nassuiaasersukkanik maleruagassiorfiusunut naapertuuppat, tunngaviusumik kommunalbestyrelsi qinnuteqaatigineqartumut atuisinnaatitaanissamik akuersisoqassanersoq aalajangiisaaq. Taamaakkaluartoq kommunalbestyrelsi sanaartornerup pinngitsoortinneqarnissaa kissaatigippagu, § 32 naapertorlugu kommunalbestyrelsi inerteqquteqarallarnissamik, tamatumalu kingorna sumiiffimmut pineqartumut pilersarusiornissamut tunngavissanik suliaqarnissamut periarfissaqarpoq.

#### Imm. 4-mut

Aalajangersagaq nutaajuvoq, tassanilu kommunimi nunaminertat qinnuteqartunut, teknikkimut aningaasaqarnermulluunniit tunngassuteqartut pissutigalugit qinnutigineqartumik

naammassinnissinnaanngitsunut, taamaalillutillu siunertanut paragrafini nr. 3)-mut uniuuttumik nunaminertami pineqartumi akornusiisunut atuisinnaatitaanermik tunniussisoqartannginnissaata qulakkeerpeqarnissaa siunertarineqarpoq. Nunaminertamik atugassiinissamut akuersissuteqartoqarnissaa sioqqullugu kommunalbestyrelsip sanaartugassap teknikkikkut aningaasaqarnikkullu piviusunngortinneqarsinnaaneranut uppenarsaammik takutitsisoqarnissaanik piumasaqarsinnaanera tunngavilerneqarpoq. Tamatumunnga atatillugu sanaartukkap teknikkikkut aningaasaqarnikkullu naammassineqarsinnaanissaa kisimi kommunip aalajangiineranut tunngavigineqartassasoq erseqqissarneqassaaq. Qinnuteqartup aningaasaqarnera tamakkiisoq naammaginarnersoq, kommunalbestyrelsip naliliinissaata avataaniippoq.

#### § 46-mut

Aalajangersagaq imarisamigut pilersarusiorneq aamma nunaminertat atorpeqartarnerat pillugu Inatsisartut peqqussutaat nr. 11, 5. december 2008-imeersumi § 29-imut aamma kommunimut pilersarusiorneq aamma nunaminertat atorpeqarnerat pillugit Namminersornerullutik Oqartussat nalunaarutaat nr. 7, 26. februar 2009-imeersumi § 17-imut assinguvoq. Aalajangersagaq nunaminertanik atugassiinermut pissutsit suut ilanngunneqarsinnaanersut pillugu maleruagassanik imaqarpoq.

#### Imm. 1-imut

Aalajangersakkami aalajangersarneqarpoq peqqussutissatut siunnersuutip siunertaanut naapertuuttumik nunaminertanik atugassiinermut piumasaqaatinik atugassarititaasussanillu aalajangersaasoqarsinnaasoq. Aalajangersakkap immikkoortuata aappaani aammattaaq aalajangersarneqarpoq piumasaqaatit atugassarititaasussallu § 14 naapertorlugu pilersarusianut (tak. kap. 4) naapertuutissasut.

Aalajangersagaq sanaartorfissagissaanermut akitsuutinik akiliisitsisarnermut maleruagassaasinnaasunut, nunaminertanik atugassiinermut malittarisassani kommunimut pilersaarut naapertorlugu aalajangersagaasunut atasutut paasineqassaaq. Tassani inatsisitigut tunngaveqartumik nunaminertamik atugassiinermut atatillugu atugassarititaasusanik aalajangersaasoqarsinnaavoq, pisinnaatitsissummik pigisaqartoq nunaminertamik atugassiinermut atatillugu sanaartorfissagissaanermut aningaasartuutitut matussuseeqataassasoq. Nunaminertamik atugassiinermut atatillugu aamma pisinnaatitsissummik pigisaqartoq aningaasartuutinik akiliisussanngortinneqarsinnaavoq, tak. § 53 pilersaarutissatut siunnersuummik pilersitsinermut atatillugu kiisalu sulianik suliarinninnermut akitsuummik akiliisitsineq, tak. § 54.

Nunaminertamik atugassiinermi atuinissaq aalajangersimasoq atorpeqartussanngortarpoq. Tamanna nunaminertamik atugassiisummi allassimassaaq. Atuinernut assigiinngitsunut allattuiffik takuuk ”Immersugassanut nalinginnaasunut ilitsersuut – Nunaminertamik atugassinneqarnissamut qinnuteqaat” Namminersornerullutik Oqartussat, Aningaasaqarnermut pisortaqarfik, oktober 1996 Atuinernut assigiinngitsunut allattuiffik takuuk ”Immersugassanut nalinginnaasunut ilitsersuut – Nunaminertamik atugassinneqarnissamut qinnuteqaat” Namminersornerullutik Oqartussat, Aningaasaqarnermut pisortaqarfik, oktober 1996.

Sanaartorfissagissaanermut aningaasartuutinik akiliinissamut atugassarititaasusanik aalajangersaaneq, tamanna pillugu maleruagassanut kommunimut pilersaarummi nunaminertanik atugassiinissamut malittarisassani aalajangersagaasunut atasutut

paasineqassaaq. Tassani inatsitigut tunngaveqartumik nunaminertamik atugassiinermut atatillugu pisinnaatitsissummik pigisaqartoq nunaminertamik atugassiinermut atasumik sanaartorfissagissaanermut aningaasartuutinik matussuseeqataasussanngortinneqarsinnaavoq.

Aalajangersakkami nunaminertamik atuinissamut akuersissut piffissamik killilernissaa tunngavissinneqarpoq, taamaalilluni oqartussaasut aalajangiinerminni pisunik nikinnaveertitsissanatik taamaalillutillu eqqarsaatigisassat allat tamanna ineriartornerup kissaatiginartilerpagu pingaarnerusussaasinnaanerat akornuserlugu.

Imm. 2-imut

Sumiiffiup ilaanut aalajangersakkat atuuttut naammangippata, aammalu nunaminertamut qinnuteqaatip § 27, imm. 2 aamma 3 malillugit pilersaarusiortussaataaneq aallartittussanngunngippagu, nunaminertanut oqartussaasoq angallannermut aqutissanullu pissutsinut kiisalu ruujorit ledningillu inissisimaffinut kiisalu pissutsinik allanik kommunimut pilersaarutip piviusunngortinneqarnissaanut pingaaruteqartunut tunngasunik atugassarititaasunik ilassusiisnaavoq.

Tamatumunnga tunngaviusoq sumiiffiup ilaanut aalajangersimasumut aalajangersakkanik sukumiisunik naammattunik atuuttoqarnera apeqqutaatinnagu, nunaminertanut oqartussaasup kommunimi sumiiffiit ilaanni aqutissanik pilersuinemullu pissutsinik qularnaarinissaa periarfissaqartussaammat. Taamaalilluni aalajangersakkami periarfissiisoqarpoq nunaminertanik aqutsinermi assersuutigalugu illunut imaluunniit sanaartorfinnut sumiiffiup ilaata iluani sanaartorfissagissaanermut tulliunngitsunut pilersuinissaq aqutissaqarnissarlugu eqqarsaatigineqarnissaanut.

#### *§ 47-mut*

Aalajangersagaq nutaajuvoq. Nunaminertaq atugassiissutigineqartoq nunaminertamik atugassiinermi piffissarititaasup iluani, tak. § 46, imm. 2, atorneqalersimangippat, nunaminertamik atugassiineq aammalu taamaalilluni nunaminertamik atuisinnaatitaaneq unitsinneqassasoq aalajangersakkami aalajangersarneqarpoq. Tamanna pissappat oqartussaasup nunaminertanik ingerlatsisuusup atuisinnaatitaaneq allamut tunniutissallugu periarfissaqarpoq.

#### *§ 48-mut*

Aalajangersagaq imarisamigut kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 18-imut assinguvoq.

Imm. 1-imut

Kommunip iluani nunaminertanik atugassiissutigineqartunik nutaanik NIN-imi – Kalaallit Nunaanni Nunaminertanut nalunaarsuiffimmi, nalunaarsuineq nunaminertanik aqutsinermut oqartussaasup pisussaaffigigaa aalajangersakkami aalajangersarneqarpoq. Kommunimi nunaminertat suut atuisinnaatitaaffigineqartutut nalunaarutigineqarsimanersut nunaminertanut oqartussaasumit ilisimaneqarnissaasa pisariaqartutut isigineqarnera tamatumunnga tunngavigineqarpoq.

Imm. 2-mut

Kommunimi nunaminertanik atuisinnaatitaanerit pioreersut ingerlaannartumik misissorneqartarnerat pisariaqartillugulu iluarsineqartarnerat kommunalbestyrelsip pisussaaffigigaa aalajangersakkami aalajangersarneqarpoq, taamaalillunilu kommunimi nunaminertanik atuisinnaatitaanerit kommunip sukkulluunniit nutartikkamik paasisaqarfigisinnaavaa.

#### *§ 49-mut*

Aalajangersagaq kommunimut pilersarusiorneq aamma nunaminertat atorineqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 19-  
imik ingerlatitseqqinneruvoq.

#### *Imm. 1-imut*

Nunaminertanik atugassiisarneq tunngaviusumik pisortat ingerlatsineranni suliassat suliarineqartarnerat pillugu Inatsisartut inatsisaanni kapitali 2-mi, allagaatinik takunnissinnaanermut tunngasumi ilaatinneqartut aalajangersakkami aalajangersarneqarpoq. Tamanna aamma piunasaqaatinut, nunaminertanut atugassiinissamut akuersissutit nalunaarutigneqarnerannut tunngaviusunut atuuppoq.

#### *Imm. 2-mut*

Imm. 1 naapertorlugu nunaminertanik atugassiinerit takuneqarsinnaanermut paasissutissat inunnut tunngasunut ilaanngitsut aalajangersakkami aalajangersarneqarpoq. Nunaminertanik atugassiinerit tamanit takuneqarsinnaanermut pisinnaatitaaffik aamma pisortat ingerlatsineranni suliassat suliarineqartarnerat pillugu Inatsisartut inatsisaanni kapitali 3 naapertorlugu annikillisinneqarsinnaapput.

#### *§ 50-mut*

Aalajangersagaq oqaatsitigut allannguuteqartinneqarluni pilersarusiorneq aamma nunaminertat atorineqartarnerat pillugit Inatsisartut peqqussutaanni nr. 11-imi, 5. december 2008-meersumi § 30-mik ingerlatitseqqinneruvoq.

#### *Imm. 1-imut*

Aalajangersakkami kommunimut pilersaarutit saneqqunneqarnissaanut immikkut ittumik akuersissutit pineqarput aammalu sumiiffinnut pilersaarutit saneqqunneqarnissaannut immikkut ittumik akuersissuteqarsinnaaneq pillugu inatsimmi atuuttumi aalajangersakkanik ingerlatitseqqiinerulluni.

Kommunalbestyrelsi aalajangersagaq manna naapertorlugu, immikkut ittumik akuersineq pilersaarummi tunngaviusunut akerliunngippat, kommunimut pilersaarummi aalajangersakkat sanaqqunneqarnissaannut immikkut ittumik akuersissuteqarnissamut aalajangiisinnaatitaavoq. Tunngaviusut pingaartumik sumiiffiup ilaanut aalajangersimasumut siunertatut aalajangersakkami aammalu atuinissamut aalajangersakkani pilersaarummut siunertaasut aallaavigalugit aalajangersarneqartuni aalajangersagaapput. Tunngaviusunut aamma sumiiffiup ilaata aalajangersimasup aaqqissugaanera ilaavoq, ilanngullugit nunaminertat atorineqartussaannngitsut aammalu illuliortiterfissat agguataarneqarnerat. Taamaattumik sumiiffiup atorineqartussaannngitsutut aalajangerneqarsimasup atorineqarnissaanut immikkut ittumik akuersissuteqartoqarsinnaanngilaq.

Aalajangersakkat erseqqinnerusumik illuliortiterfissat annertussusaannik, ilusilersorneqarnissaannik inissisimaffissaannillu maleruagassiisut nalinginnaasumik pilersaarummi tunngaviusunut ilaaneq ajorput. Tamannali tamatigut atuuttanngilaq: Sumiiffinni allanngutsaaliugassatut eriagineqartuni, illuliornermi kusanartuliornissaq pilersaarutip siunertaanut ilaasimappat, sumiiffimmi illuliornermi kusanartunik isikkoqartitsinissap qularnaarnissaanut, aalajangersakkat illuliornermut maleruagassiisut pilersaarutip siunertaanik piviusunngortitsisinnaapput taamaalillutillu pingaaruteqarluinnarsinnaallutik. Taamaattumik taamaattoqartillugu immikkut ittumik akuersissuteqarnissamut periarfissat killeqartussapput.

#### Imm. 2-imut

Sumiiffiup ilaanut aalajangersimasumut aalajangersakkat maleruagassiisut isumaqatiginninniarnep kingorna imaluunniit Namminersorlutik Oqartussat oqartussaasuunik isumaqatigiissuteqarnikkut aalajangersarneqarsimappata, pilersaarutip saneqqunneqarnissaa oqartussat pineqartut akuersereernerisigut aatsaat pisinnaavoq. Tamannattaq atuuppoq sumiiffimmut aalajangersakkat inatsisit atuuttut naapertorlugit aalajangersarneqarsimappata.

Sumiiffik assersuutigalugu Pinngortitamik illersuinissamik inatsimmi nunaannarmi illersuinissamik killeqarfinni, ilaatigut sinerissap killeqarfianit 100 meterinik ungasissusilimmi sanaartornissamik maleruagassiusumi, pineqartunut ilaasimappat, oqartussat taakku pineqartut akuersiteqqaarlugit aatsaat kommunalbestyrelsi immikkut ittumik akuersissuteqarsinnaavoq aammalu nunaminertamik atugassiinissamik/sanaartornissamut akuersissummik nalunaaruteqarsinnaalluni.

#### Imm. 3-imut

Qinnuteqaat sumiiffiup ilaanut tassunga pilersaarummut tunngaviussamut atuuttumut akerliuppat, kommunalbestyrelsip sumiiffimmut pilersaarummut tunngavissaq iluarsisat pilersissinnaavaa imaluunniit §§ 29 aamma 45 naapertorlugit qinnuteqaat itigartissinaallugu.

#### Imm. 4-imut

Aalajangersakkami aalajangersarneqarpoq, immikkut ittumik akuersissuteqarneq eqqaamiunut pingaaruteqarsimappat, kommunalbestyrelsi saniliusunut kiisalu allanut attuumassuteqartunut suliap inerneranut annertuumik soqutigisaqarsinnaasutut naatsorsuutigineqartunut tusarniaassasoq. Akerliliissuteqarnissamut minnerpaamik sapaatit akunnerinik marlunnik piffissaliussisoqassaaq aammalu piffissaliussaq taanna naareerpat aatsaat kommunalbestyrelsip suliaq inaarutaasumik suliarisinnaavaa.

### § 51-mut

Aalajangersagaq nunaminertat atorpeqarnerat pilersaarusiernerlu pillugit Inatsisartut peqqussutaata allanngortinneqarnera pillugu Inatsisartut peqqussutaat nr. 17, 30. oktober 1992-imeersumi § 31-imut naleqqiullugu allanngortinneqarpoq. Ilanngunneqarpoq pinngitsaaliissummik taarsissutitalimmik arsaarinnissuteqarneq tamanut iluaqusiinissaq siunertaralugu pisartuq. Aammattaq aalajangersakkamut nassuiaatit allanngortinneqarput. Naatsorsuutigineqanngilaq allannguutit aalajangersakkap inatsisitigut imarisaanik allanngortitsissasut.

#### Imm. 1-imut



Aalajangersagaq pinngitsaaliissummik taarsiinertalimmik arsaarinnissuteqartarneq pillugu Inatsisartut inatsisaannut tikuussisuvoq, inatsit taanna pilersaarusionerup piviusunngortinneqarnissaanut pinngitsaaliissummik taarsiinertalimmik arsaarinnissuteqartarneq pillugu inatsisitigut tunngavissanik pisariaqartunik imaqarluni. Pisut ilaanni pilersaarutit piviusunngortinneqarnissaannut pinsinnaatitaaffinnut pioreersunut akuliunnissaq pisariaqarsinnaavoq. Tamanut saqqummiussinissamut maleruagassatigut pilersaarutissatullu siunnersuutit pillugit oqallitsitsinertigut soqutigisat aalajangersimasut imminnut aporaattut taarsiinissamullu kissaatigineqartut siusissukkut saqqummertarnissaat anguniarneqartarpoq, taamaalillutillu pilersaarutit inaarutaasumik ilusilerneqannginneranni ilanngunneqarsinnaanissaat periarfissiniarneqartarluni.

Pinngitsaaliissummik taarsiinertalimmik arsaarinnissuteqartarneq pillugu aalajangersakkap atorneqarsinnaanissaanut pingaaruteqarpoq, sumiiffiup ilaanut aalajangersimasumut aalajangersakkani atunerup/illuliortiternerup pinngitsaaliissummik taarsiinertalimmik arsaarinnissuteqarfigineqartartussatut kissaatigineqartup erseqqissumik nassuiarneqarsimanissaa. Taanna pillugu kommunimut pilersaarut ima sukumiitigisariaqarpoq, nunaminertap pineqartup sumut atorneqarnissaa eqqarsaatigineqarnerseq erseqqissumik allassimasariaqarluni, ilanngullugu illuliorfissanik atuinissaq kiisalu allatut nunaminertanik atuinissaq. Tassani naatsorsuutigineqarpoq pilersaarusiamik piviusunngortisinermi tamat soqutigisaqarnerat tunngavigineqartoq. Pinngitsaaliissummik taarsiissutitalimmik arsaarinnissuteqarnermut atatillugu aamma nunaminertanik atuinissamut aalajangiinermut pinngitsaaliissummik taarsiissutitalimmik arsaarinnissuteqarnissamik pisariaqalersitsisumut pilersaarusionermik tunngaveqartumik tunngavilersuuteqarnissaq piumasaqaataagajuttarpoq, kiisalu kommunimut pilersaarutip imaluunniit kommunimut pilersaarummut tapiliussami aalajangersakkat piviusunngortinneqarnissaannut pisariaqartumut naleqqiullugu pinngitsaaliissummik tunniussinissaq annikinnerpaamiitinneqassasoq piumasaqaataasarluni.

Piumasaqaataanngilaq pilersaarummik piviusunngortitsisut tassaassasut pisortat oqartussat. Pigisaq pinngitsaaliissummik taarsiinertalimmik arsaarinnissutigineqartoq inummut allamut pilersaarummut tunngaviusut imarisai naapertorlugit atuiumasumut taamaalilluni tunniunneqarsinnaavoq.

Imm. 2-imut

Pinngitsaaliissummik taarsiinertalimmik arsaarinnissuteqartarneq pillugu aalajangersakkat, pigisanik aalaakkaasunik arsaarinnissuteqartarneq pillugu Kalaallit Nunaannut inatsit naapertorlugu, suliassa qarfinnut Namminersorlutik Oqartussat akisussaaffigisaannut killiligaavoq. Suliassa qarfinnut Namminersorlutik Oqartussat akisussaaffiginngisaanni Naalagaaffimmit pinngitsaaliissummik taarsiinertalimmik arsaarinnissuteqartarneq, pigisanik aalaakkaasunik arsaarinnissuteqartarneq pillugu inatsit sukulluunniit atuuttoq naapertorlugu pinsinnaavoq.

#### § 52-mut

Aalajangersagaq nunaminertat atorneqartarnerat pilersaarusionerfigineqartarnerallu pillugit Namminersornerullutik Oqartussat nalunaarutaat nr. 23, 18. november 1992-imeersumi § 32-imik ingerlatitseqqineruvoq.

Imm. 1-imut

Aalajangersakkami illuummik imaluunniit atortumik piginnittup pisut ilaanni kommunip pigisamik pineqartumik tamakkiisumik ilaannaasumilluunniit taarsiissuteqarluni tigusinissaanik piumasaqarsinnaanera aalajangersarneqarpoq. Pigisamik aningaasatigut atorluanaissamik periarfissaq aalajangersakkanit kommunimut pilersaarummi aalajangersarneqartunit atuukkunnaarsinneqarpat imaluunniit ajorseriartinneqarpat, aalajangersagaq atorneqarsinnaavoq. Tamanna pisinnaavoq kommunalbestyrelsip illumik isaterinerit imaluunniit allangortiterinerit kommunalbestyrelsimit akuerineqaqqaartassasut piumasarippagu. Illuutit ataasiakkaat imaluunniit illoqarfup ilaasa ataasiakkaat piunnartinneqarnissaannut atatillugu killilersuinerni tamanna ilaatigut atuutissaaq.

#### Imm. 2-imut

Tiguisussaataaneq imm. 2-imi maleruagassami killilerneqarpoq. Aalajangersagaq manna naapertorlugu naliliinissamut, piffissami tigusinissamik piumasaqarnerup saqqummiunneqarnerani pissutsit aallaavigalugit, pissutsit pilersaarut pigineqanngitsuuppat qanorissimassagaluarnerannik assersuussineq tunngaviusaaq.

#### Imm. 3-imut

Aalajangersakkami aalajangersarneqarpoq aaqqiinissamik isumaqatigiittoqanngippat taarsiissutip annertussusaa pinngitsaaliissummik taarsiinertalimmik arsaarinnissuteqartarneq pillugu inatsit tunngavigalugu aalajangerneqassasooq.

### § 53-mut

Aalajangersagaq nutaajuvoq aammalu aalajangersarneqarpoq kommunimut pilersaarusiarnissamut tapiliussamik pilersitsinermut atatillugu aningaasartuutaasut sanatitsisumut akilersinneqarsinnaasut, imaassimappat kommunip pilersaarusiarnissamik pisussaaffia illuliortiternissamik imaluunniit sanaartornissamik ataatsimik pisariaqalersimasooq.

#### Imm. 1-imut

Aalajangersakkami aalajangersarneqarpoq illuliortiternissap imaluunniit sanaartornissap ataatsip kommunip pilersaarusiarnissamik pisussaaffeqarnera atuutsilertussaasimappagu, tak. § 27, imm. 2 aamma 3, kommunip piumasarisinnaagaa, kommunip pilersaarutissatut siunnersuummut pisariaqartumut aningaasartuutai sanatitsisumit akilerneqassasut. Tamatumunnga tunngaviuvoq pilersaarutissatut siunnersuut sanatitsisup piumasaqarneratigut suliarineqassammat aammalu kommunip nalinginnaasumik illoqarfimmut pilersaarusiornernat ilaatigut suliarineqartussaananani. Sanatitsisup aningaasartuutit akilertussaagaluarai, tamanna kommunalbestyrelsip siunnersuut akuerissagaa imaluunniit pilersaarutissatut siunnersuut sanatitsisup kissaataannik imaqaassasooq qularnaveeqqusiinngilaq.

#### Imm. 2-imut

Aalajangersakkami aalajangersarneqarpoq kommunalbestyrelsip pilersaarutissatut siunnersuummik imm. 1 malillugu suliaqarnissaminut qularnaveeqqusiinissaq piumasarisinnaagaa. Aalajangersakkami siunertarineqarpoq, piffissap ingerlanerani illuliornissaq imaluunniit sanaartornissaq piviusunngortinneqarsinnaanngitsoq paasinarsissagaluarpat kommunip annasaqannginnissaa, taamaattoqassappat kommunimut pilersaarutissatut siunnersuut atorneqarsinnaajunnaartussaammat.

#### Imm. 3-imut

Pilersaarusiarnissamik pisussaaffeqarneq illuliornissamik imaluunniit sanaartornissamik ataatsimik nuna tamakkerlugu pilersaarusiornerni aalajangersagaasumik

atorneqartussanngorsimappat imm. 1-imi aamma 2-imi aalajangersakkat atorneqassanngillat, ilanngullugit Naalakkersuisut nalunaarutigisaat inuiaqatigiinni annertuumik soqutiginaatillit, tak. § 5. Aalajangersakkamut tassunga tunngaviuvoq kommunit pilersaarsiornerminni nuna tamakkerlugu soqutigisanik isiginnittussaanerat tamannalu tunngaviatigut kommunimut ataatsimoortumik tapiissutitigut aningaasalersorneqartussaalluni.

#### *§ 54-mut*

Aalajangersagaq nutaajuvoq, aammalu akitsuutininik, nunaminertanik atugassinneqarnissamik qinnuteqaatit nunaminertanut oqartussaasup Inatsisartut peqqussutaat naapertorlugu suliarineqartarnerinut aningaasartuutininut matussutissatut siunertaqarfiusunik akiliisitsiniarnissamut tunngaviliilluni. Akitsuut nunaminertanut oqartusaasumit aalajangerneqassaaq, aammalu kommunip suliamik suliaqarneranut matussusiissalluni, tassungalu ilaapput qinnuteqaatip immersorneqarneranut atatillugu ilitersuineq, paasissutissanik pissarsineq pissarsiniarnerlu, digitaliseeriineq, aalajangiineq, nalunaarsuineq nakkutilliinerlu, tamanut saqqummiineq kiisalu immaqa §§ 44-miit 49-mut imaluunniit § 50 naapertorlugit oqartussaasunut kalluarneqartussanut imaluunniit eqqamiunut tusarniaaneq.

Kommunalbestyrelsip akitsuutip annertussusissaa kommunimi malittarisassani aalajangissavaa. Tamatumunnga atatillugu illoqarfinni nunaqarfinnilu qinnuteqaatit, illoqarfiit nunaqarfiillu avataannut qinnuteqaatit, piffissalikkamik nunaminertanik atugassiisarnerit, qinnuteqaatit kommunimi pilersaarummi aalajangersakkanik saneqqutsinissamik pisariaqartitsiviusut, taamaattumillu § 50 naapertorlugu sanilinut tusarniaassutaasussat il.il. assigiinngitsunik akeqartillugit akitsuutip annertussusissaata allanngorartuussanersoq kommunip aalajangersinnaavaa.

Qinnuteqartoq qinnuteqaammi kommunalbestyrelsimut nassiunneqartumi annertunerusumik annertuumilluunniit allannguisimappat, allannguinerullu kingunerisaanik qinnuteqaat nutaamik ilusilerneqartariaqarpat, kommunalbestyrelsi suliamik suliaqarnerminut akitsuummik nutaamik akiliisitsinissamik piumasaqarsinnaavoq.

Akitsuut, nunaminertamik atugassinneqarnissamik qinnuteqaat § 27, imm. 2 aamma imm. 3 naapertorlugit pilersaarusiornissamut pisussaaffimmik aallartitsissutaagaluarpalluunniit, sumiiffiup ilaanut pineqartumut kommunip pilersaarusiornissamut tunngavissamik suliaqarneranut matussusiisussaannigilaq. Tamatumunnga aningaasartuutit kommuninut ataatsimoorussamik tapiissutit aqutigalugit akilerneqartarnerisa ingerlaannarnissaa naatsorsuutigineqarpoq, taamaattorli tak. § 53. Akitsuut kommunip karsianut tutsinneqassaaq.

#### *§ 55-imut*

Aalajangersagaq nutaajuvoq, aammalu § 54 naapertorlugu kommunip akitsuutininik akiliisitsisarnissaanut kiisalu akitsuutip annertussusissaanik aalajangersaasinnaannissaannik tunngavissiilluni. Uani ilaatigut eqqarsaatigineqarpoq akitsuutip § 54 naapertorlugu akiligassiissutigineqartup annertussusaani annerpaaffissaliilluni aalajangersaasinnaanermut periarfissaqarnissaq.

#### *§ 56-mut*

Aalajangersagaq pilersarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 36-mut naleqqiullugu allanngortinneqarpoq.

Taamaalilluni imm. nutaaq ilanngunneqarpoq, tassani aalajangersarneqarluni kina naammagittaalliornissamut piginnaatitaanersoq. Aammattaaq aalajangersakkami imm. 6 ilassuserneqarpoq, naammagittaalliuutit Kalaallit Nunaanni Eqqartuussivik siullertut suliaakkiissuteqarfiulluni naammagittaalliortoqarsinnaasoq. Allanguutit suliaasaqarfimmi suleriaatsinik maannamut atuuttunik imarisamigut allannguuteqartitsinngillat.

Imm. 1-imut

Aalajangersakkami pilersaarutitut aamma nunaminertanut naammagittaalliuteqartarfiup pilersinneqarnissanut pisussaaffeqarneq tunngavissinneqarpoq.

Imm. 2-imut

Aalajangersakkami aalajangersarneqarpoq pissutsit inatsisinik tunngaveqartut pillugit aalajangiinerit kisimik naammagittaalliutigineqarsinnaasut. Pilersaarutitut aamma nunaminertanut naammagittaalliuteqartarfik kommunalbestyrelsip aalajangiinerinik naammagittaalliuutinik suliarinnittartussa q pilersinneqassaaq. Tamannali pinngitsaaliissummik taarsiinertalimmik arsaarinnissuteqartarneq pillugu aalajangiinernut atuutinnigilaq, taakkua Naalakkersuisut pinngitsaaliissummik taarsiinertalimmik arsaarinnissuteqarnermut ataatsimiititaliaannit aalajangiiffigineqartarmata.

Assersuutigalugu pissutsit inatsisinik tunngaveqartut makkua naammagittaalliutigineqarsinnaapput:

- Pilersaarutitut inatsit aamma kommunimut pilersaarut eqqortumik nassuiarneqarsimanersut pillugit apeqqutit, tassunga ilanngullugu immikkut ittumik akuersissut pilersaarutip tunngaviinut akerliunersoq.
- Illuliorneq imaluunniit sanaartorneq sumiiffiup ilaanut aalajangersimasumut pineqartumut sukumiisumik aalajangersagaliornissamut pisussaaffeqartitsilernersoq pillugu apeqqutit.
- Kommunip peqqusissutaasa inerteqqutaasalu qanoq nassuiartariaqarnerannik apeqqutit.
- Kommunimut pilersaarut pilersarusiornermut inatsimmi piumasarineqartutut imaqarnersoq pillugu apeqqutit.
- Kommunimut pilersarusiornermut, kommunimut pilersaarummut tapiliussaliornermut, immikkut ittumik akuersissuteqarnermut imaluunniit nunaminertamik atugassiinermut atatillugu suleriaatsit aalajangiisinnaatitaanerlu pillugit maleruagassat malinneqarnermut pillugu apeqqutit.

Maalaarummik suliaqarnermut atatillugu pilersaarutitut aamma nunaminertanut naammagittaalliuteqartarfiup nalilertarpaa, inatsisini ingerlatsinermut tunngasuni suliamut peqataasinnaatitaaneq, attuumassuteqartunik tusarniaaneq, naligiisitsinissaq il. il. pillugit maleruagassat malinneqarsimanersut.

Pilersarusiornermut inatsit malinneqarsimappat pilersaarutitut aamma nunaminertanut naammagittaalliuteqartarfiup kommunip naliliisimanera isummerfigisinnaanngilaa.

Imm. 3-imut

Naammagittaalliuteqarneq tulluarnersoq pillugu apeqqummut pilersaarutitut aamma nunaminertanut naammagittaalliuteqartarfik aalajangiisussaaq.

Naammagittaalliornissamut pisinnaatitaasoq tassaapput inuk imaluunniit inuit toqqaannartumik kalluarneqartut aammalu kinaluunniit suliap inerneranut nammineerluni imaluunniit annertuumik soqutigisaqartut naatsorsuutigineqarsinnaasoq. Oqaaseqatigiiliornermi ”aalajangiineq kimut sammitinneqartoq” isumagineqarpoq kommunip aalajangiineranut aalajangersimasumik tiguisusaaq. Oqaaseq aalajangiineq pisortat ingerlatsineranni nalinginnaasumi paasineqartartut paasineqassaaq aammalu tusarniaanerit, tamanut saqqummiinerit imaluunniit tamanut ammasumik nalunaaruteqarnerit ilaatinneqanngillat. Tiguisusaaq tassaagajuttarpoq nunaminertamik atuisoq, nunaminertamut qinnuteqartoq, nunaminertamut pisinnaatitaasoq imaluunniit atortumik imaluunniit illumik piginnittoq.

Oqarnermi ”kinaluunniit suliap inerneranut nammineerluni imaluunniit annertuumik soqutigisaqartut naatsorsuutigineqarsinnaasoq kinaluunniit suliap inerneranut nammineerluni imaluunniit annertuumik soqutigisaqartut naatsorsuutigineqarsinnaasoq” paasineqassaaq inuit ataasiakkaat aammalu inuit pisussaatitaasut pisinnaatitaasullu, pilersaarutitut nunaminertanullu naammagittaalliuteqartarfimmit ataasiakkaatigit naliliinermi suliameqartum peqataasut isigineqartut. Aalajangersakkami naammagittaalliortoq kommunimut pilersaarummut tapiliussamik pilersitsinerim suleriaatsimik naammagittaalliuteqartoq assersuutigalugu pineqarpat, inuit pineqartut assigiinngitsuusinnaasut periarfissinneqarpoq. Kisiannili assersuutigalugu nunaminertamik atugassiineq aalajangersimasooq naammagittaalliutigineqarpat, illuni saniliusuni piginnittoq il.il. kisimi imm. 3, nr. 2 malillugu naammagittaalliornissamut piginnaatitaasuugajussaaq.

Taamaalilluni naammagittaalliornissaaq inuinnarnut, soqutigisaqatigiinnut imaluunniit inuiaqatigiinni inuit ilaannut, malitsigisaanik, nalinginnaasumik imaluunniit tunngaviatigit suliap aalajangersimasup inerneqarnissaanut soqutigisaqartunut periarfissiinngilaq.

Imm. 4-imut

Pilersaarutitut aamma nunaminertanut naammagittaalliuteqartarfimmut suliaqatigineqarnissamut piffissarititaasoq kommunalbestyrelsen aalajangiinerminik nalunaaruteqareernerata kingorna sapaatit akunnerinik 8-inik killilerneqarpoq.

Kommunimi aalajangiinerit pillugit naammagittaalliuteqarnissamut piffissarititaasoq aalajangiunneqarpoq, sanatitsisup nunaminertamut atugassiissummut atuuttumut naapertuuttumik sanaartugassatut pilersaarumminik piviusunngortitsinnaanissaanik qularnaariffigineqarsinnaanissaa siunertaralugu. Sanatitsisup imaluunniit pigisamik piginnittup taamaalilluni piffissap aalajangersimasup qaangiunnerani nalujunnaassavaa sanaartugassani piviusunngortinneqarsinnaassanersoq.

Imm. 5-imut

Aalajangersakkami aalajangersarneqarpoq, kommunip aalajangiinera taanna naammagittaalliutigineqarsimappat, inuk akuersissummik tunineqartoq, ilanngullugu kommunimi pilersaarusiornermut oqartussamit immikkut ittumik akuersissut, pilersaarusiornermut nunaminertanullu naammagittaalliuteqartarfimmit ilisimatinneqassasoq. Assersuutigalugu saniliusup pigisap nunaminertaata illuliorfigineqarnerata allilerneqarnissaanut nunaminertamik atugassiisuteqarneq naammagittaalliutigippagu, piginnaatitaaffimmik pigisaqartoq saniliusup naammagittaalliuteqarneranik

ilisimatinneqassaaq. Kommunip aalajangiinera naammagittaalliuutigineqaraluartoq akuersissummik tigusaqartoq suliap inerneranik annertuumik immikkullu ittumik soqutiginnissasoq naatsorsuutigisariaqarpoq.

*Imm. 6-imut*

Aalajangersakkami aalajangersarneqarpoq pilersaarutinut aamma nunaminertanut naammagittaalliuuteqartarfiup aalajangiineri aqutsinermi oqartussanut allanut ingerlateqqinneqarsinnaanngitsoq. Pilersaarutinut aamma nunaminertanut naammagittaalliuuteqartarfik eqqartuussisuunngimmat naammagittaalliuuteqartarfiup aalajangiineri tunngaviusumik inatsimmi § 63 naapertorlugu tamatigut eqqartuussisunut ingerlateqqinneqarsinnaassapput.

*§ 57-mut*

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 37-mik ingerlatitseqqinneruvoq aammalu kommunalbestyrelsip akuersissuteqarluni nalunaarutaanik kinguartitsinissamik sunniuteqartitsisoqarsinnaasoq aalajangersarlugu.

Aalajangersakkami tunngavissinneqarpoq kommunalbestyrelsip aalajangiineranut naammagittaalliuutaasoq, tak. § 56, kinguartitsinermik sunniuteqartinneqarsinnaasoq, illuliorneq imaluunniit sanaartorneq, ilanngullugu isaterineq, naammagittaalliuuteqarnerup aalajangiiffigineqarnissaata tungaanut unitsikkallarneqassalluni.

Naammagittaalliuuteqarneq kinguartitsinermik sunniuteqartinneqassanersoq pillugu aalajangiineq immikkut ittumik naliliiffigisassaavoq, naammagittaalliuuteqartarfiup suliani ataasiakkaani pisut aallaavigalugit isummerfigisassaralugu.

Naammagittaalliuuteqarneq kinguartitsinermik sunniuteqartinneqarsinnaanersoq sunniuteqartinneqartariaqarnersorlu, naammagittaalliornerup naammagittaalliornermini ilalernerneqarnissaata ilimanaateqarnera aallaavigalugu naliliiffigineqassaaq. Aammattaaq akuersissutip atorneqaannarneratigut kingusinnerusukkut pissutsit inatsisinut naapertuuttunngorlugit iluarsiinissaq ajornakusuulissasoq imaluunniit ajornarsivissasoq ilimanaateqarnerneqarnersoq naliliiffigineqassaaq.

Akuersissutinik oqariaatsimi pineqarput akuersissutit, akuersinerit, ilanngullugit immikkut ittumik akuersissutit aamma peqqusinerit. Pilersaarutissatut siunnersuutit pillugit naammagittaalliuutit akerlianik kinguartitsinermik sunniuteqartinneqarsinnaanngillat.

*§ 58-mut*

Aalajangersagaq nutaajuvoq aammalu pilersaarutinut aamma nunaminertanut naammagittaalliuuteqartarfiup maleruagassanik erseqqinnerusunik aalajangersaanissaq tunngavissillugu. Aalajangersakkakut pilersaarutinut aamma nunaminertanut naammagittaalliuuteqartarfiup katitigaanera, allattoqarfeqarnermi sullinneqarnera akissarsiaqartinneqarneralu il. il. pillugit erseqqinnerusunik aalajangersaanissaq periarfissinneqarpoq.

*§ 59-mut*

Aalajangersakkami imm. 1 aamma 2 pilersaarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 39-mik ingerlatitseqqinnerupput.

Aalajangersakkami imm. 3 nutaajuvoq. Tamatuma kingorna pilersaarusiornermut oqartussaasoq pisussaavoq, isernissamik piumasaqarnermut tunngaviusoq pillugu nunaminertamik atuisoq imaluunniit illuummik piginnittoq ilisimatissallugu.

Imm. 1-imut

Aalajangersakkami Naalackersuisut pilersaarusiornermut oqartussaasuinut aamma kommunip pilersaarusiornermut oqartussaasuinut nunaminertamik atugassiissutaareersumik aamma pigisamut inummik pigineqartumut tummarsinnaatitaaffiliisoqarpoq, ilaatigut nuna tamakkerlugu aamma kommunimut pilersaarusiornermut piareersaanermut atatillugu.

Tunngaviusumik inatsimmi § 72 pingaarnertut maleruagassaavoq, taanna malillugu inigisaq innimigineqartussaalluni. Taamaattumik pinngitsaaliissummik isersinnaanissamut sioqqutsisumik eqqartuussivimmi aalajangiisoqarsimassaaq.

Aalajangersakkami pigisamut nakkutilliiniarluni isersinnaanissaq pineqarpoq, tassani qulakkeerniarlugu illuliortiterneq aammalu nunaminertamik atuineq tamatumunnga maleruagassatut aalajangersakkanut naapertuuttumik ingerlanneqarnersut aaqqissuunneqarnersullu, ilaatigullu pilersaarusiornermut teknikkikkut piareersaanermut atatillugu isersinnaaniarluni.

Imm. 2-imut

Aalajangersakkami imm. 2-mi siunertarineqarpoq innuttaasut inatsisitigut illersugaanissaasa qularnaarneqarnissaa. Aalajangersakkap pissusissamisuunngitsumik atonerlunneqarsinnaanera pinngitsoortinniarlugu, pigisamut namminerisamik pigineqartumut isernissaq piumasarineqartillugu, Naalackersuisut pilersaarusiornermut oqartussaasuata imaluunniit kommunimi pilersaarusiornermut oqartussaasup tamanna piumasarineqartillugu kinaassutsimik ilisarnaammik takutitsisussaanera piumasaqaataavoq.

Imm. 3-mut

Aalajangersakkami imm. 1-imi oqartussaasut isersinnaatitaanissamik piumasaqarnerannut atatillugu, piginnittoq imaluunniit pisinnaatitaaffimmik pigisaqartoq pisussaavoq tamanna pillugu tunuliaqutaasumik ilisimatitsissalluni. Tassani pingaartumik § 60 naapertorlugu kommunip nakkutilliisussaaneranut atatillugu isernissaq piumasarineqarnersoq, imaluunniit kapitali 4 aamma 5 naapertorlugit isernissamik piumasaqarneq kommunip pilersaarusiornissaanik tunngaveqarnersoq pillugu ilisimatitsisarnissaq eqqarsaatigineqarpoq.

#### *§ 60-mut*

Aalajangersagaq imarisamigut pilersaarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 40-mut naleqqiullugu allangortinneqarpoq. Nunaannarmi nunaminertanut oqartussaanagerup tunniunneqarnerata malitsigisaanik, tak. peqqussummi § 37, kommunalbestyrelsip nakkutilliisussaatitaanera kommuneqarfimmut tamarmut annertusineqarpoq. Aammattaaq aalajangersakkami imm. 2 allangortinneqarpoq, taamaalilluni maannakkut kommunalbestyrelsip sanaartornikkut imaluunniit inatsisitigut inatsisinut naapertuuttunngortitsisoqassanersooq nammineerluni aalajangersinnaalerlugu.

### Imm. 1-imut

Kommunalbestyrelsi inatsimmi matumani maleruagassat imaluunniit aalajangersakkat peqqussummi tunngaveqarluni aalajangersarneqartut malinneqarnersut nakkutigissallugu pisussaaffeqarpoq. Tassani taamatuttaaq pineqartut maleruagassat § 66 malillugu attatiinnarneqartut. Kommunalbestyrelsip inatsisunik unioqqutitsineq paasigunikku taamaalilluni pissutsit inatsisinut naapertuuttunngortinniarnissaat pisussaaffigaa.

Nakkutilliisussaataaneq kommunalbestyrelsip suliniuteqarnissaanik imaqarpoq. Taamaalilluni naleqquttumik akuttussusilimmik kommunimi sumiiffiit ilai aalajangersimasut misissorneqartassapput takuniarlugu maleruagassat atuuttut malinneqarnersut. Pilersaarusionermut/nunaminertanut oqartussat nakkutilliinermi pissutsinik inatsisunik unioqqutitsisunik paasisaqarunik, nalilissavaat atuneq pineqartoq qanoq sivisutigisumik ingerlasimanersoq, ilanngullugu kommunalbestyrelsi iliuuseqarani pissutsinut inatsisunik unioqqutitsisunut isiginnaartuunnarsimanersoq. Aalajangiineq pisinnaatitaaffimmik pigisaqartumut akerliusoq, inatsimmi § 56 naapertorlugu naammagittaalliutitut suliaqartut isiginnarsinnaassaaq.

### Imm. 2-imut

Aalajangersagaq nutaajuvoq, tassanilu kommunalbestyrelsip nakkutilliisussaataanini tunngavigalugu illuummik piginnittumut imaluunniit nunaminertamik atuisumut pissutsinik, inatsisinut imaluunniit taanna tunngavigalugu maleruagassanik unioqqutitsisiviusunik iluarseeqqullugu peqqusisarnissaa erseqqissarneqarpoq. Oqaaseq ”nunaminertamik atuisoq” aalajangersakkami inuit nunaminertamik atugassiisutiginerartumut atuisut tamarmik pineqarnerannik paasineqassaaq, tassani nunaminertamik atugassiisoqarsimanera atugassiisoqarsimannginneraluunniit apeqqutaatinnagu.

Kommunalbestyrelsip peqqussuteqarnerminut atatillugu sanaartukkap ingerlanneqartup unitsinneqarnissaa piumasarisinnaavaa.

Aalajangersakkami kommunip peqqussutaata naammassineqarnissaanut piffissaliisoqanngilaq, imaluunniit peqqussuteqarnikkut pissutsinik inatsisunik unioqqutitsisiviusunik suliatigut inatsisitigulluunniit aaqqiinissaa piumasarineqarani. Suliatigut aaqqiisoqassanersoq, tassalu illumi sanaartukkamiluunniit allannguisoqassanersoq isaterisoqassanersorluunniit, imaluunniit akuersissuteqarnikkut saneqqutisinnamilluunniit akuersissuteqarnikkut inatsisunik malinnittunngortitsisoqassanersoq sulianut aalajangersimasumik naliliinikkut aalajangiisoqassaaq. Ataatsimulli isigalugu piginnittoq pisinnaatitaaffimmilluunniit pigisaqartoq qinnuteqarsimatillugu akuerineqarnissaa ilimanaateqarluinnarpat, suliamik inatsisinut malinnittunngortitsisoqarsinnaasoq ilimagineqarsinnaavoq. Kommunalbestyrelsip peqqussutaanik naammassinninnissamut piffissaliinermi aamma pissutsit aalajangersimasut eqqarsaatigalugit naliliineq apeqqutaatinneqassaaq.

### Imm. 3-imut

Nakkutilliinermi pineqarput inerteqqutinik peqqusissutinillu Inatsisartut inatsisaat naapertorlugu aalajangiunneqarsimasunik eqquutsitsineq, ilanngullugit naammagittaalliutinik suliaqarnermut imaluunniit aalajangiinernut, tak. §§ 56 aamma 57, atatillugu aalajangiinerit naammagittaalliutinut oqartussanit imaluunniit eqqartuussinikkut aalajangiunneqarsimasut. Aammattaaq nakkutilliinermi pineqarput atugassarititaasussatut akuersissuteqarnermut immikkullu ittumik akuersissuteqarnermut atatillugu aalajangersagaasimasinnaasut, ilanngullugit nunaminertanik atugassiinerit.



### § 61-mut

Aalajangersagaq pilersaaruserneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 41-mik allanngortitsivoq. Nunaminertat atorneqartarnerat pilersaaruserfigineqartarnerallu pillugit Namminersornerullutik Oqartussat nalunaarutaat nr. 23, 18. november 1992-imeersumi § 46, imm. 1 siusinnerusukkut atuuttoq malillugu Naalakkersuisut taamaallaat naammagittaalliuuteqarnermut atatillugu kommunalbestyrelsimut pissutsinik inatsisunik unioqqutitsisunik inatsisinut naapertuuttunngortitsinissamik peqqusissuteqarsinnaasimasut, tunngavissaq taanna allanngortinneqarpoq. Tamatumunnga tunngaviuvoq Naalakkersuisut siunissami naammagittaalliuutinut oqartussaajunnaartussaammata. Peqatigisaanik siusinnerusukkut tunngaviusimasoq Naalakkersuisut naammagittaalliorqartillugu pissutsinik ilisimaarinnilernissaannik oqariartuuteqartoq, annertuumik killiliisartoq paasineqarsimavoq. Tamanna tunngavigalugu aalajangersakkap oqaasertaa allanngortinneqarpoq, taamaalilluni Naalakkersuisut pissutsinut pineqartunut ilisimaarinnilersimanissaat siunissami piunasaqaataajunnaarluni.

Aalajangersakkami imm. 1 oqaaseqatigiit aappaat kiisalu imm. 2 oqaatsitigut allannguuteqartinneqarlutik nunaminertat atorneqartarnerat pilersaaruserfigineqartarnerallu pillugit Namminersornerullutik Oqartussat nalunaarutaat nr. 23, 18. november 1992-imeersumi § 46, imm. 1 oqaaseqatigiit aappaannik aamma imm. 2-imi ingerlatitseqqiinerupput.

#### Imm. 1-imut

Naalakkersuisut pissutsinik unioqqutitsisunik paasisaqarunik, kommunalbestyrelsi nakkutilliisussaataaernerminnik isumaginnilluni pissutsinik taakkunanga inatsisinut naapertuuttunngortitsiniarnissaanik Naalakkersuisut nammineeqlutik peqqusinnaavaat. Naalakkersuisut aamma tassunga atatillugu aalajangersinnaavaat inatsisinut naapertuuttunngortitsinissaq qanoq ittoq kommunalbestyrelsip naammassiniassagaa.

Tassunga uiggiullugu Naalakkersuisut aamma kommunalbestyrelsi peqqusinnaavaat peqqussut manna naapertorlugu pinngitsoortinneqarsimasut inatsisinut naapertuuttunngorteqqullugit, assersuutigalugu kapitali 7 naapertorlugu kommunimut pilersaarusernermi periaasissamik tamanut saqqummiussinngitsoorsimaneq.

#### Imm. 2-imut

Aalajangersakkami Naalakkersuisut nunaminertamik unioqqutitsisumik atugassiisimaneq imaluunniit nunaminertamik atuneq pillugu suliameq illuliorneq imaluunniit nunaminertamik atuneq nammineeqlutik inatsisinut naapertuuttunngortinniarlugu aalajangersinnaaner at ammaanneqarpoq. Tamatumunnga tunngaviusaaq illuliorneq imaluunniit nunaminertamik atuneq naammassereersimassasoq kiisalu pilersaarusernermi pingaartinneqartussanut naapertuutissasoq, ilanngullugu pilersaarusernermi innuttaasut peqataatinneqarnissaannik pingaartitsineq.

### § 62-mut

Aalajangersagaq pilersaaruserneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 42-mut maannamut atuuttumut naleqqiullugu allanngortinneqarpoq. Nutaatut, kommunalbestyrelsip inatsisunik

unioqqutitsinermut atatillugu allaffissornikkut pinngitsaaliissumik akileeqqusissuteqarsinnaanera kiisalu inatsisinut naapertuuttunngortitsinissamik kommunimit peqqusissuteqarsinnaaneq aalajangersakkami tunngavissinneqarpoq.

#### Imm. 1-imut

Aalajangersakkami peqqusissuteqarluni imaluunniit pissutsinik inatsisinik unioqqutitsisunik iluarsiviginninnissamik nalunaaruteqarnerup malinneqarnissaa pineqarpoq.

Aalajangersakkamik unioqqutitsineq pingaartumik tassaassaaq akuersissummik peqarani illuliortiterneq, ilanngullugu inerteqquteqarallarnermik unioqqutitsineq aammalu atugassarititaasunik ataasiakkaanik assigiinngitsunik, akuersissuteqarnermut atatillugu piumasarineqarsimasunik unioqqutitsinerit.

#### Imm. 2-imut

Illumik piginnittoq imaluunniit nunaminertamik atuisoq § 60, imm. 2 naapertorlugu peqqussutinik naammassinninngippat, tamanna ingerlaannartunik akiligassiinerit, pinngitsaaliissutitut akiliisitsissutit atorlugit pinngitsaaliissuteqarnikkut pissutsit unioqqutitsisut iluarsineqarnissaannik piumasaqartoqarsinnaavoq. Taanna inatsisinik unioqqutitsinerugaluartoq attatiinnarnissaa aningaasatigut annertuumik soqutiginaateqartutut isigineqarsinnaasarnernannut naleqqiullugu, pinngitsaaliissuteqarnissamut sakkussatut pisariaqartutut isigineqassaaq. Pinngitsaaliissummik akiligassiinerit ullormoortuusinnaapput, sapaatit akunnikkaarsinnaallutik imaluunniit qaammatikkaartuullutik.

Akiligassiinissamut inatsisitigut tunngaviusut siornatigut eqqartuussivikkut aalajangerneqartarput. Allaffissornikkut pinngisaaliissummik akiligassiisarnissamut kommunalbestyrelsip tungaaniit kissaateqarnermut paasinnittaaseq una tunngavigineqarpoq: Kommunimi peqqussutip atuutsinniarneqarnerani eqqartuussivinni aalajangiinikkut akiligassiisoqarsinnaanersooq pillugu aalajangiinissaaq utaqqineqassappat, tamatumani inatsisit malillugit iluarsisinnaanermut suliaasaq annertuumik kinguartinneqassaaq. Tamanna pissappat sanaartukkat amerlanerpaartaat naammassineqareersimassapput atorneqalereersimassallutillu. Taamaalilluni nalilinnik asuliinnartitsisarnermik isiginneriaaseq nalinginnaasooq timitaasa inatsisit malillugit iluarsinissaannut ajornakusoortitsilertussaavoq.

Pinngitsaaliissummik akiligassiissutit pissutsit inatsisinik unioqqutitsisut pilersinneqarsimasut nalingannut naleqquttunngorlugit annertussusilerneqartartussaapput, taamaattumik suliami sanaartornermut aningaasartuutaasumut naleqqussarneqartariaqarput. Kiisalu unioqqutitsinerup suunera pingaartinneqartariaqarpoq, taamaalillunilu inatsimmik unioqqutitsineq kommunip immikkoortunut maligassatut aalajangersagaanik saneqqutsinermut pingaarnerutinneqartariaqarlutik.

#### Imm. 3-imut

Allaffissornikkut akiligassiissutit suliarineqarnerannut atatillugu innuttaasut inatsisitigut isumannaatsuunissaat qulakkeerniarlugu, kommunit pisussaapput tamatumunnga peqatigitillugu § 63, imm. 2 naapertorlugu suliaakkiissuteqassallutik.

#### Imm. 4-imut

Akiligassiissutit allaffissornikkut akiligassiissutigineqartut kommunip karsianut tutsinneqassapput.

§ 63-mut

Aalajangersagaq imarisamigut oqaaseqatigiiliorneqarnermigullu allannguuteqartinneqarluni, pilersarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 43-mik ingerlatitseqqinneruvoq. Suliassaqarfimmi aalajangersakkamut siusinnerusukkut atuuttumut naleqqiullugu, kommunimut pilersarutit utaqqiisaasumik aamma inaarutaasumik inatsisitigut sunniuteqarnissaat unioqqutikkaanni pineqaatissiinissamut periarfissaq erseqqissarneqarpoq.

#### Imm. 1-imut

Aalajangersakkami akileeqqusissuteqarnissamik imaluunniit Inatsisartut peqqussutaanni aalajangersakkat unioqqutinneqarneranni pineqaatissiisuteqarnissamik periarfissaqarneq pineqarpoq.

Aalajangersakkami maleruagassat taaneqartut unioqqutinneqarnerisa kingunerisaannik akiligassiisutit annertussilerneqarneranni, pineqartup aalajangersakkamik unioqqutitsinermini aningaasatigut iluaqutissarsisimanera, iluaqutissarsiniarnissamik siunertaqarsimanera imaluunniit pineqartup unioqqutitsinermigut soqutigisaminik aallussiniarsimanera immikkut pingaartinneqartariaqarpoq.

#### Imm. 2-imut

Aalajangersakkap oqaaseqatigiiliornera nutaajuvoq. Taamaattorli aalajangersakkap inatsisitigut imarisaagut allannguuteqanngitsoq naatsorsuutigineqarpoq. Aalajangersakkami aalajangersarneqarpoq unioqqutitsisoq suliffeqarfiusimappat, tamakkiisumik ilaannaasumilluunniit Naalagaaffimmit, Namminersorlutik Oqartussanit, kommunimit imaluunniit kommunit ataatsimoorfiinit, aktiaatileqatigiiffimmit, pigisaqatigiiffimmit, piginneqatigiiffimmit, assigisaannilluunniit pigineqartoq, suliffeqarfik il.il. taamatut akisussaatinneqarsinnaavoq.

Inatsisitigut pisinnaatitaasut pisussaatitaasullu pineqaatissinneqarsinnaasunut ilaalersinneqarnissaat siunertaralugu aalajangersagaq siusinnerusukkut pineqaatissiinissamut aalajangersakkamut naleqqiullugu allannguuteqartinneqarpoq.

#### Imm. 3-imut

Eqqartuussissut malinneqanngippat, pilersarusiornermut oqartussaq imminut ikiornissamut iliuseqarluni piginnittup akiligaanik pissutsit iluarsinnaavai.

Pilersarusiornermut oqartussap pissutsinik piginnittup akiligaanik iluarsinnaanissaanut tunngavissat tulliuttuni taaneqartut tamarmik eqquutsinneqarsimassapput:

1. Pissutsit inatsisinik unioqqutitsisut iluarsinissaannut peqqusissut eqqartuussinikkut nalunaarutigineqartoq eqqartuussisummi piffissarititassatut aalajangiunneqartup iluani malinneqarsimanngippat aamma
2. Pinngitsaaliissutit akiliisitsissutinik akiliisitsiniarnerit pissutsit iluarsineqarnerinik kinguneqarsimanngitsutut isigineqarpata.

Aammattaaq naleqqatigiisitsinissamik tunngavisoq malillugu akuliunneq taamaaliornikkut angusassamut naleqqiullugu naapertuuttuusussaavoq. Naleqqatigiisitsinissamik tunngavisoq taanna imminut ikiorniarluni iliuseqarnermi suliassap sularineqarneranut taamatullu aningaasatigut kingunerisassaannut atuuppoq.

#### § 64-imut

Aalajangersagaq nutaajuvoq. Imm. 1 imamigut nunaminertanik atuineq pilersaarusiortarnerlu pillugit Inatsisartut peqqussutaanni nr. 6-imi, 19. december 1986-imeersumi § 6, imm. 3-mut assinguvoq.

#### Imm. 1

Pilersaarusiortarnermut inatsisit imaluunniit inatsisitigut maleruagassat, inatsit tunngavigalugu suliarineqarsimasut uniorlugit atuisinnaatitaaneq atorineqarpat, atuisinnaatitaanerup atorunnaarsinneqarsinnaanera aalajangersakkami aalajangerneqarpoq. Nunaminertami pineqartumi atuisinnaatitaanerup atorunnaarsinneqannginnerani, kommunalbestyrelsip pisinnaatitaaffinnik pigisaqartumut pissutsinik iluarseeqqusilluni piumasaqarnissamut pisussaataaffilerneqarneratigut aalajangersagaq erseeqqissarneqarpoq.

#### Imm. 2-imut

Aalajangersagaq nutaajuvoq. Nunaminertamik atuisinnaatitaanerup atorunnaarsinneqarnissaanik aalajangiineq atuisinnaatitaasumut annertuumik innarliinertut isigineqarsinnaammatt, § 63 naapertorlugu suliakkiisoqarsimappat imm. 1 naapertorlugu aalajangiiffigineqarnissamut eqqartuussiviit aalajangiinnerat utaqqineqartussaavoq.

### § 65-mut

Aalajangersagaq nutaajuvoq aammalu peqqussutip ulloq atuutilerfissaanik aalajangersaaviulluni, ilanngullugu nunaannarmi nunaminertanut pilersaarusiortarnermut nunaminertanullu aalajangiisinnaatitaanerup tunniunneqarnissaa.

#### Imm. 1-imut

Inatsisartut inatsisaat 1. januar 2011 atuutilissasoq naatsorsuutigineqarpoq.

#### Imm. 2-imut

Aalajangersakkakkut pilersaarusiortarnermut aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-imeersoq, Kalaallit Nunaanni savaateqarnermut nunaminertamik atugassiisarneq pillugu Kalaallit Nunaannut Ministeriaqarfiup nalunaarutaa nr. 538, 27. juli 1979-imeersoq aamma kommunimut pilersaarusiortarnermut aamma nunaminertat atorineqarnerat pillugit Namminersornerullutik Oqartussat nalunaarutaat nr. 7, 26. februar 2009-imeersoq atorunnaarsinneqarput.

Tassalu maleruagassat uku siunnersuutip atuutilernerani atuutiinnassapput:

Kommunini pilersaarusiortarnermi eriagisassatut eqqarsaatigineqartussat isumagineqartarnerat pillugu Namminersornerullutik Oqartussat nalunaarutaat nr. 31, 30. oktober 1991-imeersoq.

### § 66-mut

#### Imm. 1-imut

Aalajangersakkami aalajangersarneqarpoq, maleruagassat atugassarititaasussallu pilersaarusiortarnermut nunaminertanullu suliaasaqarfimmi inatsit siusinnerusukkut atuuttoq tunngavigalugu aalajangersagaasut atuutiinnassasut, atorunnaarsinneqarnissamik imaluunniit Inatsisartut inatsisaat manna imaluunniit inatsisit allat tunngavigalugit maleruagassanik atugassarititaasussanillu aalajangersakkanik taarserneqarnissamik tungaanut.

Kiisalu erseqqissaatigineqarpoq, sumiiffiit ilaannut aalajangersakkat nassuiaasersukkanik maleruagassiorfiusut, taakkunungalu ilanngullugit 1986-imi peqqussusiaq malillugu sumiiffinnut pilersaarutit, § 20 naapertorlugu aalajangersakkanit nassuiaasersukkanik maleruagassiorfiusunit taarserneqarnissamik tungaanut atuutiinnassasut. Aalajangersakkat taakku § 19 naapertorlugu aalajangersakkanut pingaarnernut atuuttunut naapertuuppata, tamanna tupinnanngitsumik taamaallaat atuutissaaq. Taamaanngippat pissutsit taakku § 27, imm. 2 imaluunniit 3 naapertorlugu pilersaarusiortussaataitanermik aallartisisussaapput.

#### Imm. 2-imut

Aalajangersagaq ikaarsaarnermut aalajangersagaavoq aammalu kommunalbestyrelsip illoqarfiup ilaanut pilersaarutininik, suliaasaqarfimmut inatsisit siusinnerusukkut atuuttut naapertorlugit suliarineqarsimasunik, saneqqutsinissamut immikkut akuersissuteqarnissamut aalajangiisinnaatitaanerannik aalajangersaalluni. Immikkut ittumik akuersissuteqarsinnaanermik piginnaatitaaffimmi pineqanngillat kommunimut pilersaarutininik, kommunimut pilersaarutininut tapiliussanik imaluunniit asimut pilersaarutininik nunaminertat atorneqarnerat pilersaarusiortnerlu pillugit Inatsisartut peqqussutaat nr. 6, 19. december 1986-imeersoq malillugu suliarineqarsimasunik, saneqqutsinissamut immikkut ittumik akuersissuteqartarneq.

#### Imm. 3-imut

Kommunimut pilersaarummut, kommunimut pilersaarummut tapiliussassamut imaluunniit suliniuteqarnermi pilersaarummut siunnersuut suliarineqarsimappat, aammalu pilersaarusiortarneq nunaminertanillu aqutsineq pillugu Inatsisartut peqqussutaanni nr. 11-mi, 5. december 2008-meersumi maleruagassat naapertorlugit tamanut ammasumik tusarniaassutigineqarsimappat, siunnersuut taanna §§ 25 aamma 35, imm. 5 naapertorlugu kommunalbestyrelsimit pineqartumit inaarutaasumik aalajangiiffigineqarsinnaavoq, tamanullu ammasumik nalunaarutigineqarsinnaalluni.

#### § 67-imut

Aalajangersakkami imm. 1 pilersaarusiortneq nunaminertanillu atuneq pillugit Inatsisartut Inatsisaanni nr. 11-imi, 5. december 2008-meersumi § 44, imm. 3-mik ingerlatitseqqinneruvoq, tassanilu nunami ammaannartumi pilersaarusiornissamut nunaminertanillu atugassiinissamut oqartussaaffiup 1. januar 2011-mi kommuninut tuniunneqartussaana aalajangersarneqarpoq. Piffissap taasuma tungaanut Namminersorlutik Oqartussat § 9 naapertorlugu pisariaqartutut naliliiffigineqarpat nuna tamakkerlugu pilersaarusiortarnermi maleruagassiorsinnaanerit tamatumunnga pissutaavoq.

#### Imm. 2-mut

Ingerlatsinermi oqartussaaffiup 01. januar 2011-mi tunniunneqarnissaata tungaanut kommunit nunami ammaannartumi pilersaarusiornissamut pisinnaatitaaffeqarnerat aalajangersakkami aalajangersarneqarpoq. Tassalu kommunip ataatsip tunniussinissamut ulluliussap tungaanut nunami ammaannartumi sumiiffiit ilaannut aalajangersakkanik nassuiaasersukkanik maleruagassioarnierlutik aalajangersinnaavoq. Nunami ammaannartumi sumiiffiit ilaannut aalajangersakkanik nassuiaasersukkanik maleruagassioqarsimappat, sumiiffimmi pineqartumi nunaminertanut oqartussaaffiup kommunimut tunniunneqarnissaa Naalakkersuisut aalajangersinnaavaat.

#### § 68-mut

Aalajangersagaq ikaarsaarnermut aalajangersagaavoq. Nunaminertat atorneqarnerat pilersaarusiernerlu pillugit Inatsisartut peqqussutaat nr. 6, 19. december 1986-imeersumi § 21 naapertorlugu kommunimit aalajangiinerit pillugit naammagittaalliutit Naalackersuisunit suliarineqartarput. Aaqqissuussineq taanna pilersaarutitut aamma nunaminertanut naammagittaalliuteqartarfiup pilersinneqarnissaata tungaanut atuutsiinnarneqarpoq.

Pilersaarutitut aamma nunaminertanut naammagittaalliuteqartarfiup pilersinneqarnissaata tungaanut kommunip aalajangiineri pillugit naammagittaalliutit apeqqutitut inatsisut tunngasortai Naalackersuisunut suli naammagittaalliutigineqarsinnaassapput. Naammagittaalliutit §§ 56-imi aamma 57-imi aalajangersakkat malillugit suliarineqassapput. Kommunalbestyrelsip aalajangiineri allaffissornikkut oqartussanut allanut naammagittaalliutigineqarsinnaanissaat aalajangersakkami taamaalilluni qularnaarneqarpoq.